

(欽定)平定七省方略

北京中國書店印行



# THE HISTORY OF THE

... ..

... ..





欽定剿平捻匪方略卷二百四十五 乙丑年

十月初四日 乙未 官文鄭敦謹奏言逆匪於九月

初六初七等日攻破棗陽縣屬郝家店戴家莊

民寨擾至襄陽縣屬之鄢家埠口等處勢甚蔓

延初八日提督江長貴總兵劉維楨兩路進兵

一擊之於劉家寨再及之於湖河鎮屢有斬擒  
乘勢追殺至十二日襄棗全境肅清姜玉順譚

仁芳等自南陽解圍後回紮新野探賊蹤南徧  
楚疆卽於十一十二等日分路截勦又斬賊數  
百名該逆遂分股由唐縣一帶狂奔仍圖回竄  
南陽行至高彭地方復被豫軍伏兵擊退逆衆  
晝夜急趨竄至裕州賒旗店等處盤踞官軍跟  
蹤緊躡惟賊騎我步每苦追勦不及現在任牛  
等逆趨重東境曾國藩駐紮徐州一時不能赴

豫而張總愚大股仍盤旋唐裕之間惟有嚴飭  
姜玉順譚仁芳等乘勝進兵會合豫師設法兜  
剿一面飛檄總兵劉維楨剋日統帶六營卽由  
棗陽前赴唐縣聯絡豫軍相機進取刻下棗陽  
之防尙難鬆勁另調清勝四營由小河溪拔營  
馳赴該縣防守以遏逆蹤回竄儻賊徑由桐泌  
一帶東趨楚之麻羅等屬又形喫重已飭成大

吉一軍勤加偵探以備迎勦

官文又奏言欽奉

諭旨令鮑超一軍赴豫助勦查該提督向來打仗專以遊勇爲事軍中漫無紀律金口之變覆轍不遠霆軍之留上杭者雖目前敷衍無事奈其中降衆太多心志不一並未帖然畏服儻聞鮑超留楚赴豫之信卽引羣呼類紛紛而來諸多窒

礙臣愚昧之見該提督既於本月初十日由楚起程卽催令迅速前進一面請

旨飭下該提督於抵防後如粵省軍務稍鬆迅將婁雲慶等所部之營由江省籌給欠餉委爲遣散再令單騎赴豫屆時另募新勇痛除積習訓練成軍較爲得力

同日吳昌壽奏言張總愚股匪竄入湖北棗陽

柿莊一帶臣檄飭已革臬司張學醇等督隊追  
勦旋據擒獲賊諜訊知張總愚仍欲回撲南陽  
府城以爲久踞之所張學醇卽同副都統善慶  
總兵張曜宋慶等統率馬步於九月初十日自  
郭灘拔隊前追爲先發制人之計行十餘里與  
賊大股相遇官軍步隊迎頭奮擊馬隊從兩旁  
衝壓賊乃敗退追殺十餘里至邵渠河賊梟水

而奔張學醇揮令馬步渡河追及賊隊鏖戰良久逆黨死者無算賊復敗走官軍再追十餘里前阻白河水大不可徒涉該逆拌死回拒賊馬四面圍裏適張曜帶親軍馳至併力衝殺始將賊衆壓退張曜因賊有圖宛郡之意遂與善慶閒道馳赴南陽商同鎮府嚴密防範張學醇緊躡賊蹤而北十一日該逆已至唐縣城邊往來

窺伺張學醇等督兵馳至該逆遂向東北奔竄  
至賒旗鎮屯紮十七日張學醇等挑選奮勇於  
四更時潛抵賊巢拋擲火彈該逆蒼黃驚覺紛  
紛亂竄官兵殺賊多名乘勢追逐十數里該逆  
知南陽有備遂竄裕州之南柏坡屯踞十九日  
又折向西北竄至魯山之蔡溝乘夜直撲縣城  
西關大股由下湯西馬樓等處駛向西北勢將



擾及嵩洛該處山徑紛歧追兵難以繞前截擊  
查賴牛各逆已由山東曹單一路竄往西南蕭  
碭境內豫省蘭考防兵可以抽調當卽飛咨提  
督馬德昭率領所部暨蔣希夷一軍馳援河洛  
一面飛飭張學醇等各營由襄邾繞赴汝州以  
便前截後追俾該逆不致擾及關陝惟豫軍數  
月以來與賊盤旋於宛南一郡行非不速戰非

集賢堂 卷之三十三 三  
不力而賊終未受大創者實以馬步過單之故  
此時賴牛各逆旣竄蕭瑒河防漸鬆大名駐防  
馬步可以移緩就急惟有仰懇

飭下直隸督臣劉長佑將副都統安住馬隊撥歸豫  
省調遣以期迅掃逆氛均奏入

上命軍機大臣傳諭官文曾國藩左宗棠劉長佑劉  
坤一吳昌壽鄭敦謹曰張總愚股匪闖入襄棗境

內經江長貴等軍擊退姜玉順等軍復由新野回  
剿賊勢不支急竄裕州賒旗店等處又經豫軍截  
擊該逆折回魯山縣境駛向西北勢將擾及嵩洛  
此股賊匪往來楚豫之交趨向靡定必須合兩省  
兵力聯絡夾擊方能得手官文鄭敦謹仍當嚴飭  
姜玉順譚仁芳等視賊所向統兵前進會合豫軍  
相機兜剿並檄劉維楨之軍迅由棗陽前赴豫境

策應不得以賊已出境稍存畛域之見吳昌壽已  
派馬德昭率所部馳赴河洛張學醇等軍由襄邲  
繞赴汝州截擊卽著督飭各軍探明賊蹤實力痛  
勦迅殄逆氛賴牛各逆前由曹單一路竄往蕭碭  
境內曾國藩自己設法布置近日勦辦情形若何  
仍著詳細具奏以慰廑念其西路股匪亦當妥籌  
兼顧以期萬全豫省馬隊太單現在直隸河防漸

鬆副都統安住所帶馬隊卽著劉長佑飭令統帶  
赴豫交吳昌壽調遣前因豫南軍情緊要是以改  
調鮑超一軍就近由楚赴豫茲覽官文所奏以上  
杭霆軍降衆太多心志不一儻聞鮑超留楚赴豫  
之信紛紛而來諸多窒礙所見亦是卽著官文傳  
知鮑超仍馳赴江西將所部新舊各軍妥爲部勒  
相機進兵聽候左宗棠節制該軍餉需仍著劉坤

一源源撥解毋令缺乏

十一日壬寅吳棠奏言清淮存留兵勇七千餘人

前因捻竄徐州境內疊准曾國藩函囑防顧東路計臣所部駐守桃源成子河圩者一千七百餘名駐守清江者一千七百餘名駐守淮安府城者六百餘名分駐宿遷之劉馬莊圩沐陽之錢家集圩清河之王營等圩馬步共一千餘名

分防運河水師共一千餘名徐州在運河南岸  
由徐東之睢宿達淮屬之桃源縣境相距甚近  
路路需防兵力本屬不敷實難分調且步隊調  
出擊賊數百里外一時有警回顧卽難應手現  
於無可抽撥之中派出駐防宿遷之參將吳鳳  
柱遊擊王樹標等帶馬隊二百名馳赴徐州隨  
同曾國藩所部兵勇實力勦賊又派遊擊唐高

憑王得勝等帶步勇六百名分紮宿遷之窩灣  
邳州之舊城扼守運河南北岸兼顧附近民圩  
又添調漕河標兵一千二百名防守清桃等處  
以資策應

同日閩敬銘奏言賊匪大股自九月十六日由  
金鄉魚臺晝夜南趨十八日副將王心安追至  
歡口賊已竄江南舊沛縣濱湖地方及鄭家集



一帶其地近接韓莊賊久窺伺兗沂慮卽由此  
竄入臣飛調楊飛熊復由滕縣進紮韓莊嚴扼  
運河令駐兗之參將姚紹修移紮滕縣之臨城  
驛以防該匪東趨之路屢據探報賊股竄入湖  
團盤踞自銅山之蔡城至沛縣地面蔓延七八  
十里邊馬至距徐州二十餘里之李家瓦屋去  
韓莊亦祇數十里曾國藩以徐防緊急並據捻

賊供稱思竄雒河及清江一帶檄令臬司潘鼎  
新與副都統色爾固善總兵張樹珊馬步各軍  
會合向南追剿 臣飭王心安分隊由沛縣前進  
並留兵魚臺以防回竄十月初一日賊之大隊  
向蕭縣一路西竄王心安於初三日戌刻在沛  
縣探知捻逆復擾東南督同各營星夜折回初  
四日甫過豐縣十餘里卽遇馬步賊衆蠶擁而

來我軍整隊進攻自己至西轉戰三十餘里始  
出重圍計斃悍賊百餘名生擒十餘名戊刻行  
抵魚臺賊已於未刻攻城並撲留守魚臺營盤  
正在相持王心安等趕至夾擊賊始遁去訊據  
獲賊供稱賊首任柱牛洛紅賴汶洸桂三等約  
有數萬人本欲竄撲清江因大兵截其前路是  
以回竄又據逃出難民供稱賴汶洸已到宿州

欲竄皖北任逆復行勾回意圖東竄各等語現  
在金鄉縣南北俱有賊蹤王心安卽由魚臺回  
剿臣查此次賊匪竄擾徐境駐紮濟甯之潘鼎  
新等軍均已拔營出境由豐進兵臣以湖團地  
面久爲賊踞飭王心安帶隊由魚臺至沛相機  
會剿兼以鎮撫湖團乃賊爲大兵所逼已遁蕭  
縣之西復窺我腹地空虛折而北竄賊匪因地

掠食本無巢穴惟紛竄於無兵之地垂涎於完  
富之區今全股突至金鄉必圖渡運東擾濟甯  
一路祇有王心安一軍自豐縣轉戰回剿未必  
能繞出賊前濟兗情形實爲喫緊臣不得已移  
緩就急飛調楊飛熊姚紹修兩軍自韓莊臨城  
驛由滕赴兗如遇賊勢東趨尙可迎頭截擊如  
賊直趨東濟卽令迅速跟追力籌堵剿均奏入

上命軍機大臣傳諭曾國藩劉長佑吳棠閻敬銘喬  
松年曰捻匪任柱等糾衆數萬由東境南竄被官  
軍截剿儻折回東境現在潘鼎新等軍俱已南征  
東省惟有王心安等軍兵力尙薄恐未能繞出賊  
前著曾國藩迅飭色爾固善等馬步各軍繞前迎  
擊毋令竄渡運河擾及登萊完善之區該大臣自  
當妥籌布置以紓朝廷南顧之憂閻敬銘務飭王

心安等實力追剿使該匪不得稍停喘息則曾國  
藩追兵一到即可併擊以期大加懲創清淮爲裏  
下河門戶捻逆不得逞志東省恐仍思南竄卽著  
吳棠妥爲堵禦該逆本有竄回雒河老巢之供喬  
松年亦當加意防範毋任闖入致歸正各圩復被  
煽動東明等處水套餘黨未淨冬令水涸清理較  
易著劉長佑閻敬銘不動聲色派員妥爲經理毋

令勾結爲患吳棠派出之參將吳鳳柱等馬步各  
隊卽著歸曾國藩妥爲調遣其防守桃源各軍仍  
著吳棠督飭嚴防遇有賊蹤竄入卽行迎剿

十四日乙巳閩敬銘奏言十月初三日賊由銅沛

回竄豐縣南鄉臬司潘鼎新帶前隊六營赴離  
城八里之陳家莊迎剿賊馬多起分路來衝復  
有大隊馬賊包出我軍之後並夾步賊萬餘四



面圍裏我軍屹立不動候賊逼近洋槍炸礮一  
齊轟擊斃賊甚多餘賊向西南狂奔是夜賊復  
由豐西折而北直犯魚臺初四日適值道員潘  
鼎琛帶留濟四營赴豐途次迎頭攔截將賊擊  
退潘鼎新因濟屬後路空虛卽由魚臺湖濱一  
路星夜馳回初六日已抵濟境之唐堽集副將  
王心安由豐境轉戰行抵魚臺聞該匪分股由

濟渡運卽於初五日由魚臺帶隊疾趨金鄉縣境繞出賊前設陣以待賊馬衝至我軍直前轟擊該逆敗奔西南追殺十餘里酉刻收隊行抵金鄉縣初六日王心安分帶各營復由金鄉之西進勦行至興隆集卽見賊匪馬步成羣我軍奮勇衝殺斃匪多名現據單縣報賊衆由縣境之曹馬集西奔曹縣報賊奔該縣東鄉又據潘

鼎新稟稱該逆初五日竄過單縣東南初六日  
後股在西南興隆集初七日竄赴虞城一帶各  
等語該逆游弋無定仍應防其回竄潘鼎新一  
軍已與王心安之軍會合卽飭由金鄉一路進  
兵楊飛熊一軍不日到兗當令覘賊所向進軍  
夾擊姚紹修兩營暫紮濟兗之間以爲策應現  
准曾國藩咨已檄張樹珊等軍來濟大兵續集

應可制賊東竄臣思制剽流之寇原須有定之  
兵若往來更調則亟肄以疲臣現擬另籌一軍  
檄調知府王成謙統帶以圖迅掃狂氛奏入

上命軍機大臣傳諭官文曾國藩劉長佑閻敬銘喬  
松年吳昌壽鄭敦謹曰賊由銅沛回竄豐縣西折  
而北直犯魚臺經潘鼎新等軍分路進剿該逆敗  
奔西南現由單縣興隆集竄赴虞城著閻敬銘督

飭派出各軍乘勝越境跟蹤躡剿並著吳昌壽嚴  
檄在防各軍迎頭截擊會同東省官軍兩面夾攻  
務將此股逆匪就地殄除毋令匪蹤蔓延致剿辦  
益形棘手該匪乘閒奔竄剽疾異常非有精勁馬  
隊相輔而行勢必處處落後徒成尾追之局前諭  
曾國藩飭色爾固善等馬步各軍繞前迎擊現在  
逆匪已逸入虞城著曾國藩卽飭色爾固善等馳

赴豫境協同追剿並著劉長佑飭安住統帶馬隊  
迅速赴豫以資厚集賊勢已成流寇必須以有定  
之兵辦無定之賊方能制賊死命閻敬銘擬另籌  
一軍責令王成謙統帶以備攔擊卽著飭令選派  
得力兵勇扼要駐紮毋得有名無實賊股現竄豫  
省非悉銳西趨與張總愚合股卽南竄光羅圖犯  
鄂邊著官文鄭敦謹嚴檄在防將士認真堵禦越

境迎勦毋存畛域之見虞城與亳宿一帶相距匪遙難保該逆不由豫竄皖又肆鷓張著喬松年督飭官軍會同掃蕩以勦爲防狂寇東奔西竄朝廷實深南顧之憂曾國藩有節制三省之責務當統籌全局力圖勦洗以副委任

十五日丙午曾國藩奏言曹州之賊知濟甯防守

甚嚴不能渡運河而東遂悉數南竄徐州分布

豐沛銅山境內盤踞湖團一帶臣調張樹珊色爾固善等同軍追剿並調潘鼎新越境夾擊九月二十三張樹珊等駐軍豐魚交界之谷亭紮營未定賊馬五六百匹突來撲犯我軍迎擊敗之追奔十餘里擒斬數十名二十八日臣派營務處李昭慶帶忠樸等營會同張詩日步隊烏爾圖那遜馬隊出剿徐州北境二十九日至



柳新莊賊大隊南來見官軍步伐整齊且戰且走我軍追及於張谷山烏爾圖那遜馬隊從旁抄擊副將黃金志衝其中堅賊勢不支紛紛敗竄追逐二十餘里偪入湖中淹斃百數十名陣斬二百餘名生擒悍賊二十六名賊由劉家集西竄蕭縣而去色爾固善由豐縣回軍十月初一日行近蕭縣與賊邊馬遇於郝家集我軍分

三路進擊賊卽潰敗追至胡家莊殺賊數十名  
臣意賊旣由曹而南竄徐州又由徐而西竄蕭  
碭勢必回顧蒙亳老巢不料賊於初二日又復  
折回豐縣與後股會合徧布城南十餘里是時  
鼎軍四營尙留濟甯僅六營先到豐縣兵力甚  
單初三日潘鼎新帶隊赴陳家莊誘賊出戰殺  
賊一千餘人賊向西南狂奔竟夜不敢停宿折

而北竄直向魚臺一路初四日適遇道員潘鼎  
琛由濟帶隊前來與賊戰於豐北潘鼎新復與  
王心安之軍馳往夾擊殺斃無算賊復敗竄向  
西路單縣而去查此次徐濟諸軍各有斬擒潘  
鼎新以孤軍當狂寇以步隊擊馬賊竟獲全功  
差足以寒賊膽惟該逆行走甚速乘虛蹈隙是  
其慣技當初竄東省已有由青石關窺伺登萊

之說現值運河水涸難保不潛行偷渡潘鼎新一軍已全隊拔回濟甯防所臣飭張樹珊色爾固善暫駐豐縣如賊久居曹屬該兩軍仍當齊赴山東如果渡運內竄再調李昭慶率大枝遊擊之師赴東會剿以保完善之區

曾國藩又奏言欽奉

諭旨副都統安任所帶馬隊著劉長佑飭令統帶赴

豫交吳昌壽調遣查擒匪現竄曹單與直隸之東  
明長垣一帶處處毗連霜降以後黃河水淺歸  
槽礮船本屬無多轉瞬歲寒冰堅卽可鋪草墊  
土全河皆成坦途尤非礮船所能爲力黃河北  
岸汎地甚長目下祇可增兵斷難減戍臣所以  
注重東路者以山東北鄰畿輔天下之根本也  
南鄰江蘇臣軍銀米器械所自出楚勇淮勇之

集賢堂  
卷之三十四  
一  
根本也賊匪所以注重東路者以山東運河以  
北平衍富饒不似豫皖之難於覓食也若非數  
次痛斲而大創之則該匪斷不能忘情於山東  
山東之事一日不鬆則直隸之防一日難弛相

應請

旨飭下直隸督臣劉長佑仍將副都統安住所帶馬  
隊調回駐守並須酌添步兵使將領皆知冬春

之防甚於夏秋務保萬全是爲至要如果該逆  
因屢次敗挫不敢留戀山東則必由曹單回竄  
河南俟其竄過開封陳州以西臣當一面具奏  
一面咨商劉長佑吳昌壽或調安任馬隊仍赴  
河南臣亦當添派大枝遊擊之師赴豫會剿奏  
八

上命軍機大臣傳諭曾國藩劉長佑吳昌壽曰昨據

閻敬銘奏稱捻匪由山東復竄虞城已諭曾國藩  
飭色爾固善馬隊赴豫追剿此次官軍雖兩次獲  
勝而該逆未受大創著曾國藩仍遵前旨嚴飭色  
爾固善等跟蹤追躡毋稍鬆懈吳昌壽有地方之  
責尤不得稍存推諉並著督飭各軍迎頭截剿毋  
令闖入河南腹地致滋蹂躪黃河水涸未宜減戍  
曾國藩所陳實爲根本至計卽著劉長佑札飭安



住馬隊仍留直隸防守河邊不得稍有疏忽儻賊  
竄徐州以西則直隸防務較鬆仍著曾國藩察度  
情形妥爲調遣以資攻剿

同日李鴻章奏言欽奉

諭旨令臣督帶楊鼎勳等軍馳赴河洛一帶防剿兼  
顧山陝門戶臣再四籌思所慮者約有三端一  
兵勢遠分也我

朝從前武功專恃兵力此次軍務全資勇力臣初  
至軍營習聞周天爵琦善向榮和春諸臣之議  
論皆謂旗綠弁兵馴謹而易調遣各省勇丁桀  
驁而少紀律儻不得已而用勇就地召募隨時  
遣汰尙無甚流弊若遠調數千里外終必譁潰  
誤事咸豐初年廣西所募湖勇最多向榮張國  
樑等帶赴江南沿途騷擾卒至十年三月金陵

之變一潰不可收拾自曾國藩江忠源胡林翼  
李續賓等創練楚勇不用一兵蓋深知綠營廢  
弛已久習氣太深萬不足以殺敵致果而以楚  
將練楚勇恩信素孚法制嚴密又由湖南北轉  
戰江皖一水可通人地相宜是以歷久而能成  
功然李續宜唐訓方以楚勇勦淮北之捻劉長  
佑以楚勇勦直隸之騎馬賊均未大著功效則

以離鄉太遠南北異宜勇性未能馴服何能得其死力曾國藩曾國荃有鑒於此故於金陵克復東南軍事將竣卽將所部湘勇遣撤但囑臣暫留淮勇以備中原勦捻自係因地制宜夫捻匪係皖豫東三省無賴糾合而成其隸皖籍者大都潁亳蒙宿人皆在淮北臣籍隸廬州實在淮南所部淮勇則廬州六安安慶揚州人居多

皆濱江處所於長江上下防勦最宜軍士戰於  
其鄉亦較得力其性情風氣與淮北迥殊同治  
元年臣初由安慶赴滬湘勇以去路太遠多不  
願從仍商之曾國藩就臣鄉里團練久戰之士  
選將束伍逐漸添募如程學啟劉銘傳潘鼎新  
張樹聲周盛波等始僅爲營官帶數百人耳嗣  
因打仗可靠各增募至數千人今遂爲淮勇最

勁之兵究之用於江淮南北千餘里內必可指  
揮如意若逐漸調移山東河南邊境尙能勉強  
相從若遽遠赴河洛山陝並豫備勦除京東馬  
賊甘肅回匪之用水土不習誠恐遷地弗良勇  
心渙散不獨素食穀米驟改麥麩一端爲可慮  
也且

朝廷期望於臣欲以西北軍事相屬不過以臣在

蘇屬立戰功而臣亦惟賴所部將士踴躍用命  
若令臣去而平素慣用之健將勁兵不得隨行  
臣復何能爲役曾國藩籌備徐州濟甯周家口  
等處防軍皆臣部最出力者臣若不調西行則  
聲勢不能大振若全調他往則東饒無以自立  
若另圖添募馬步而隨身先無親信可恃之兵  
勇必致敗軍饋事而無裨於全局此兵勢不能

邊分之實情也一餉源難恃也凡欲治兵必先  
足餉欲籌餉必先得人與地臣自咸豐三年至  
八年皆在皖北軍中竊見和春鄭魁士之戰陣  
頗勇旋因餉缺而潰袁甲三翁同書等繼之亦  
因餉絕而敗卽十年江南大營之潰十一年浙  
江之陷皆由於餉糧斷絕官文胡林翼籌鄂餉  
以供東征曾國藩進圖江皖以江西湖南廣東



釐金爲餉源左宗棠以浙餉辦閩浙之賊臣以  
滬蘇入款辦江浙之賊皆能自我爲政轉輸不  
匱故得歲事曾國藩夏開奉

命勦捻臣忝署江督卽以後路籌餉引爲己任以安  
其心數月以來分屯豫東蘇皖千餘里湘淮兵  
勇四萬餘人糧運供支源源接濟又兼籌蘇松  
揚州留防各陸營長江外海各水師皖南北江

西防剿遣撤各湘軍之餉雖以入抵出不敷尙  
多竭力勻撥幸無貽誤 臣若奉

旨西征現在前路剿捻後路分防各軍餉源當屬於  
何處籌餉當責成何人亦須先行計議若無確  
然可指之款率衆前行必難濟事若非切實可  
靠之人維持後路亦無以安曾國藩與 臣軍各  
將士之心 臣嘗默籌熟計各省若以現餉養現

兵約計河南可養戰士一萬五千山東可養戰  
士二萬安徽可養戰士一萬江蘇可養戰士六  
七萬湖北可養戰士四五萬各省督撫果皆熟  
諳韜略認真籌餉練兵使一兵得一兵之用通  
力合作勿存推諉爭忌之心則兵與餉可漸足  
一二年閒可期奏效若

皇上專派督勦大員而各督撫謂事有專屬或擁兵

觀望或玩視軍需或勝則爭功敗則諉咎遂使  
客兵出境種種牽掣亦難必其收功之遲速矣  
臣若赴豫欲圖堯滅此捨必須多練馬隊以備  
衝突廣置車贏以資轉運需餉甚鉅豫中蹂躪  
已久力難供應若專指蘇餉日下蘇滬稅釐分  
供前敵淮軍已虞饑潰再添募馬步人數益衆  
道路益遠勢必不支臣一經離任恐亦不能遙

制此餉源不能專恃之實情也一軍火難常接濟也臣軍久在江南勦賊習見洋人火器之精利於是盡棄習用之擡槍烏槍變而爲洋槍隊現計出省及留防陸軍五萬餘人約有洋槍三四萬桿銅冒月需千餘萬顆麤細洋火藥月需十數萬斤均按月在上海香港先期采買陸續供支臣每親自料理又有開花礮隊四營一爲

潘鼎新帶往濟甯一交劉秉璋鎮守蘇州其副  
將羅榮光劉玉龍兩營爲臣親兵現分守金陵  
城外之下關江東橋兩處江口洋礮重者千餘  
斤輕亦數百斤其礮具之堅精藥彈之繁冗臣  
講求數年稍窺祕要今若出省督師必須酌量  
調往惟礮隊所用器械子彈等項均在滬局製  
造儻因道遠解運不及臨敵不能應手將若之

何此軍火不易接濟之實情也儻蒙

聖明指示俾臣帶兵遠出日後更無掣肘之患臣得以效命疆場努力設謀幫同曾國藩等殲此殘寇雖萬死有所不辭奏入

上命軍機大臣傳諭曾國藩李鴻章吳棠曰前因捻匪竄擾南陽豫軍不能得力諭李鴻章統兵西征並令曾國藩等妥籌商酌不必拘泥諭旨務期事

臻盡善以副虛懷下詢之意嗣據曾國藩奏稱南陽賊數較少宛洛之患稍輕李鴻章所部淮勇均調赴東豫各處駐紮別無可調之師茲據李鴻章奏瀝陳兵餉軍火各端恐難專恃與曾國藩所奏大略相同該大臣等均能詳細縷陳洞悉此中利害實爲有見現在賊勢趨重虞城張樹珊等軍攻勦正急而南陽僅張總愚一股自不必再事更張



卽著毋庸置議曾國藩務當督飭各軍迅籌殲賊  
方略李鴻章駐守金陵督催前敵餉需軍火毋稍  
遲誤吳棠於清淮情形最熟並著嚴飭防軍視賊  
所向迎頭截勦勿令闖入裏下河完善之區以副  
委任惟南陽捻逆豫軍旣不能勦除恐其日久裹  
脅愈多前諭鮑超由襄赴豫嗣因官文奏稱該提  
督遊勇太多漫無紀律上杭之勇聞有赴豫之信

三  
四  
五  
六  
七  
八  
九  
十  
十一  
十二  
十三  
十四  
十五  
十六  
十七  
十八  
十九  
二十  
二十一  
二十二  
二十三  
二十四  
二十五  
二十六  
二十七  
二十八  
二十九  
三十  
三十一  
三十二  
三十三  
三十四  
三十五  
三十六  
三十七  
三十八  
三十九  
四十  
四十一  
四十二  
四十三  
四十四  
四十五  
四十六  
四十七  
四十八  
四十九  
五十  
五十一  
五十二  
五十三  
五十四  
五十五  
五十六  
五十七  
五十八  
五十九  
六十  
六十一  
六十二  
六十三  
六十四  
六十五  
六十六  
六十七  
六十八  
六十九  
七十  
七十一  
七十二  
七十三  
七十四  
七十五  
七十六  
七十七  
七十八  
七十九  
八十  
八十一  
八十二  
八十三  
八十四  
八十五  
八十六  
八十七  
八十八  
八十九  
九十  
九十一  
九十二  
九十三  
九十四  
九十五  
九十六  
九十七  
九十八  
九十九  
一百

恐引羣呼類而來請飭仍赴江右第念鮑超勦賊  
向稱勇往若令嚴加鈐束未始不可資其攻勦特  
恐鄂餉難支著曾國藩李鴻章妥爲商酌於江蘇  
接濟數成餉需並令該提督將遊勇嚴行裁汰不  
許任意招留卽札令赴南陽勦賊統歸曾國藩節  
制以一事權儻事屬可行卽著一面札調一面奏

聞

欽定勦平捻匪方略卷二百四十六 乙丑年

十月十九日 庚戌 劉長佑奏言 欽奉

諭旨飭安任馬隊仍留直隸防河惟據安任咨報已  
統帶吉林黑龍江馬隊於十月十二十三十四  
等日陸續起程竊計此時行抵豫境現在黃河  
未凍礮船當可駛行足資扼守值此豫省攻勦  
喫緊之時前項馬隊應聽河南撫臣暫時調遣

集賢堂  
以遏賊匪北竄之路一面嚴飭在防水陸將士  
加意嚴防仍俟察看情形如果必須調回再行  
遵

旨飭調回駐河干以固根本奏入

上命軍機大臣傳諭劉長佑曰安任馬隊現已起程  
卽著劉長佑咨令該副都統前赴豫省暫歸吳昌  
壽調遣仍著該督察看情形如果必須調回再行

飭調回駐河干以資防禦

同日喬松年奏言捻股由山東回竄後游弋於  
豐沛之間偪脅湖團其勢甚衆曾國藩調軍迎  
擊力挫其鋒賊蹤遂折回蕭碭該二縣與皖北  
毗連誠恐復圖回竄臣先飭藩司英翰將所部  
總兵黃秉忠調駐西洋集與原駐雒河之軍聯  
絡並飭道員史念祖豫備聽調時因張逆一股

尚在南陽偏近光固故全軍未動昨接曾國藩  
來咨囑臣一律嚴防臣現又催調史念祖移紮  
西洋集總兵黃秉忠進駐宿州統由英翰督帶  
前往擇要扼紮亳州本有周盛波一軍當尙可  
恃蒙城已調副都統克蒙額馬隊前往駐紮總  
兵張得勝本駐固始今固始情形稍鬆已飭移  
軍填紮潁州並檄總兵李南華駐蒙城之小澗

集總兵陳廣俊駐太和之舊縣集以期互相援  
應如此分別布置邊防尙爲周密儻賊果徧犯  
皖疆臣惟當激勵諸軍相機戰守並隨時與會  
國藩妥籌調度不敢稍有疏懈奏入

上諭曰前據閩敬銘奏擒匪已由單縣竄赴虞城賊  
蹤飄忽難保不復擾皖疆著飭英翰等認真防守  
遇賊卽擊毋令匪蹤得以闖入其布置一切事宜

仍著隨時咨商曾國藩妥爲調度

二十一日壬子吳昌壽奏言前因張總愚股匪竄

由魯山下湯西馬樓等處駛向西北勢將擾及

嵩洛臣先期檄令參將崔廷桂率領所部由鄭

州石橋移赴河南府嚴密防範又咨提督馬德

昭統帶所部並副將蔣希夷各營由蘭考西馳

相機截剿該匪偵知西路有備全股折回攻撲



魯山縣城拋擲火箭延燒西關房屋經知縣胡  
廷楨督勇擊退計斃馬步賊匪四十餘名賊乃  
紛竄寶豐縣境十月初一日總兵宋慶等軍及  
賊於寶豐石橋寨地方鏖戰兩時之久擒斬悍  
賊多名匪勢不支由郟縣竄至禹州大股麕集  
距城數里初五日已革臬司張學醇及宋慶等  
帶兵馳至乘夜派隊潛入賊營殺斃十餘名賊

衆驚亂向東北遁走初六日張學醇督隊躡剿  
行十餘里賊復反旗回戰經我軍擊退仍在禹  
州附近村莊屯踞初九日四更時張學醇等分  
督各隊衝入賊營逆衆驚覺紛紛亂竄我軍分  
投進剿斬殺甚多當將附近賊營悉行踏毀該  
逆盡向東北敗走先是賊在禹州與張學醇等  
相拒已分股竄入新鄭密縣等境提督馬德昭

統軍馳抵新鄭至小窩口地方派參將左成元  
等馬步各隊奮勇直前該逆不虞我軍猝至四  
散狂奔刻下馬步賊股均由長葛一帶奔竄查  
長葛東接鄆陵東北卽係洧川業經飛飭張學  
醇及馬德昭等督率各軍由此兩路跟蹤追剿  
迅殄逆氛

吳昌壽又奏言據杞縣知縣查以謙稟稱前竄

蕭碭捻逆突由乾黃河折回西竄麇聚睢州壩  
圈頭集初九日邊馬擾及杞縣東北人和新興  
各社及裴村店陶林岡等處焚掠勢極兇猛經  
該縣會同城守營千總王文清馳至許岡揮隊  
直前槍斃馬賊四名餘賊仍向東北駛擾刻下  
東北正東東南火光燭天距城五六里外之曹  
屯張窪等村俱有馬賊屯聚等語查張總愚股

匪被勦東趨臣飛飭馬德昭張學醇等併力追擊正在催軍前進不料此股忽又回竄若與張總愚一股互相牽掣軍務愈形棘手臣現將防守河洛之兵調回祥符蘭儀一帶扼要駐紮以防河岸仍當相機布置兩路兼籌以資策應

吳昌壽又奏言總兵張曜前於三月閒稟請給假葬親其時前敵接替無人未准所請現在提

督馬德昭已革安徽臬司張學醇均已到豫業  
經派赴前敵統帶各營該總兵原帶勇丁六營  
連年轉戰傷損甚多現今汰弱留強交總兵保  
英管帶茲復據該總兵具稟乞假擬請

賞假四箇月俾得歸葬以遂孝思假滿之日卽令回

營

同日王榕吉奏言據探前由南陽竄往棗陽股

匪回竄唐縣裕州復由魯山擾及寶豐汝州一帶勢將撲犯嵩洛訊據獲賊供稱意在圖竄晉疆等語查寶汝距晉不遠如果逆蹤由嵩洛駸駸北趨沿河均形喫重雖河南撫臣吳昌壽派兵分投兜剿而賊騎甚多異常剽疾能否繞出賊前尙不可知臣現飭河東道楊寶臣督催在防文武將窰坑設險事宜率同弁兵過河趕辦

兼令各段礮兵嚴整以待其垣曲縣以東各渡口均係河南濟源縣地面晉省前已派兵越境設防尙恐不敷守禦茲復飭前護太原鎮總兵和昌就近量移官兵擇要添布不得稍分畛域一面飛咨吳昌壽及河北鎮總兵加添兵勇協力防守以期聯絡聲勢臬司陳湜前因豫捻分股竄擾直東邊境東南防務緊要業由蒲解馳



赴潞澤親加查勘現在西南防務亦形喫重已  
飭和昌於茅津渡一帶加意嚴防新任太原鎮  
總兵蔣臨照河東道楊寶臣現已前赴河干與  
和昌妥商保衛萬一信息再緊臬司陳湜不能  
分身回顧臣卽親自出省馳赴西南會督辦理  
奏調江南礮船迄今未到應請

旨再行飭催免爲河冰阻隔均奏入

上命軍機大臣傳諭官文曾國藩吳昌壽鄭敦謹王  
榕吉曰張總愚股匪由魯寶西竄圖犯嵩洛因偵  
知西路有備折而東趨經張學醇馬德昭等迎擊  
於禹州新鄭等處屢次獲勝現在馬步各賊尙在  
長葛地方著吳昌壽卽飭張學醇馬德昭等軍由  
鄢陵洧川兩路跟蹤躡剿毋使該逆得以喘息蕭  
颺捻逆回竄豫之睢州邊馬擾及杞縣等處是已

由虞城而西誠恐與張總愚一股合併且黃河現當冬令水涸尤恐伺隙搶渡勦辦更形棘手吳昌壽現調駐守河洛之兵回駐祥符蘭儀一帶嚴扼河防誠屬要著仍當檄飭在防各軍會合山東追勦之軍兩面夾攻毋使乘閒深入色爾固善等馬隊疊諭曾國藩檄赴豫境著飭馳赴睢杞一帶繞出賊前以扼奔突其安住馬隊已據劉長佑奏起

程赴豫並著吳昌壽飭令迎頭截剿嚴扼賊由蘭  
考北竄之防王榕吉所奏捻蹤北趨各情自尙未  
悉賊已由禹邨折而東竄惟逆蹤飄忽靡常晉豫  
一河之隔隘口紛歧尤不可稍涉大意著王榕吉  
仍飭和昌蔣臨照等覘賊所向就近量移擇要添  
布以臻周備賊蹤去鄂雖遠官文鄭敦謹仍當嚴  
檄鄂邊將士越境設防以備迎剿毋得稍存畛域

之見總兵張曜著賞假四箇月准其回籍葬親其所部各營卽飭接管之總兵保英妥爲整理王榕吉請催調江南礮船已諭曾國藩李鴻章迅速調撥矣

上又命軍機大臣傳諭曾國藩李鴻章曰前因王榕吉奏稱晉省造辦礮船未能合式請調江南礮船當諭曾國藩李鴻章揀派營官一員管帶礮船十

餘隻廣募船工船匠由運河入黃沂流赴晉迄今  
一月有餘據王榕吉奏稱尙未調到現在晉省河  
防喫緊且瞬屆隆冬河冰漸結著曾國藩李鴻章  
迅將前次所調礮船趕緊派員帶赴晉省免爲河  
冰阻隔貽誤事機

二十五日 丙辰 喬松年奏言據西路探報張總愚

一股已由邠縣禹州新鄭日漸東趨擾及許州

洧川漸將竄至陳州歸德與潁州又復相近亟  
宜統籌兼顧 臣已調藩司英翰督率道員史念  
祖一軍仍回潁屬之插花廟駐紮並調總兵張  
得勝回駐潁州相爲犄角如豫境捻蹤果近皖  
境再當視賊所向與豫軍併力夾擊其黃秉忠  
一軍改駐西洋集程文炳一軍仍駐雒河集妥  
爲扼紮何處有警卽由何處進剿以期慎固封

守不致爲賊所乘奏入

上命軍機大臣傳諭曾國藩吳昌壽喬松年曰張總  
愚股匪由郟縣禹州新鄭日漸東趨擾及許州洧  
川漸將竄至陳州歸德距潁州甚近喬松年現調  
英翰一軍駐紮潁州府屬之插花廟張得勝一軍  
回駐潁州相爲犄角黃秉忠一軍改駐西洋集程  
文炳一軍仍駐雒河集卽著督飭派出各軍分路



設防遇賊卽擊毋令匪蹤闖入喬松年務當激勵  
將弁越境迎截以勦爲防與豫軍協力進攻爲一  
鼓聚殲之計賴汝洸等股已由東境竄入豫省之  
虞城一帶若與張總愚勾結合股勦辦更形棘手  
應如何分路進攻之處著吳昌壽相機布置曾國  
藩節制三省責無旁貸著懷遵疊次諭旨統籌全  
局抽撥勁旅赴豫協勦

二十七日戊午吳昌壽奏言張總愚股匪自被創

後由長葛鄢陵東趨扶溝沿途攻撲城池正在  
竄擾之際適遇賴牛各逆自甯陵扶溝等處被  
提督劉銘傳等截擊西趨合爲一股同向西南  
紛竄適提督馬德昭等於十月十三日追至鄢  
陵西北之吉慶寨見大股賊匪蠡擁而至我軍  
奮力進擊自巳至未鏖戰三時之久該逆抵死

不退適已革臬司張學醇總兵宋慶保英等率  
領各軍由西路追至與馬德昭等兩面夾擊我  
軍膽氣百倍無不踴躍爭先該逆不能抵敵悉  
向西南敗竄追奔十餘里殺賊二百餘名槍斃  
者不計其數生擒三十四名該逆於十四日奔  
至許州一帶大股未敢近城另股馬步逆黨千  
餘在數里之外往來遊弋經副都統善慶督帶

馬隊擊走捨石法有一名訊據供稱該匪由襄城葉縣擾及舞陽後股則由臨潁奔逸鄆城西平遂平一帶臣卽飭張學醇宋慶由襄葉馳赴南陽馬德昭由臨潁鄆城兩路探蹤相機追剿吳昌壽又奏言竊以人臣之道知而不言言而不盡皆非也能而不爲不能而強爲亦皆非也敢以豫省軍務之難臣竭蹶貽誤之狀爲我

皇上敬陳之賴牛任張各逆均係失巢窮寇鋌而走  
險兇燄方張賴汝洸等自蕭碭折回益以湖團  
裹脅之賊不下三四萬人張總愚一股亦不下  
一二萬衆分則東西牽掣備多力單合則遠近  
蔓延賊衆我寡當其萬馬奔馳颺飛電掣實難  
遽撓其鋒故年餘以來止有尾追而無迎擊尾  
追而遠則無救於生民焚掠之慘尾追而近則

勇略圖考卷三十四  
十四

猛一回噬立見傷亡計無復之不得不結營以  
自衛結營未成而賊已不知何往此賊勢之難  
也夫戰旣不足守或有餘豫省西北雖多山險  
因生齒日繁田疇日闢山徑處處可通竟無要  
隘可守至水之大者黃河而外莫如淮然自桐  
柏發源所過光羅新息諸境淺深寬狹不一有  
非舟楫不通者有人馬可以鼻渡者其他沙潁

溱洧則到處皆可超越備左則右虛備右則左  
虛此地勢之難也古人固圍之計必先有防兵  
而後有戰兵豫省旣無能戰之兵卽以防兵而  
言扼其入楚則申息宜防扼其入秦則浙內宜  
防旣慮其突潼關也則自鞏偃以至闕鄉之徑  
竇宜防又恐其犯河朔也則自底柱以至銅瓦  
之隄岸宜防賊自曹單則蘭考宜防賊自蒙亳

則鹿柘宜防賊自蕭碭則永夏宜防賊自阜太  
則沈項宜防蓋他省皆有邊地而後有腹地豫  
則無處非邊卽無處非腹地之他竄必取徑於  
豫賊之飽歸又必盤旋於豫現在兵力屯紮一  
隅猶不足以制其出入又安能無處不防無防  
不固此邊防之難也於是有所爲堅壁清野之說  
者亦所以濟戰守之窮豫省自團練以來大縣



堡寨二百餘所小縣堡寨亦逾百所當寇至之時男女牲畜糧石資財盡攜入寨俾賊野無所掠然嚴冬之野可清而夏秋之野不可清近日賊情狡獪所至之處多不發火小民無從警覺賊騎猝至始謀遷徙已無及矣故堅壁清野不足以及困賊兼之數年以來兵勇騷擾民間積怨已深仇殺官兵之案層見疊出現在三令五申

嚴加約束兵漸不敢肆虐於民而百姓反閉關  
絕市以困官兵將欲破此積習計非旦暮之所  
能此堡寨之難也軍行以糧食爲最要曾國藩  
濟甯周口之軍每處必先儲米萬石可謂籌畫  
萬全然此二處皆係濱臨淮運可以泛舟豫省  
賊之所經多在平原曠野無水可漕數石之重  
中人弗勝則必隨地購糧卽必到處耽擱賊因

糧於地無糶糴輦任之累故一日之程爲官兵  
數日所不及至於荒畝僻壤烽燹所餘則求一  
升之米一束之芻而不可得其良者忍餓而疲  
羸不肖者因飢而搜括軍律廢民怨積皆由於  
此此兵食之難也軍營制勝火器爲先臣履任  
之初簡閱軍實擡礮鳥槍等件製造皆不如法  
火藥則硝磺提鍊不精由於官定價值減省太

過之故數月以來增價製造而司庫已有不給  
之勢且近日賊中洋槍甚多即使官兵槍礮合  
式已難比其裝放之捷潘鼎新劉銘傳諸軍所  
以能遇賊獲勝者皆恃洋槍而濟以炸礮然非  
豫省所能猝辦此軍械之難也豫省用兵十年  
未嘗講求訓練無論馬步兵勇大抵以竹竿槍  
爲利器其所以不用槍礮之故皆由於裝放之

不能如法自奏調提督馬德昭到營後遂責之  
以操演然技未精而寇已深冀有日月之暇俾  
士卒習吾教訓而不可得乃知前此在事諸臣  
所以不及講求者爲此此訓練之難也豫省歲  
入之數不足二百萬計其出項中年常缺其半  
前此軍餉每月七萬有時養兵多至二萬計一  
兵每日所得恆不能半飽臣稔知此弊酌加餉

銀未能徧及每月已多至十萬以外賴有陳州  
存款十萬兩藩司又竭力攢湊僅敷散放八月  
以後藩庫萬難爲濟不得已裁兵就餉而兵則  
愈單賊則愈熾盤踞腹心久而不去民旣失耕  
穫之時官豈有催科之術恐併此區區之兵亦  
無以養之矣此籌餉之難也夫豫省地處中原  
天下安危所繫也

國家建都燕京以河朔爲門戶而河朔之蔽尤在  
河南乃賊任意往來致六府三州之地悉爲戎  
馬之場黃河天險賊將與我共之上下千餘里  
安能處處設防日日申警乎且兩湖雲貴諸省  
驛路之所經餉道之所出而可聽其梗塞乎此  
大局之難也以難戰之兵難籌之餉當難制之  
寇而又處難以自存之地此非文武兼資智勇

足備豈能轉敗爲功臣魯鈍無才移撫豫疆已  
逾半載毫無補救負罪甚深儻再隱忍不言則  
臣罪愈重惟求

皇上治以應得之罪

簡任賢能畀以闔寄拯生靈於水火鞏疆圉於苞桑  
中州幸甚天下幸甚奏八

上命軍機大臣傳諭官文曾國藩李鴻章喬松年吳



昌壽鄭敦謹曰張總愚股匪與賴汝洸牛洛紅各  
逆合股同向西南紛竄經馬德昭等督兵夾擊逆  
匪敗竄奔至許州一帶復經善慶馬隊擊走現在  
該逆前股由襄城葉縣擾及舞陽後股則由臨潁  
奔逸郟城西平遂平一帶其勢方張著吳昌壽督  
飭張學醇宋慶等馳赴南陽馬德昭由臨潁郟城  
兩路探蹤相機追剿毋得容賊喘息官文等屢有

卷之四十二  
三

派兵會剿之奏僅於鄧州等處報一勝仗並未深入豫境會合豫軍將賊匪痛加懲創是該督等會剿之說不過敷衍了事有名無實官文鄭敦謹務當飭令防邊各軍越境赴豫迎頭截擊並飭各路將領協力嚴防毋令賊蹤竄入鄂疆儻再因循從事不知振作必惟該大臣等是問鮑超一軍前諭曾國藩酌量調赴豫省如果於豫省有益卽著迅

速檄調以資得力皖省防務仍著喬松年嚴密布  
置吳昌壽所陳豫省軍務種種棘手勢處萬難自  
係實在情形該省地當四衝備多力分兵餉兩絀  
現在張總愚股匪與賴牛等逆併聚豫省賊數益  
衆斷非一省兵力所能支曾國藩本有節制三省  
之責自當統籌全局前往援應且江皖兵力較厚  
此時又無捻蹤竄擾所有原設四鎮兵勇自應移

向西進步步進逼以期力遏狂氛該大臣亦當斟酌情形移營就近督剿未可株守一隅致誤事機豫兵不習火器無以制賊蘇省所製火器較爲精良著李鴻章將洋槍鉛丸火藥酌量提撥派員迅解豫省並著曾國藩李鴻章各揀派熟習火器弁勇赴豫交吳昌壽差委所陳供職無狀自請治罪並請另簡賢能等語該撫受恩深重自當力爲其

難不得以兵餉兩絀遽思推諉卸責



欽定剿平捻匪方略卷二百四十七 乙丑年

十一月初二日

癸亥

官文鄭敦謹奏言賊自棗陽

敗退後遁向唐泌一路盤旋不去仍作回噬楚  
疆之計偵知我軍戒備甚嚴遂折向宛南蔓及  
南召魯山又有圖犯河洛之勢既恐其西向潼  
關又慮其南趨內浙潼關一路有豫軍遏截或  
可無虞僨事浙川荆子關一帶勢甚空虛該處

與鄖光接壤臣等已飛咨提臣江長貴會同總  
兵楊朝林督率兵勇及河口提標防軍周有全  
水師礮船妥爲備禦一面嚴催姜玉順譚仁芳  
等剋日統兵而西繞出賊前斷其去路令總兵  
劉維楨於清勝四營到防後迅速統帶六營移  
紮唐泌間爲楚師後路聲援儻西趨之賊爲姜  
玉順等擊回正可出其不意盡力夾攻該逆一



經大創自然瓦解前竄蒗澤東明之賊聞爲官  
軍擊敗又有回竄之意現飭成大吉一軍於麻  
羅之交擇要扼紮相機迎勦惟西路賊蹤距楚  
日遠偏裨駕馭難周檄文往返動稽時日若再  
候請調度勢必有誤事機臣等已函商河南撫  
臣就近調遣並飭諸將遇有緊急自裁進止不  
得藉詞稟商爲遲緩之計臣等乘此事機稍鬆

嚴飭各屬力行堅壁清野之法並擬定條約頒  
行曉諭上游諸郡雖已辦有成效而其閒情形  
不一措置尙未盡善現派知府唐協和等前往  
安襄鄖漢黃德等府屬督同地方官紳悉心區  
畫認真妥辦奏入

上命軍機大臣傳諭官文吳昌壽鄭敦謹曰據官文  
等奏賊衆西竄召魯嚴飭諸軍夾擊所陳情形尙

在吳昌壽奏報以前現在賊匪旣已繞竄舞陽後  
股又由徐州歸德一帶西竄鄆城西平遂平一帶  
與張總愚前股合併勢燄益張湖北應山黃安麻  
城等縣距賊較近該逆有欲往湖北擄糧之說尤  
應防其竄入惟近防不如遠剿與其株守本境不  
如越境赴豫迎截著慎遵前旨嚴檄成大吉駐紮  
麻羅之軍越境迎剿與吳昌壽所派各軍會合夾

擊姜玉順等軍由西路轉向東北探賊所向與豫軍兩面夾攻以期速殄狂氛鄂省近來辦理會剿頗形遲滯官文鄭敦謹務當振刷精神實力整頓不可徒事敷衍有名無實致干咎戾姜玉順等軍旣經赴豫援剿距鄂較遠所有進止機宜卽著由吳昌壽節制調遣以一事權安襄鄖漢黃德等府屬團練卽著官文等飭唐協和悉心經理務臻妥

善

初三日甲子閩敬銘奏言逆匪賴汝沆等竄至甯

陵十月初九日周盛波由歸德追勦獲勝旋竄

扶溝又爲劉銘傳擊敗該匪遁向西南許州進

北長葛一帶張總愚一股於十一二等日竄至

長葛洧川尉氏一帶現仍未離尉氏縣境臣揣

度賊勢賴逆等自東境西竄勢窮南走張逆自

南陽北竄勢漸東趨該逆等若仍分股賴逆爲  
屢經挫敗之寇不敢折回張逆爲銳意入犯之  
寇必圖前竄該逆等若竟合股則併力東來掠  
食完善是無論或分或合山東之地總爲該逆  
所窺伺曾國藩現派劉銘傳爲游擊之師臣已  
調副將王心安入營進紮曹縣迤西之魏灣已  
革總兵楊飛熊入營進紮曹州府迤南之金隄

此兩軍相去約六十里以期先固西北藩籬現  
調駐省之都司韓登泰等營移紮鄆城迤北之  
梁山並飭知府王成謙趕緊成軍卹紮潯運之  
開河以扼東北腹地賊若由考城入境則楊飛  
熊王心安兩軍皆可迎擊梁山開河之軍杜其  
竄路不至突入爲害臬司潘鼎新一軍仍駐濟  
甯相機調度臣所布各軍專重西北兩路固因

賊匪竄入之境亦實顧慮河防查濮范近接曹西屢爲賊擾礮船易防於夏秋水漲之日難施於冬令凍涸之時緣黃河入山東境本無河道自濮范以至張秋一帶平地散漫之水天寒卽凍加以風沙層墊坦如平地車馬可行萬一賊騎踏冰而過擾及畿疆爲患更大此冬防之宜倍嚴者 臣再三籌酌惟有於南岸駐營以扼前



衝北岸打冰以防竄路期於層層周密現飭總  
兵趙三元等分帶礮船陸營駐紮濮州東南岸  
之李家橋西南岸之韓家莊及范縣南岸之六  
家集該三處皆係沿河相去約六七十里礮船  
所紮之處卽由水勇自行敲冰以便往來各該  
營水陸相輔扼賊北趨使不敢偏近河涯此南  
岸之布置也南岸地勢遼闊復慮賊騎避兵繞

趨牽掣我軍乘隙偷越打冰之法實爲要圖計  
自濮州至張秋止河路約長百六十餘里已責  
成沿河該管州縣及防河營汛分段敲冰飭濟  
東道衛榮光督率稽查約須用輕快民划八九  
十隻水手三百餘名其打冰人役派濮范壽張  
現有防河兵勇六百餘名另雇民夫六百餘名  
分定段落晝夜敲打務使河水不結限以天險

該匪自無由偷越其張秋以下歸入大清河水  
勢較深不至徹底凍結且非當賊之衝情形較  
緩張秋至魚山並北岸一帶直隸兵勇設壘嚴  
防足爲犄角之勢此北岸之布置也臣以防河  
所繫匪輕已嚴飭在事文武員弁認真力辦儘  
有名無實立即從重嚴叅奏入

上命軍機大臣傳諭閩敬銘曰逆匪竄至尉氏一帶

仍恐合股東趨著卽檄飭王心安等軍分投扼剿  
毋稍疏懈濮范一帶河防因天寒冰結賊騎恐乘  
閒偷越閩敬銘現飭沿河各州縣營汛分段嚴冰  
以杜竄越著飭衛榮光等認真趕辦儻該員弁等  
承辦不力以致有名無實卽行從嚴叅處覓沂曹  
濟道員缺已放文彬並以長慶補授沂州府知府  
該二員熟悉地方情形是以特加簡擢仍著閩敬

銘飭該員等力圖報稱將地方防守事宜妥爲布置以資得力

初四日 乙丑 王榕吉奏言臬司陳湜出省籌防以

來先至蒲解絳等處次赴潞澤查看要隘校閱兵勇逐一講求與署藩司鍾秀及 臣 往返函商意見均同惟自來司庫藏者惟慮糜費之多司兵事者惟恐隊伍之少以節省帑項而論則因

地制宜不必耗無益之費以保護全局而論則  
有備無患必須爲經久之謀欲求計出萬全自  
以臬司陳湜所見爲善陳湜現擬防務五條一  
辦防地面宜分段責成也查現在晉省防務自  
河津縣起沿河而南至永濟縣轉而向東至垣  
曲縣又沿山折而向北歷澤潞遼平延袤幾二  
千里必須分定段落各專責成擬俟查閱後酌

量形勢劃分地面自某處至某處計若干里凡若干口皆責某官總理各口之兵均歸統轄分防員弁亦聽其察覈去留無事時督率訓練有事時親馳策應儻所管地方有失惟某官是問仍令定期會哨設有緊急鄰界互相救援不得以各有分地膜視不顧庶界畫分明而聲勢仍然聯絡一募練新勇當認真籌辦也查晉境周

圍三千五百餘里著名要口大小五十六處山  
間小徑尙不在內著名渡口六十三處河岸平  
灘尤爲散漫現在防兵不免勢分力弱且專守  
外圍腹裏空虛萬一賊分股牽掣數處隘口從  
一處猛撲是時各防不能抽動援應一得關入  
縱橫奔竄平地州縣必遭蹂躪是防兵固須增  
益而添設游兵尤爲緊要查并州之兵自古稱



雄現雖承平日久未厯戰事而民氣樸勁造就  
不難若選募精壯勤加訓練自成勁旅但須久  
經戰陣之將領分營管帶分隊教習方可收效  
今議以楚省慣戰之將統晉省新募之兵無事  
則實力操練有事則東西策應庶幾有備無患  
至將來新募勇丁必須照楚軍紀律嚴加約束  
行路則執械步走不許乘坐車輛駐紮則止宿

營帳不准占住民房儻擾及民間便按軍法處  
治庶使舊兵觀感亦可轉移積習一礮船當急  
籌添置也查晉省防河皆逐口設兵安礮自己  
周密惟黃河平灘長或數里至數十里不等而  
防兵至多不過數百人礮不過一二十尊賊若  
於長灘處所多紮木筏亂流搶渡仍恐難以支  
持惟有多設礮船分段駐防其利有六岸上之

礮笨賊若避向無礮之處勢難移礮逐處轟擊  
船上之礮靈視賊所在隨而擊之賊不能避一  
利也岸上之礮必大者始能及遠船上之礮中  
流施放雖小者亦可逾對岸二利也岸兵各分  
口隘一處有急鄰口皆須自顧勢難奔馳策應  
礮船行駛輕快往來援助頃刻可至三利也賊  
欲紮筏渡河必須近岸礮船列隊中流或萬礮

齊轟或連環施放賊旣不能駐足河邊焉有搶  
渡之理四利也陸兵各守各口若得礮船來往  
梭巡則岸防較鬆陸兵便可酌量提併別作游  
兵或供巡哨或資援應勢較活動且旣提併一  
處便可操演營陣兵力日見精強五利也捻匪  
皆不習舟楫若見礮船來往如飛轟擊便利勢  
將震懾不敢窺伺河防可不戰而制勝六利也

至河凍時將礮位擡置岸上水師提歸陸營仍可助陸兵防守不致虛糜餉項且訪聞黃河亦有不凍之處礮船仍屬可用是有六利而無一害所宜急行籌畫以固河防一州縣練勇當實力操演也查晉省各州縣多有練勇自數十名至數百名不等此次自省至運城途中所過州縣調齊練勇親加校閱精壯者甚多技藝亦頗

可觀已飭該地方官勒加操演設立百總什長  
俾略識軍中規矩併擬通行各州縣一體實力  
舉行晉省額兵素少若警報驟至兵不敷用將  
州縣可用之勇酌量抽調即可成軍再加訓練  
便成勁旅一餉需宜寬爲籌備也查增兵造船  
需用甚鉅議者必以經費無出力爲辯駁不知  
晉省現稱完善之區捻逆垂涎已久特以表裏

山河未敢輕犯現在各省官軍會合兜剿賊無  
生路必將鋌而走險斷難保其不來晉省撥解  
京餉及協濟各省餉需歲幾數百萬苟非水陸  
兼籌力圖萬全之策一經竄擾所有撥濟之款  
必難措辦況山右形勢東作畿輔之股肱西與  
關中爲唇齒於北方大局甚有關繫似不可圖  
省經費致有貽誤竊謂今日之計當以多籌餉

項爲第一要務應請

旨飭戶部統籌全局深計利害俾晉省撥濟之款歲減十之二三以供本省練兵造船之用且京餉及各省餉需仍可撥解無誤所費者小所全者大應請急爲籌備者也以上五條理合據情代

陳合無仰懇

天恩俯念完區籌防緊要應添兵勇及添設礮船需



費孔亟

飭下部臣俟議撥來歲餉項時酌量勻撥俾得濟防  
餉而固完區大局幸甚奏入

上諭曰所陳防務五條均屬周妥著卽責成陳湜妥  
爲辦理防餉已諭戶部速議具奏俟覆奏後再降  
諭旨現值天氣嚴寒河冰凍結昨閩敬銘有督率  
各州縣敲冰之奏已諭實力奉行著該護撫卽飭

沿河州縣仿照辦理以杜匪蹤偷越

上命軍機大臣傳諭戶部曰王榕吉奏山西籌辦防務餉需著戶部速議具奏

初六日丁卯曾國藩奏言捻逆在豐縣南北被我

軍兩次擊敗仍竄山東該逆知東路防守甚嚴不能偷渡運河復不敢久駐曹屬遂折而西竄知歸德有兵欲由舊黃河北岸繞越直趨汴梁

與張總愚合股駐紮歸德之周盛波探得此信  
卽於十月初九日拔隊至睢州迎擊行至甯陵  
之趙村集知該縣縣城被捻逆大隊圍攻勢甚  
危急卽整隊直逼城下時已二更賊撤開東面  
任柱馬隊賴汶洸悍黨俱紮離城西南十五里  
周盛波恐賊至天明遁去議定乘夜攻之其弟  
提督周盛傳素善夜戰因設伏於黃河集分兵

三路進攻洋槍如牆而進出賊不意任賴二逆  
揮令悍賊圍繞中路不料伏兵忽起橫出截擊  
鏖戰逾時賊紛紛敗潰我軍跟追四十餘里至  
睢柘交界賊狂奔向太康大路而去共殺斃悍  
賊六百餘名拔出難民千餘人解散脅從甚多  
該匪敗後由太康南竄行走甚速駐紮周家口  
之劉銘傳聞東賊回竄卽帶隊向東迎勦十二

日途次接扶溝縣稟知縣城被圍求援甚急未  
刻馳抵扶溝縣之東宏濟橋見賊邊馬卽督馬  
隊分路並進賊見我軍驟至向西遁走劉盛瑞  
等追至城西里許遇賊馬步萬餘人分三大股  
將我軍包抄中軍圍裏尤密劉銘傳令結陣自  
固四面環擊斃賊甚多連開炸礮打入賊陣該  
匪駭而狂奔我軍追殺十餘里陣斬二百餘名

槍斃一千餘名奪獲器械無算扶溝城圍立解  
據生擒賊供甯陵之役僅有任賴牛李等會一  
股扶溝之役則已與張總愚一股相合刻下不  
敢東竄將謀擾及湖北接吳昌壽咨羣賊現聚  
襄葉舞陽一帶臣於十八日檄飭色爾固善張  
樹珊馬步兩軍移紮周家口騰出劉銘傳一軍  
作爲游擊之師謹遵前次

諭旨不復拘泥十三府州之說卽南汝光許等郡隨  
賊所向跟蹤追剿其營務處李昭慶所辦游擊  
之師鞍馬尙未齊備待至臘底辦齊卽令李昭  
慶馳赴河南與劉銘傳各帶馬步萬人同作兩  
枝游兵倣照僧格林沁之法與該逆縱橫追逐  
使之不得休息而濟甯徐州臨淮周家口四處  
之兵仍舊鎮駐不動以備賊匪流竄時迎頭截

擊

曾國藩又奏言查鮑超威名久著爲賊所憚自  
金口軍叛後該提督鑒於前車以後斷不敢輕  
收降卒若令少統數營赴豫勦擒餉項則不甚  
缺乏米糧則派人專管獎其多年之勲勞勛以  
後日之忠慎必於大局有裨惟進兵之路須以  
襄陽爲老營乃能北控南汝西蔽鄖陝凡銀米



軍械子藥等事均應由湖北糧臺作主江南雖  
可協餉數成而不能隨時照料如可由官文主  
持一切裨該軍米糧有著臣卽當奏調鮑超會  
勦捻匪專辦西路奏入

上命軍機大臣傳諭官文曾國藩曰逆匪紛擾豫疆  
經周盛波劉銘傳等軍於甯陵扶溝等處迎擊獲  
勝該逆不敢東竄現在屬聚襄葉舞陽一帶謀擾

湖北曾國藩現派劉銘傳一軍作爲游擊之師隨賊所向跟蹤追勦並令李昭慶趕辦馬隊馳赴河南與劉銘傳之軍相機追逐使賊不得休息所辦甚屬妥協具見老成謀國深合機宜卽著督飭派出馬步各軍迅速前進與豫省官軍前後夾擊以期迅殄賊氛其濟甯徐州臨淮周家口四處之兵卽著照舊駐紮以備賊匪流竄時迎頭截擊前有

旨令曾國藩酌度軍情移營進紮本日該大臣摺  
內亦有不復拘泥十三府州之說與前旨適相照  
合仍著該大臣斟酌情形相機前進庶居中調度  
呼應靈通想曾國藩必能因時制宜也賊匪窺伺  
鄂疆官文當懷遵前旨派兵迎擊痛加勦洗不得  
稍涉因循致形滋蔓曾國藩奏鮑超鑒於金口軍  
叛不敢輕收降卒若令少統數營赴豫勦擒必於

大局有裨並稱進兵之路須以襄陽爲老營乃能  
北控南汝西蔽鄖陝凡銀米軍械等件應由湖北  
糧臺作主所籌尙妥年來捻匪出沒楚豫之交皆  
由無得力之兵痛加勦洗以致任其去來總未大  
受懲創鮑超帶兵素稱勇往若令簡練精銳申明  
紀律卽可成節制之師該提督現在雖已赴江而  
豫省軍情較之江粵尤爲緊要卽著曾國藩檄調

鮑超統帶新募各營馳赴湖北由襄陽一帶相機  
進剿一切進止機宜仍著曾國藩妥籌調度並著  
傳知該提督遵照辦理至鮑超既赴楚豫剿捻必  
須寬籌餉項俾無缺乏所有銀米軍械等項著官  
文督飭湖北糧臺籌定數目按月撥解不准稍有  
推諉江南月協之餉卽由曾國藩咨商李鴻章酌  
定成數源源接濟

初九日庚午閻敬銘奏言遵查本年四月二十四

日已革副都統成保已革總兵郭寶昌隨僧格  
林沁追賊至曹州府城西北二十餘里探知該  
逆盤踞高莊集一帶維時成保爲右翼翼長統  
領馬隊郭寶昌統帶步隊僧格林沁傳令迎勦  
各軍進抵沙堦堆地方遇賊僧格林沁親督中  
軍與賊接仗左翼右翼一齊催隊接應戰約一

時之久中軍馬隊首先敗退左翼亦俱退下僧  
格林沁親臨右翼成保郭寶昌督領馬步各隊  
鏖戰多時賊始敗走追殺四五里該逆大股麕  
至祇賸右翼馬步兩軍僧格林沁見衆寡不敵  
飭成保郭寶昌退至小莊伐樹立營該逆愈聚  
愈衆四面築圍挖濠以困我營自午至亥我軍  
相持數時之久內無糧草僧格林沁傳令郭寶

昌將步隊分而爲二一隊在前開路一隊跟隨  
斷後僧格林沁與成保馬隊居中於子刻向外  
衝撲且戰且走該逆層層包圍槍礮齊發首尾  
不能相顧成保殺出重圍卽不見僧格林沁所  
在郭寶昌在後因被該逆圍住拼命衝出致將  
弁兵勇傷亡一千餘名郭寶昌亦身受矛傷成  
保郭寶昌各自追尋僧格林沁蹤跡二十五日



午刻成保在府城西北十五里之麥地內尋見  
僧格林沁忠骸郭寶昌亦隨後尋至一同恭送  
進城妥爲棺殮此案已革副都統成保已革總  
兵郭寶昌隨同僧格林沁勦賊雖均訊無畏憚  
退縮臨陣潰逃情事惟該革員等分帶馬步各  
隊失於護持以致僧格林沁陣亡咎均難辭查  
律例內並無主將陣亡不能力救之翼長並帶

隊大員作何治罪明文 臣悉心覈議成保充當  
翼長隨侍僧格林沁左右於被賊圍困之際但  
知殺出重圍置僧格林沁於不顧且未身受一  
傷厥罪較重自應比律問擬成保應請比依官  
軍臨陣先退者斬監候律擬斬監候解交刑部  
監禁入於

朝審辦理郭寶昌所帶步隊經僧格林沁分爲前

後開路接應不能兼顧且身受矛傷較之成保  
隨侍僧格林沁左右並未身受一傷者情罪有  
閒應請於成保斬監候罪上酌減一等擬發新  
疆效力贖罪成保等均係已革二品大員仍請  
旨定奪奏入得

旨刑部速議具奏旋經刑部議覆應如該撫所奏辦  
理

上從之

初十日辛未戶部奏言臣等查軍興以來各省半

遭蹂躪山西一省尙稱完善之區爲京協各餉所自出亦爲西南各匪所窺伺設有竄擾關繫

匪輕署山西撫臣王榕吉奏臬司陳湜籌辦防

務數條臣等詳加酌覈尙屬周詳應如所擬次

第布置至所稱餉需自宜寬爲籌備應卽照該

署撫所請於來歲餉項內就晉省應撥之數酌減十之二三俾資應用奏入得

旨允行

十三日

甲戌

吳昌壽奏言十月十七日後張總愚

等由西南襄城葉縣擾及裕州賴汝洸牛洛紅等由正南臨潁鄆城擾及西平遂平其兩路附近之禹州新鄭郟縣上蔡舞陽泌陽俱有賊蹤

所到之處剽疾異常意圖攻襲城池突陷圍寨  
經臣先期飛檄各地方官嚴加防範所過州縣  
皆無疏失二十三日副將蔣希夷督隊行至西  
平之觀音臺有賊馬百餘匹突與我軍相遇鏖  
擁來撲蔣希夷一面催調步隊遠進先以馬隊  
分班輪壓刀矛相接槍礮並施立將紅衣賊目  
砍斃四名餘匪敗至洪橋口向東南奔竄追殺

十餘里斃賊多名二十四五等日蔣希夷於遂  
平上蔡境內潛襲賊營連次獲勝生擒逆首林  
汝等十餘名該逆等奔竄確山旁毆分掠汝甯  
一帶其由裕州竄至唐縣之張總愚股匪經總  
兵劉維楨設伏擊敗追至唐河該逆梟水爭渡  
淹斃殺斃無算生擒張總愚之弟張總志訊明  
正法二十六日提督姜玉順等復敗之於鄧州

構林關我軍現在永和寨駐紮相機進取十一月初二日提督劉銘傳由周口派隊至上蔡臣飛飭馬德昭督飭蔣希夷等軍與劉銘傳之軍會合由確山一帶進剿賴牛股匪其張學醇宋慶等業經提軍抵宛與鄧州構林關相距匪遙經臣催令拔營前進與楚軍姜玉順譚仁芳等會合夾攻以遏奔逸其吉林副都統安住馬隊



千名已於初一日到許馬匹率多疲瘦臣已多  
購薪芻嚴定章程責成該副都統牧馬練兵俾  
成勁旅奏入

上命軍機大臣傳諭官文曾國藩吳昌壽鄭敦謹曰  
賴牛等股匪由西平等處奔竄經蔣希夷督兵擊  
敗賊匪奔竄確山汝甯一帶其由裕州擾至唐縣  
之張總愚股匪經劉維楨設伏擊敗姜玉順復敗

之於鄧州構林關該逆屢經挫敗正可乘此機會  
奮力進攻姜玉順等軍前諭吳昌壽節制調遣著  
卽飭令力圖進剿並令宋慶張學醇等會合夾擊  
毋任賊蹤再竄他處官文鄭敦謹尤當檄令劉維  
楨姜玉順譚仁芳等軍不分畛域四面會剿毋稍  
鬆懈西平等處偏進應山黃麻一帶何以鄂軍並  
未出境迎擊著官文鄭敦謹嚴檄成大吉等軍迅

速赴豫會勦仍一面嚴守本境勿令賊蹤竄入劉  
銘傳一軍業經曾國藩飭令赴豫該大臣卽檄其  
迅赴確山與豫省馬德昭蔣希夷等軍合力夾擊  
務將賴牛等匪股殲除

十七日 戊寅 大學士湖廣總督官文戶部右侍郎

前湖北巡撫鄭敦謹奏言豫西賊股初由南召  
魯山圖犯河洛因豫楚之兵分路遏截未遂北

向折而南趨現已回竄裕州屬之郭莊唐縣屬  
之苗店等處盤踞並據豫撫飛咨嶺牛各逆經  
曾國藩派兵擊敗後由山東定陶曹單一帶折  
竄豫省其行甚疾聲稱欲由南陽直奔湖北就  
食臣等飛檄姜玉頴譚仁芳等與現駐唐縣之  
總兵劉維楨一軍聯絡聲勢就近確探以備迎  
剿茲據總兵劉維楨稟報十月二十一日捻首

張總愚等率死黨萬餘逼近唐縣城根知縣錢  
德昌督率練勇登陣固守劉維楨先設伏於茂  
林之中親率精壯隊伍分路迎擊鏖戰多時賊  
不少卻我兵佯退誘至林中伏兵四出槍礮齊  
施賊始披靡亂竄劉維楨手刃悍賊十餘名率  
隊追至唐河該逆梟水爭渡淹斃無數餘逆敗  
向源潭鎮一路而去生擒張總愚之弟張總志

訊明正法又據姜玉順等稟報賴牛等逆於十月十三日在鄆陵經豫軍擊敗後由北五渡分股竄走晝伏夜行異常剽疾沿途俱冒官兵裝束所過之處並不留滯現在任柱陳大禧賴汶洸牛洛紅等爲一股竄至郭灘以東張總愚程二老砍三老砍等爲一股竄至岡頭沙堰寨等處均距新野三五十里不等擬卽相機迎剿各

等語此次兩路之賊會合一處其勢甚衆而楚軍之派赴豫省者前後共有二十二營楚省邊境防不勝防留鄂各軍不敷分布惟有嚴飭防勦諸軍通力合作認真掃蕩以遏狂氛並請

飭下河南撫臣迅督豫軍剋期前進兩面夾擊使該逆卽在豫境殲除免致奔竄鄂省又形棘手奏

八

上命軍機大臣傳諭官文曾國藩吳昌壽鄭敦謹曰  
現在任柱陳大濟賴汝洸牛洛紅等爲一股竄至  
郭灘以東張總愚程二老砍三老砍等爲一股竄  
至岡頭沙堰寨等處均距新野甚近兩路之賊會  
合一處亟應合楚豫之兵兩面夾擊以期聚殲著  
官文鄭敦謹督飭劉維楨等軍相機迎擊並著吳  
昌壽懍遵前旨派兵剋期前進與楚省官軍前後



兜勦就地殲除毋令奔竄鄂疆又形滋蔓劉銘傳  
一軍業經會國藩飭赴豫省卽著催令迅速前進  
探明賊蹤合兵勦洗其李昭慶馬隊已否成軍如  
能趕緊啟行赴豫以輔步隊所不及較可得力並  
著該大臣妥籌速辦毋失機宜

二十九日 庚寅 署浙江提督鮑超奏言據婁雲慶

探稱髮逆已陷廣東嘉應州等情 臣 思此股髮

逆雖屢被閩軍懲創悍賊猶復不少非三省實力合剿未易撲滅全股至進兵道路以會昌爲後路會昌通贛河水運便於轉輸臣於十一月十二日移紮會昌由會昌赴嘉應計程三百餘里查江粵交界山路崎嶇不通水道轉運爲難臣已函商江西撫臣劉坤一兩廣督臣瑞麟廣東撫臣郭嵩燾督飭就近地方官設立轉運藉

資軍食奏入

上命軍機大臣傳諭鮑超曰前諭曾國藩將鮑超一  
軍酌調赴豫勦辦捻匪現當江粵軍務喫緊鮑超  
駐軍會昌距嘉應甚近卽著該提督暫緩赴豫俟  
髮逆蕩平後再行聽候曾國藩檄調入豫助勦捻  
匪本日已諭曾國藩遵照辦理矣

上又命軍機大臣傳諭曾國藩曰前據曾國藩奏鮑

超一軍赴豫有益當諭曾國藩酌量檄調本日據  
鮑超奏稱已於本月十二日移紮會昌等語髮逆  
竄擾粵東勢甚猖獗鮑超就近由江赴粵勦辦此  
股必能得手此時若將該軍改調赴豫則舍近圖  
遠往返又需時日疲於奔走殊失機宜所有鮑超  
一軍著該大臣暫緩檄調俟髮逆勦平後再行飭  
令赴豫助勦近日豫省賊勢若何劉銘傳等軍有

無戰事未據該大臣奏報均著隨時詳細奏聞以  
慰塵繫

同日山西道監察御史王師曾奏言查山東東  
路青萊各府地勢平行守備空虛自咸豐十一  
年逆捻竄擾後數年以來尙稱完善逆匪既不  
得逞志於西勢將乘虛東竄在籍提臣傅振邦  
駐紮青萊交界地方所帶不過步兵七八百名

何以當逆匪大股況在籍之員事權不屬與地方官吏呼應不靈有名無實應請

旨飭下提臣傅振邦督辦登萊青三府團練凡三府弁兵悉歸節制以一事權又沂州一府爲省東門戶若該處防守完密不惟青萊恃以安堵且與曹奄各府聲息相通可否

飭令該提臣兼辦沂州團防之處恭候

聖裁奏入

上命軍機大臣傳諭閣敬銘曰前因青州一帶爲東  
省膏腴腹地諭知閣敬銘飭令傳振邦前赴青萊  
一帶挑選各營兵丁千名擇要扼守王師曾所奏  
各情是否有可採擇之處著閣敬銘斟酌辦理

卷之八

八



欽定勦平捻匪方略卷二百四十八 乙丑年

十二月初一日 壬辰 官文鄭敦謹奏言逆匪張總

愚等盤踞構林關一帶築壘甚多十月二十六日姜玉順等帶隊潛渡白河行距構林六七里

賊衆數千騎衝突而來迎頭擊之擒斬三百餘名次日冒雪進攻復斬守卡賊匪六十餘名十一月朔一日該逆將附近構林南北兩寨撤去

旗幟而以老賊數千四散埋伏詭令寨民揚言  
賊遁以誘我兵姜玉順偵知其詐密派馬隊分  
伏寨之南北兩路親率馬步由中路馳抵構林  
關外直逼重濠忽見關上旗幟林立槍礮環施  
馬步賊衆飛馳而出我兵奮勇截殺斃賊二百  
有奇擒僞哨目王尹潰等五名賊黨十四名伏  
賊四出救援亦被我兵擊散該逆受創入寨我

軍圍攻至暮收隊回營初二日賊在關外東南隅又連築小壘四座爲犄角之勢姜玉順等夤夜進攻關內之賊倉猝出救揮軍掩殺斃賊三百餘人當將小壘悉數踏平餘逆復奔入寨堅守不出總兵劉維楨自十月二十一日在唐縣獲勝後卽率五成隊伍由郭灘跟蹤追勦屢有斬擒旋又滾營進逼節節布置並爲姜玉順等

聲援惟是張逆在新鄧一帶其勢甚熾賴牛等  
股又分擾遂汝正確大股直抵信陽邊馬漸偏  
黃孝界內意在窺伺楚境鄂省上自光襄下迄  
黃麻與豫省犬牙相錯幾至防不勝防現除援  
豫二十二營外鄖光襄樊等處則有江長貫楊  
朝林所部足資堵禦而應孝黃麻數百里閒僅  
有成大吉防軍十二營昨因信陽逆股駸駸南

犯已飭成大吉率所部往孝感之三里城小河  
溪一帶迎截伏念北面沿邊千數百里逆氛連  
互若楚師盡行出境賊竟乘虛闌入致入豫諸  
軍轉落賊後勦辦尤爲棘手惟有懇請

飭下曾國藩迅催劉銘傳李昭慶馬步大軍飛速入  
豫會合楚豫諸軍四面進勦臣等一面嚴檄將  
弁堵剿兼施並飛飭姜玉順等趕緊迎擊以期

聚而殲旃

官文鄭敦謹又奏言正繕摺開連接探報賊之  
大股竄至光羅一帶相距黃麻不遠成大吉一  
軍已令移紮小河溪以顧黃孝其黃麻一路甚  
屬空虛適奉

諭旨令鮑超統帶數營赴豫剿捻擬請

旨飭鮑超就近取道黃麻迎頭截擊直搗中堅以寒

賊膽其餘各路卽令楚豫各軍四面兜剿亦屬  
得勢

同日曾國藩奏言欽奉

諭旨以豫省賊數益衆飭臣督剿臣奉

命勦捻業經奏定徐州臨淮濟甯周家口四處設立

重兵此四處臣皆可以駐紮特以東北則畿輔

爲天下之根本東南則江蘇爲臣軍之根本故

臣視東路略重駐徐州略久耳自十一月初聞  
擒匪由山東全數竄豫臣卽擬進駐周家口因  
李昭慶一軍鞍馬未齊不克遽行赴豫又僧格  
林沁留遺馬隊汰存一千八百有奇及新調之  
察哈爾馬隊一千馬匹倒斃甚多派員出口購  
買回營遲早難定臣現擬派李昭慶於正月統  
帶萬人赴豫與劉銘傳分途進剿就現有馬匹



先行勦辦所恃步隊尙多足以輔騎兵之不及  
臣亦於正月進駐周家口就近調度惟東路終  
不放心擬令李昭慶由徐徑赴河南臣先赴濟  
甯兗州曹州一帶察看情形並查閱黃河礮船  
再由歸德陳州以抵周家口庶地勢之孰重孰  
輕留兵之宜多宜少胸中較有把握再銅山沛  
縣等處湖團係咸豐四五年閒山東難民遷徙

該處開墾微山湖涸出之地久之聚至數萬人  
占地百餘里當時官吏權宜辦理設局丈量定  
以科則納租充餉在東省難民以爲全係湖荒  
之地在銅沛居民則以爲霸占有主之產爭訟  
多年屢釀巨案本年十月賊竄沛縣逆首任柱  
牛洛紅賴汝洸等皆住湖團之內據獲賊供稱  
係湖團邀約而來沛民平日本與湖團爲不解

之仇至是愈以團民勾捻紛紛控告而湖團中  
如唐守忠父子罵賊殉難全圩房屋焚燒殆盡  
則又忠節昭然乃沛民仍以叛逆目之若不早  
爲之所則沛民與團民必且械鬪不休而良團  
與莠團亦復真偽莫辨臣擬將通捻之團酌量  
懲辦其餘數萬人全數資遣回籍現已派員前  
往山東鄆城鉅野等處查看該團民原籍如尙

可以安插則遣之東歸在沛縣可免占產之訟  
在徐州亦無招檢之窩如不可安插再當另行  
籌辦又奉

諭旨飭臣檄調鮑超統帶新募各營馳赴湖北由襄  
陽一帶進剿本應欽遵辦理惟臣接官文來函  
鮑超軍餉鄂省實難供應雖江蘇分任協濟尙  
恐不足以資挹注又接李鴻章來函粵中髮匪

尙熾注逆悍黨數萬人以一隅遙爲牽掣而我  
數省不得解嚴須留鮑超在江方足支撐各等  
語臣思鄂省之餉源旣如此江粵之賊情又如  
彼不敢固執已見致誤事機目下鮑超一軍暫  
難更調應俟江粵肅清再檄該軍勦捻庶不致  
往返僕僕顧此失彼

同日吳昌壽奏言賴牛等匪竄赴確山後股在

遂平徐樓王岡一帶滋擾十一月初一日副將  
蔣希夷派參將董建西等會同遂平縣知縣文  
玉帶領兵團進剿擊斃悍賊五十餘名逆黨敗  
走我軍追殺三十餘里沿途斃賊百餘名救出  
裹脅難民一千餘名該逆遂由駐馬店西南而  
逸突撲確山縣城經署知縣嵇文輅督率勇丁  
堵禦殲賊多名該匪奔往東南又圍攻遂平縣

屬之諸市店蔣希夷督軍進襲連奪賊卡二座  
乘勝進擣哨長諸葛漢奎首先衝入賊陣刺斃  
匪首蘇大麻孜一名連破逆壘三處收復民莊  
數座賊向東南逃竄我軍沿途追殺直抵河干  
淹斃之賊不計其數諸市寨圍立解該匪等由  
諸市被創後紛竄泌陽繞回確山竄至信正交  
界之蕭曹店梅黃寨等處初九日圍撲正陽縣

城知縣白桀登城堵截該逆旋向南路銅鍾一帶竄徧羅山縣城十一日提督馬德昭派都司李承先等帶領馬隊徑赴羅山追至竹桿鋪地方殲斃逆黨甚多署知縣徐士弼督帶團勇由東門出擊賊勢不支紛紛敗走該匪旋由光山竄至光州圍攻州城十四日李承先等追至乘大霧迷漫分隊衝殺踏毀賊卡三座衝入西關



立解西城之圍而東南北三面賊仍盤踞未退  
李承先等帶隊出擊該逆遂退往七里岡一帶  
沿途經我軍追殺數百名生擒賊首鍾孟林等  
數名十五日馬德昭又派左成元等步隊三營  
並自帶親軍趨程前進適該逆乘虛又撲西關  
馬德昭飭各軍分路進剿該逆不敢戀戰我軍  
乘勢追殺擒斬頗多是夜派隊襲取七里岡一

帶賊營賊衆驚潰我軍追殺千餘名生擒七十  
三名城圍立解現飭馬德昭滾營前進務將光  
州一帶踞匪力籌剿洗至逆首張總愚等仍在  
鄧州之構林關一帶盤踞經臣派總兵宋慶帶  
隊由南陽進剿十一月十一日馳抵鄧州先派  
騎兵赴構林關挑戰令副將蔣東才帶步隊伏  
於後路騎兵接仗逾時佯爲敗退賊馬追入伏

中蔣東才步隊齊出將賊截斷生擒悍賊不少  
十二日該逆犯我營壘又經擊敗楚軍姜玉順  
等紮於構林關之東南連日出隊俱有斬獲當  
飭宋慶一軍由鄧州馳紮構林西北又飭總兵  
劉維楨一軍由唐縣馳紮構林東北與姜玉順  
譚仁芳勢成犄角剋日會攻該逆見大兵雲集  
遂於十七日向鄧州西北一帶奔竄我軍遂將

構林關寨收復均奏入

上命軍機大臣傳諭官文曾國藩吳棠喬松年閻敬  
銘吳昌壽鄭敦謹曰張總愚等襲踞構林關經官  
文等檄飭姜玉順等軍會合豫軍進剿賊勢窮蹙  
乘夜棄寨向鄧州一帶奔竄遂將構林關收復現  
在張逆在新鄧滋擾其勢甚熾賴牛等股又分擾  
遂汝正確大股直抵信陽逆氛漸偪黃孝鄂省邊

防正當喫緊著官文等嚴飭成大吉速赴孝感之  
三里城小河溪一帶迎勦毋令闖入鄂境如該匪  
被擊北竄官文等仍當速飭各軍跟蹤追躡以收  
聚殲之效據吳昌壽奏捻逆圍攻光州經官軍擊  
退現飭馬德昭滾營進勦是東南逆股不但窺伺  
鄂邊勢將蔓延皖境豫省兵力不敷調遣曾國藩  
有節制諸軍之責自必統籌全局力圖兼顧著卽

迅催劉銘傳督率所部會同馬德昭等剿除光州  
一帶踞匪毋稍遲誤光州毗連霍六該匪乘隙他  
竄是其慣技喬松年務飭英翰督兵迎擊堵剿兼  
施毋得株守一隅貽誤事機張逆一股雖經姜玉  
順等進剿屢有小勝而逆燄未衰必須豫省兵勇  
緊躡賊後兩面夾擊方可迅速奏功著吳昌壽嚴  
檄宋慶等督隊前進與姜玉順譚仁芳等軍分路

堯勦如再遲延玩誤卽著據實嚴叅勿稍瞻徇鮑  
超業由會昌赴粵勦匪急切不能到豫官文須另  
籌兵力扼紮黃麻豈可專待此軍致滋貽誤曾國  
藩現擬派李昭慶於正月統帶萬人赴豫該大臣  
亦於正月進駐周家口並先將湖團設法遣散安  
插所籌均屬妥協著飭李昭慶就已練之兵現有  
之馬先行帶赴豫省與劉銘傳會合勦賊湖團構

釁已久恐致釀成巨案曾國藩擬由濟甯充曹一  
帶察看情形著卽會同吳棠閣敬銘妥籌資遣將  
通捻之團認真懲辦以絕後患吳棠閣敬銘務將  
東省難民遷徙銅沛者妥爲安插俾曾國藩無東  
顧之憂得以剋期赴豫督勦

初七日 戊戌 官文鄭敦謹奏言捻匪張總愚等踞

守構林關楚軍移營進逼十一月初七日四鼓



出隊該逆馬步數千從關後兩路夾抄而來姜  
玉順等豫以步卒伏於溝內誘賊將至起而擊  
之斬擒甚夥初八日各營俱進紮城根逆衆閉  
關死拒數日不出十一日西北各寨之賊分投  
來犯城中之賊直撲坐營我軍分隊戰守斬馘  
五百餘級惟構林關袤延十餘里地勢寬闊姜  
玉順等軍僅能力攻東南臣等已檄總兵劉維

楨一軍由唐縣拔隊進徧關之東北並咨會河南撫臣迅飭張學醇之兵由南陽進發直徧關之西北令清勝四營由棗陽移紮呂堰驛又咨提臣江長貴就近酌撥數營進紮魏集汛以防餘孽潰散狂奔似此合楚豫之力四面環攻或不至此勦彼竄東路賴任等逆竄入豫境後十月初九日周盛波敗之於甯陵十二日劉銘傳

又敗之於扶溝遂踉蹌西竄圖與張逆合股因  
張逆被楚軍在構林圍住又折而東趨盤旋於  
信羅光固一帶楚之斬羅麻孝處處喫緊臣等  
嚴飭成大吉一軍分兵兼顧曾國藩已派色爾  
固善等馬步移赴周家口駐紮騰出劉銘傳一  
軍爲遊擊之師頃接曾國藩來函擬籌馬步萬  
人赴豫與銘軍並爲遊兵跟蹤追剿而濟甯徐

州周家口歸德臨淮各處防兵仍舊鎮駐不動  
俟賊經過時迎頭要截如此前後夾擊勦辦必  
易得手儻該逆一意東竄仍回皖北老巢臣等  
當隨時函商曾國藩力籌會勦之策斷不敢稍  
分畛域奏入

上命軍機大臣傳諭宮文鄭敦謹曰前據吳昌壽奏  
稱豫軍收復構林關寨張逆向鄧州西北一帶奔

竄官文等卽飭鄂省諸軍視賊所向與豫省各軍  
會合夾擊以期聚殲賴牛等逆折向東趨在信羅  
光固一帶肆擾鄂省蕪羅麻孝邊境處處喫緊務  
當嚴飭成大吉所部慎密防守毋令逆蹤竄入鄂  
疆如賊蹤東竄皖境卽著官文等派兵出境會同  
皖軍夾擊毋稍遲緩

同日湖北巡撫李鶴年奏言近日捻匪仍屬聚

楚豫之交雖距畿南較遠惟時屆嚴寒黃河大溜凍合前經督飭余承恩等將在防兵勇沿河分紮橋岸各築土牆添設窩鋪兼於河灘淤沙不能築牆之處支搭帳房雇覓船隻俾該兵勇等便於棲宿晝夜梭巡至礮船水勇近因大河冰凍已難駕駛均擇要隘環結水營與陸路兵勇互相聯絡臣復嚴飭各營將士加意巡防勿

稍鬆懈奏八

上諭曰本日據官文奏捻逆麇聚信羅光固一帶距畿南較遠惟現在河水凍合仍當嚴飭余承恩等激勵在防將士聯絡梭巡不可稍涉鬆懈

同日喬松年奏言臣於十一月二十八日回至壽州節據深報豫境竄賊由信陽東趨光固交界一帶查固始與皖省潁六各屬處處毗連臣

先已飭調總兵黃秉忠一軍赴固始一路迎剿  
張得勝一軍移赴固境之往流集駐紮藩司英  
翰督飭史念祖仍駐潁州相機防剿康錦文原  
駐紙店之軍回駐潁屬之劉家集與總兵程文  
炳所部馬隊均整頓聽調臣過六安時而囑六  
安守將朱淮森嚴加防範如賊勢仍復東趨則  
黃秉忠張得勝兩軍均可攔截一戰如賊又他



竄則當調駐潁各軍分馳追襲總當視賊所向  
與豫軍併力勦辦以期力固邊防奏入報

聞

十五日丙午官文鄭敦謹奏言姜玉順等進攻構

林關之賊查看西北一帶爲該逆出入要道尙  
無重兵扼守遂於十一月十五日分兵移紮先  
派兩營設伏以防賊之出撲我軍行抵該處果

有步騎數千盞擁而來當經伏兵齊出夾擊賊衆潰退姜玉順等嚴督各營趕築營壘西北各寨之賊潛從後路繞出糾約敗匪分投來犯我兵亦分三路迎擊鏖戰移時斃賊一千有奇生擒賊目張覺棕等九名並悍賊一百三十餘名餘賊狂奔入關十七日該逆豫以步騎大股四面潛伏悍賊隱於關廂揚言賊已遠遁我軍偵

知其詐當令各營分爲四路以破賊伏姜玉順  
等親率馬步徑趨關下關外伏賊齊出均被我  
軍截住縱橫衝殺賊勢不支紛紛亂竄姜玉順  
等揮令所部施放火器賊勢披靡又聞伏賊俱  
潰更難支持突開南門奪路狂奔適總兵劉維  
楨之軍由唐縣拔隊前來而宋慶之兵亦由關  
北刁河岸接應賊見官兵雲集不敢回顧我軍

一而收復構林關寨一面派隊追殺二十餘里  
沿途復攻拔元岡沈馬岡丁家集一帶賊巢是  
役共斃賊一千七百餘名生擒二百餘名內有  
張總愚之弟張瀾先及其子張卯兒並賊目李  
田玉僞平頭王楊奉先等多名均於訊供後正  
法梟示臣等已嚴飭各軍急行追剿以期早靖  
鄰氛奏入

上命軍機大臣傳諭官文鄭敦謹曰姜玉順等軍會  
攻構林關寨奮勇攻拔並乘勢奪毀元岡等處賊  
巢擒斬張總愚之弟張瀛先及其子張卯兒等剿  
辦尙屬得手卽著懷遣前旨督飭鄂省諸軍視賊  
所向與豫省各軍會同夾擊以期聚而殲旃前據  
吳昌壽奏賴牛等逆折向東趨在信羅光固一帶  
肆擾曾諭官文鄭敦謹嚴防邊境現在賊蹤竄在

何處該督撫等務當嚴檄成大吉等軍將蘄羅麻  
孝邊隘慎密防守毋令竄入鄂疆

十六日丁未閩敬銘奏言遵查山東邊境西接河

南考城西南界河南虞城江南豐碭東南連邳  
宿海贛賊若由豫竄東窺伺青萊非自考城入  
曹縣北踰濟兗卽自虞城豐碭入單縣金魚東  
趨滕嶧其自沂州府屬郯蘭入境者必趨徐宿

由邳宿折而北來此歷年捻蹤竄入之道路也  
今賊勢全聚於豫則曹單當其衝現在駐曹之  
軍駐濮鄆之軍駐濟甯兗州之軍嚴扼於西卽  
所以保東路儼賊勢改趨徐宿又須調兵以備  
東南緣兵分則力單不得不相緩急以爲調度  
臣前奏留提臣傅振邦亦因東路空虛該提督  
籍隸萊州熟於本地情形故令選登萊青官兵

千名扼要防守糧餉軍火由省運解惟現在可  
練者尙未滿千人容臣再會商傅振邦挑選足  
數妥籌布置至團練之法祇是築堡蓄糧不外  
堅壁清野臣秋閒已飭東府各屬舉行由官督  
辦若斂鄉里之財以爲餉集耕種之氓以爲兵  
其事有害無益傅振邦前亦切言本籍之人不  
願再辦團練臣惟有督飭地方官力行堅壁清



野之實不得附會團練之名以仰副

皇上綏定閭閻之至意奏入報

聞

十九日庚戌吳昌壽奏言賴牛各逆於七里岡受

創後至光州東南官渡白鳴江一帶盤踞築壘  
五六十座自爲犄角該處道路狹窄旁皆稻田  
兼因大雪迷漫泥深數尺提督馬德昭疊次派

隊往襲皆因道阻折回十一月二十三日該逆  
出巢游弋窺伺官軍營盤馬德昭飭馬隊在七  
里岡往來衝擊直至三平寺地方始行收隊二  
十四日黎明該逆糾衆突至副將蔣希夷飭馬  
步隊伍分路抄擊賊由三平寺竄去我軍跟追  
十餘里頗有斬擒該逆以大股在光州牽掣官  
軍分股竄擾商城雙椿鋪三里坪一帶光州息

縣皆有賊蹤其前股先於二十日竄撲固始縣  
城署知縣彭旭豫令練勇設伏關外該逆馬賊  
數百人直撲西關伏兵突出賊衆驚亂我軍乘  
勢掩殺斃匪十餘名適安徽撫臣喬松年所派  
總兵張得勝一軍馳抵固始往流集總兵黃秉  
忠一軍馳抵固始關外二十七日該逆攻撲陽  
關鋪黃秉忠彭旭合力往援據橋爲固槍礮齊

施斃匪數十名該匪退聚西南一帶是時馬德昭仍在光州與大股之賊相持三十日夜閉密飭各隊在鳳凰嘴岡下分布設伏十二月初一日派伍慶雲等率領數十騎前往王家岡誘戰見有馬賊二百餘名伍慶雲立時退回馬賊由王家橋追至何家橋伏兵已抄出賊後蔣希夷等各隊齊出四面環攻該逆歸路已斷跳河淹

斃者甚多其餘均被我軍斬殺各村踞匪聞知  
馬賊中伏隨出馬步數千圖截官軍後路經李  
世玉左成元李承先謝聯陞等併力迎勦轟斃  
執旗賊目數名逆勢不支登時潰走奔追十餘  
里沿途殲斬二三百名是夜馬德昭挑選各營  
奮勇於三更時往襲賊巢該匪敗挫之餘驚惶  
更甚知官軍夜至悉由西南逃遁我軍併力追

擊三十餘里該匪由光山白雀園南竄前股於  
初四日由光山縣屬之墨斗關竄在湖北境內  
後股仍在光山旋擾至張總愚股匪由構林關  
逃向鄧州迤西文曲集等處十一月二十二日  
竄擾浙川廳屬之李官橋攻撲寨圍經該寨團  
勇擊退二十六日全股折回鄧州在厚坡西北  
臥牛山盤踞總兵宋慶督帶各軍由厚坡黃梅

岡等處節節進偏二十八日賊騎千餘直犯我  
壘當經擊退追殺十餘里至桃園岡地方斬獲  
賊黨二三百名是夜派哨官郭春報等襲破龍  
城賊營殲斃逆黨甚多其距厚坡十二里之大  
王楹寨突被張逆襲踞餘匪圍攻西北四里之  
章寨甚急二十九日宋慶派程永和王紹烈帶  
隊馳抵章寨督同嚴守該逆怯退王紹烈等出

寨追剿適遇襲破賊營之郭春報合兵一處追  
至大王楹寨敗賊甫入官兵掩至賊衆踰牆亂  
竄砍殺多名當將該寨收復該逆不敢北竄於  
十二月初二三等日由北泰山廟竄入新野迤  
南之辛店鋪並湖北交界之樊城初五日竄至  
襄陽之鄧家湖呂堰驛賊馬擾至鄧家埠口陳  
家河及唐縣郭灘一帶宋慶已由趙岡魏家集



一路進兵緊躡追勦楚師劉維楨由唐縣親督  
六成隊伍徑向郭灘一路節節進勦奏入

上命軍機大臣傳諭官文曾國藩喬松年吳昌壽鄭  
敦謹曰光固以南地多稻田不利馳騁該匪馬隊  
一經竄至卽爲官軍所創足見制賊須因地利現  
在賴牛等逆前股已竄往湖北境內後股尙在光  
山馬賊束於地險不能肆意奔突正宜乘此機會

爲四路兜剿之計。曾國藩已派劉銘傳馳往豫省。援剿著卽飛檄該提督迅赴光固會同豫軍合力進攻吳昌壽。務當督催馬德昭、蔣希夷等商同劉銘傳由西北兩面將賊逼向東南。不可縱令回竄平原。致令馬賊任意縱橫。又成燎原之勢。鄂省黃麻羅田一帶邊界著官文、鄭敦謹嚴檄防軍認真堵剿。不得縱賊竄入腹地。潁州一帶卽由喬松年

檄令防軍嚴密堵遏以防東路霍六一帶兵力單  
弱尤恐賊衆乘虛繞路竄入喬松年當添派兵勇  
豫籌防範並著鄂豫皖三省各督撫互相聯絡隨  
時相機越境攻勦以期四路進徧聚而殲旃李昭  
慶馬隊著曾國藩速飭赴豫以備追勦之用勿再  
遲緩至張總愚股匪屢經豫省兵勇在鄧州鎮平  
等處擊敗該逆現已由新野竄至襄樊唐縣一帶

著官文鄭敦謹吳昌壽等各飭楚豫官軍會合夾  
擊速殄逆氛

二十四日乙卯喬松年奏言皖軍黃秉忠於固始

擊賊獲勝後該逆向南竄走由商城偪犯楚之  
麻城羅田等處臣方擬會合楚軍併力勦辦乃  
接據探報楚省提督成大吉一軍向駐麻城藉  
目索餉猝然兵變成大吉受傷經親軍救出其

勇已四出焚掠楚境邊防恃此軍以爲守今賊  
勢正在南趨適逢此變事機之未能湊合真出  
意料之外皖鄂連圻若此股叛勇又復狂竄四  
出真有防不勝防之慮臣惟有嚴飭在防各軍  
實力堵禦如有匪蹤闖入務卽奮勇勦辦並派  
候補總兵王開勝管帶一營馳往英山駐紮以  
資堵扼奏入

上命軍機大臣傳諭官文曾國藩喬松年吳昌壽鄭  
敦謹曰成大吉一軍駐紮麻城本爲楚省東路屏  
蔽現在賊蹤已入楚境而該軍非但不能擊賊輒  
敢乘機變亂實出意料之外成大吉統率全軍所  
司何事著官文鄭敦謹查明因何潰變緣由據實  
具奏此時潰勇已四出搶掠難保不與賊匪互相  
勾結愈形滋蔓官文等當責令成大吉設法招集

分別遣留大加整頓重振軍威以資堵剿此次潰  
變者究有若干營未潰者尙有若干營現當賊蹤  
偏近黃麻一帶旣無可恃之兵官文等當另行添  
撥勁旅迎頭截剿毋令叛軍與捻逆勾結深入腹  
地喬松年吳昌壽亦當嚴飭皖豫各軍會合夾擊  
毋得在令遠竄儻潰勇有竄入皖豫境內者並著  
一律剿捕前諭曾國藩飭劉銘傳等軍赴豫追擊

現在楚軍事既中變恐該逆勢益張任意竄突  
曾國藩當迅催劉銘傳等軍馳赴南路相機進剿  
毋稍遲誤



欽定勦平捻匪方略卷二百四十九 丙寅年

中央民族  
學院圖書館

五年正月初四日 甲子 官文鄭敦謹奏

股匪自構林敗退後徑向鄧州西北晝夜狂奔

上年十一月二十一日竄至李富橋厚坡小江

口一帶偏近均光鄧竹等屬經該處官兵連日

截勦斬擒甚衆並燒燬賊船多隻逆衆回竄鄧

州屬之魏家集岩家樓旋擾近襄樊十二月初

二至初七等日經提臣江長貴督師追剿連獲  
勝仗該逆復圖偷渡又經水師擊退據獲賊供  
稱該逆因無巢可歸欲由南鎮竄入棗屬太平  
鎮度岩等語姜玉順等軍卽連夜折回新野臣  
等已飛檄該軍由西南兩路並進會同江長貴  
前後夾擊並飭總兵劉維楨由唐縣先回棗陽  
以杜逆蹤紛竄東路賴牛等逆由固始竄至商

城偏近麻羅黃孝前飭成大吉帶兵速赴三里  
城小河溪一帶迎勦初三日成大吉傳令拔隊  
卽有游勇煽惑衆心索給舊欠成大吉當令各  
營退紮宋埠行至中途擒匪假冒官兵跟追抄  
截各營受傷甚重以致營勇潰散晝夜急趨於  
初七日齊至瀟口賊亦繼至查瀟口距漢口甚  
近留省防軍僅有數營臣等當卽督同司道等

就現有兵力將武漢水陸要隘趕緊布置連日  
該逆撲營偷渡均被我軍擊退武漢安堵如常  
現查大股捻逆尙盤旋於黃孝之間並有游勇  
潰勇沿江滋擾下游黃州空虛已飛飭招募新  
勝兩營由水路至團風一帶擇要扼截一面責  
成成大吉招集潰勇設法整頓分別遣留飛調  
藍斯明等軍剋日來省復飭副將韋志俊迅募

四營以備分路進剿並飛咨曾國藩迅卽派兵  
來楚會合夾攻以收聚殲之效復據探報光鄧  
回竄之賊於十二月初一日竄踞薛家集連夜  
竄至樊城以上之竹篠鋪王家駱卓家營等處  
偏近襄樊江長貫於初七日夜間令參將范永  
福等埋伏於大石橋板橋柿子鋪等處自督參  
將宗維清等從七里橋誘敵令已革總兵楊名

聲等策應初八日黎明督隊進攻該逆大股分  
路來衝各軍迎頭截擊遊擊楊玉成等手刃悍  
賊數名該提督揮軍掩殺三路伏兵及後路策  
應同時齊進環戰多時賊衆大敗我軍乘勝追  
殺正欲直逼賊巢忽有賊股突向迎旭門狂奔  
參將聞定魁等出卡迎勦該提督亦回軍從後  
夾攻鏖戰兩時斃賊百餘名賊始潰敗初九日

賊匪復攻樸竹篠鋪甚急該提督當派遊擊張殿甲由南岸渡入以資扼堵並飛調總兵楊朝林分兵策應查薛家集黑龍集太平店以至襄棗交界橫亙百餘里徧地皆賊樊城僅留數營連日獲勝稍挫兇鋒尤應力圖掃蕩現據探報姜玉順譚仁芳等已抵鄧桃湖總兵劉維楨亦到兩河口一俟大兵雲集卽圖相機會剿

同日曾國藩奏言任賴牛李各酋由麻城竄入  
鄂境聞成大吉所部以索餉爲名燒營謀變該  
統領親出彈壓竟至受傷部下弁勇多已從亂  
聞游匪唐姓實爲主謀勾通捻匪徧擾黃安黃  
岡黃陂孝感等縣其張總愚新野一股亦已竄  
至樊城游匪蠡起裹脅日衆旋接官文函牘請  
臣派兵由麻城黃安援鄂 臣卽會同兵部右侍



郎臣彭玉麟飭總兵喻俊明等率帶師船駛赴  
武漢並檄調提督劉銘傳由周家口馳赴光固  
麻城徑援黃州惟周家口至黃州七百餘里恐  
該軍趕到賊匪又有變動惟當窮賊所往竭力  
截勦以期迅掃逆氛均奏入

上命軍機大臣傳諭官文曾國藩喬松年吳昌壽鄭  
敦謹曰前因喬松年奏探聞賊勢南趨楚軍索餉

譁潰各情當諭官文等查明據實具奏本日據該督撫奏報雖與曾國藩所陳情形大致相同而於成大吉何以受傷各情未能詳細聲敘著懷遵前旨據實具奏不准一字諱飾成大吉近來頗不得力官文等現今招集潰勇是否可用並著酌度情形妥爲辦理曾國藩已派劉銘傳一軍馳赴光固麻城徑援黃州著飭迅速赴援並令彭玉麟等水

師駛赴上游力固武漢門戶官文等於劉銘傳等  
軍到後責令成大吉等就現有兵力會合痛勦成  
大吉如再不奮勉卽著嚴叅治罪姜玉順譚仁芳  
均已折回楚境恐該匪衆避兵而行復又回竄皖  
豫地方著喬松年吳昌壽飭派出各軍嚴密防守  
遇賊卽擊無稍疏懈

曾國藩又奏旨欽奉

諭旨飭查河南巡撫吳昌壽叅款臣博訪來往官紳  
並派員赴豫密查互相考覈已得崖略如原摺  
所稱吳昌壽許州督師未接一仗陳州請救未  
發一兵暨馬兵在汴騷擾等情查本年六月捻  
匪自雒河分股西竄前股張總愚等由亳州歷  
歸德鹿邑柘城懷甯太康鄆陵而至許州豫軍  
追及於許洧交界之朱曲與賊相持者數日旋

又由襄郟寶豐而至魯山南召破張旗營瓦店  
而趨鄧州又折而東向鎮平內鄉之交後股輓  
汝洸等由亳州鹿邑竄入陳州惟時豫軍西去  
曾無一旅之師該逆盤踞蹂躪至二十日之久  
飽掠而去復由鄆城襄城擾及西平遂平確山  
上蔡等縣直至新蔡阜陽之間八月初十等日  
豫皖諸軍與劉銘傳等會擊破之賊乃北走回

竄山東當捻黨游弋許州之時吳昌壽卽議赴許因聞後賊踵至未卜所向遲疑不決蘇廷魁陳國瑞從容勸請吳昌壽旋卽赴許而賊已先後颺去無從接仗陳州被圍府縣疊次請救均未得達逮紳士袁保恆等專馬到汴該撫隨卽派兵往援而賊去已三日矣是赴許之稍緩初非有意逗留救陳之稍遲實因文報梗阻惟所

稱馬兵騷擾一節係屬實情省城鼓樓街南北  
土街各飯館客店大半關閉輿論亦與原奏相  
符河南兵勇毫無紀律不支棚帳常住民房閭  
閻苦之由來已久不獨馬隊爲然卽各營步隊  
亦皆與民爲仇該撫威信未孚是以莫能禁止  
原摺所叅張曜殺掠難民一節查本年六月十  
三日豫軍追賊至通許縣之底閣寨逃難民車

與兵勇相值因搶物相爭有秦姓者毆傷官兵  
一名旋亦中傷而死兵勇近寨鼓譟約數十人  
多以花布裹頭是時捻匪甫過圩民疑爲賊至  
互相擊殺未幾大隊擁至始知爲宋慶部下之  
勇張曜見兵民大譁出而調停寨中首事始敢  
出見畏懼之際因議犒軍贖罪經各統領嚴詞  
拒絕乃獻出高思義一人張曜等飭令送縣究



辦其意陰欲保全之中途爲亂兵所戕兵散之  
後有王姓朱姓到寨借銀二百兩如數付給嗣  
又有蔣姓到寨借銀一百兩該寨祇求息事不  
敢究所從來聞係無賴之徒乘風訛詐並非營  
中弁勇亦非張曜所使至擄去婦女實無其事  
原奏所陳文玉黃縉昌蘊琛等事查遂平縣知  
縣文玉聲名平常本年二月有武生李夢齡至

汝甯府控告該令派捐供差由府押發回縣在途脫逃該令訪查同謀興訟之人有監生趙乾修者在城開設正興錢店當將趙乾修收押刑責偪令捐輸錢文妄拏正興店夥及大興布店之王姓查亦實有其事門丁李二實有其人丁役訛索銀錢一節未能訪出實據惟文玉毫無善政輿論僉同吳昌壽遽以民愛滋深保列升

階殊爲失實鄧州知州黃縉昌因有人命緝兇  
之案臬司王正誼以情節不符稟請將該牧撤  
任委王文常署理旋因王文常在考城縣任內  
有應解款項未楚仍將委牌撤回責令黃縉昌  
趕緊緝兇暫緩撤任事屬因公並非出自該撫  
吳昌壽之意黃縉昌尙係讀書本色信任家丁  
在所不免而實無貪劣可指之蹟汝陽縣知縣

蘊琛清廉剛直實心任事署上蔡縣時捕蝗緝  
匪甚洽民心汝陽被圍數月募勇堵禦頗著勤  
勞調署南陽聽斷詳明離任之日咸有去思原  
奏所稱亦與臣處委查相符乃以本管知府揭  
叅吳昌壽漫不加察遽列彈章物論大爲不平  
所謂是非顛倒卽豫中僚屬亦竊竊議之臣酌  
加擬議遂平縣知縣文玉似應卽行革職汝陽

縣知縣蔣琛似應開復原官鄧州知州黃縉昌  
似可無庸置議巡撫吳昌壽總兵張曜應如何  
分別懲處恭候

聖裁奏入

上諭內閣曰前因給事中劉毓楠等奏叅河南巡撫  
吳昌壽勦賊逗留縱兵騷擾袒護屬員保劾失實  
及總兵張曜縱勇殺掠各款諭曾國藩秉公查奏

茲據會國藩將所叅各節博加察訪據實覆奏此案吳昌壽於擒匪竄擾河南時赴許州稍緩尙非有意逗留救陳州稍遲實因文報梗阻惟馬兵騷擾該撫未能申明紀律嚴行禁止遂平縣知縣文玉偁捐妄押浮收錢糧該撫輒以民愛滋深保列升階汝陽縣知縣蘊琛甚洽民心著有勞績該撫漫不加察遽列彈章未免是非顛倒有負委任吳

昌壽著交部議處遂平縣知縣文玉著卽行革職  
汝陽縣知縣蘊琛著開復原官總兵張曜並無縱  
兵搶殺之事鄧州知州黃縉昌亦無貪劣可指之  
蹟均著毋庸置議

曾國藩又奏言遵查山東巡撫藩司等被衆各  
款原摺所稱僧格林沁山東勦賊閻敬銘不爲  
援應等語查僧格林沁今年督師山東經過曹

縣定陶菏澤鄆城鉅野嘉祥濟甯甯陽曲阜汶  
上東平滋陽鄒縣滕縣嶧縣蘭山郟城共歷十  
七州縣實無四十餘縣之多亦無函致該撫赴  
曹助勦之事至東昌防河係先期奏明而往惟  
該親王殉難後闔敬銘不應疾馳回省彼時賢  
王新逝遠近震動該撫但宜進駐汶上東平以  
定衆志不宜暫回省城以惑軍心此軍事閱歷



太少之失也至將家眷裝扮民婦送往齊河縣  
署則臣歷詢往來各員皆稱未聞此說捻匪向  
不攻城當曹南警信至時鄉民紛紛避亂挈眷  
進省豈有舍省垣鞏固之區趨旁邑彈丸之地  
此不待辨而可明者其各牧令請餉接濟大營  
該撫駁斥一節查山東協餉五萬兩按月批解  
絲毫無誤卽該親王身後糧臺尙餘銀二十萬

兩亦足爲餉項無絀之證原摺又謂閻敬銘請  
添幫辦之疏在該親王陣亡後一日所發佯爲  
不知故示先見查僧格林沁於四月二十四日  
夜殉節國瑞近在濟甯距鄆城僅二百餘里二  
十七日始得確信閻敬銘時在荏平距鄆城四  
百餘里聞此摺係二十五日所發其爲不知主  
帥已死當無疑義原摺又謂齊河縣知縣李均

與閩敬銘係屬親戚列入賢能奏保查李均之  
弟內閣中書李應莘與該撫爲親戚齊河一缺  
係前任撫臣譚廷襄所委閩敬銘因之久未調  
動又將齊河本任之張聯奎另案甄別酌改簡  
缺又將李均列入賢員保舉升階物議遂爲不  
平李均於省城西門內開設錢店漆店藥棧均  
屬確鑿其招妓聚飲查無實據而率意妄行寡

廉鮮恥則衆論多與原奏相符原奏所稱山東  
布政使丁寶楨帶勇擾民一節查丁寶楨所帶  
僅湘勇千人厥後陸續增募亦僅步隊二千六  
百人較之捻黨馬步數萬衆寡懸殊本年二月  
初閒帶兵出省甫至曹州賊已由東明一帶竄  
入定陶遂與僧格林沁分道跟追二月十六日  
曾在甯陽獲一勝仗三月二十四日僧格林沁

札飭赴厯城章邱交界之龍山鎮堵禦甫經赴  
防又接該親王札飭仍回嶧縣駐紮原摺所叅  
折回省垣復防東平不知其一往一返皆係奉  
札而行也四月初二日其部將戰賊於大泛口  
十二日丁寶楨親自截賊於滕縣之臨城驛殺  
傷不少十三日與僧格林沁相遇於道頗加慰  
勞飭令暫回濟甯防守原摺所稱始終未與賊

遇並未與該親王接見者殆係傳聞失實之詞  
該司帶勇恩多於威誠不免於騷擾然並無淫  
擄重情及畏楚勇甚於畏賊之謠逮僧格林沁  
殉節後各路敗兵游勇並集濟甯凡他營不法  
之案或歸咎於該司部下闔敬銘思全其名將  
所部改隸他將飭回藩司本任該司心地光明  
辦事結實山東官民實無閒言原摺所叅堯沂

曹濟道盧朝安候補道王繼庭一節查盧朝安  
係捐納佐雜出身前任單縣知縣時藉團練爲  
名勒索富紳朱姓財物久爲衆所指目在濟甯  
道任內辦理大營糧臺本年四月與紳士姚姓  
飲酒觀劇忽傳僧格林沁凶問蒼黃驚散雖無  
約同都司周貞元章京玉姓邀請國瑞之事而  
原摺所指多屬得實候補道王繼庭前在青州

府任爲巡撫文煜奏參革職閻敬銘因其熟悉  
例案延之入幕佐理文書動中窾要該撫於公  
事極爲認真悉與該道熟商近以交代參劾多  
員閒有過當之處外閒疑出王繼庭之意遂共  
怨其刻薄因並疑其專擅至並未打仗列入保  
單一層不能代爲之諱而廉正精細尙屬有用  
之材原奏所稱郟城縣西楊家圩被賊攻陷知



縣周士溥並不救援一節臣另派一員往查據探並無楊家圩名目細問居民俱言亭子廟圍內團長楊偉係已革文生或卽楊家圩之誤圍中居民百餘家捻匪來時並未圍攻三月二十日仍從東南竄回西北亦未圍攻破寨則所稱周士溥坐視不救係屬訛傳似無疑義臣仰承聖主垂詢固不肯撫拾浮言淆亂是非亦何敢稍涉

偏徇上負

朝廷好問察言之意就 臣所查者酌加擬議藩司  
丁寶楨功多過少衆望允孚似應免其置議尙  
沂曹濟道盧朝安心術險鄙聲名尤劣雖經告  
病開缺未便姑容應勒令休致候補道王繼庭  
才尙可用並無劣蹟似應開復原官撤銷道員  
候補知府署齊河縣知縣李均貪鄙妄爲似應

卽行革職鄒城縣知縣周士溥似可毋庸置議  
巡撫閻敬銘應如何量子處分之處恭候

欽定奏入

上諭內閣曰前因給事中孫楫御史朱鎮先後奏叅  
閻敬銘丁寶楨等貽誤各款並朱鎮奏叅山東鄒  
城縣知縣周士溥劣蹟當諭會國藩查奏茲據會  
國藩查明覆奏此案閻敬銘並無奉有僧格林沁

函令赴曹助勦不肯往援情事其赴東昌防河本  
係先期奏明並非借此意存趨避當僧格林沁殉  
難曹州時該撫卽馳回省垣以致軍心不免惶惑  
至謂其將家眷裝扮民婦送往齊河縣署則並無  
此說山東應解僧格林沁協餉閻敬銘按月接濟  
並無短絀原叅稱其於僧格林沁戰歿後佯爲不  
知奏請添設幫辦故示先見亦屬失實惟與齊河

縣知縣李均係屬姻親李均有在省城開設錢棧  
之事該撫毫無覺察轉將該員列入賢員屢登薦  
牘實屬非是閩敬銘著交部議處至山東布政使  
丁寶楨帶兵勦賊俱奉僧格林沁札委而行原奏  
各節多係傳聞失據該藩司親自截賊於臨城驛  
殺傷不少所部亦無淫擄重情功多過少官民尙  
無閒言丁寶楨著免其置議前任山東兗沂曹濟

道盧朝安前在單縣任內勒索富紳財物迨擢任  
道員後辦理大營糧臺飲酒觀劇聞僧格林沁殉  
難之信蒼黃驚散聲名惡劣心術亦屬險鄙盧朝  
安業經告病開缺仍著勒令休致山東候補道王  
繼庭才尙可用並無劣蹟惟未親臨行陣闕敬銘  
將該員附入戰功保奏致招物議王繼庭前已開  
復知府原官著撤銷道員以昭公允候補知府署

齊河縣知縣李均雖無招妓聚飲實據而開設店  
棧與民爭利實屬貪鄙妄爲著卽行革職以示懲  
儆至山東鄒城縣知縣周士溥並無任賊攻陷民  
圩坐視不救之事著免其置議

初十日

庚午

喬松年奏言捻賊南竄鄂境因成大

吉之軍潰變堵剿無及賊遂躡蹤南趨盤踞麻  
城黃岡之間分擾羅田黃陂一帶勢甚蔓延適

接湖北撫臣鄭敦謹來咨囑臣派軍協剿臣現  
飭調總兵王才秀原駐三河尖四營刻日拔隊  
馳赴羅田麻城一帶擇要駐紮視賊所向與鄂  
軍併力追剿現在曾國藩已飭劉銘傳一軍由  
豫赴楚臣當審度機宜與楚豫各軍併力合剿  
以期力殄狂氛其前次所調張得勝之隊現令  
駐紮麻埠以備續調並於雒河防軍內抽撥三



營填紮三河尖皖防均尙穩固奏入

上命軍機大臣傳諭官文曾國藩喬松年鄭敦謹曰  
賊匪因成大吉營勇譁潰躡蹤南趨盤踞麻城黃  
岡分擾羅田黃陂一帶喬松年現飭總兵王才秀  
四營馳赴麻羅與鄂軍併力追剿著卽嚴檄該總  
兵認真勦辦毋稍鬆勁張得勝一軍現已改令駐  
紮麻埠並於雉河防軍內抽撥三營填紮三河尖

防堵亦尙周密曾國藩現已派劉銘傳一軍由豫  
援鄂著飭該提督奮力追勦賊旣分擾麻黃羅田  
各境則股數以分而較弱勦辦當易爲力務當就  
地殄除不可再任北竄黃麻等處團練素稱得力  
官文鄭敦謹宜聯絡紳團協同助勦並嚴督鄂省  
將士實力進攻不得以本省軍務專待他人援應  
賊被劉銘傳援軍由北路追壓勢必南竄漢黃官

文鄭敦謹尤當厚集水陸兵勇嚴密堵剿毋稍疏虞沿江一帶著曾國藩調撥水師防堵英霍舒桐等處喬松年當留意防範成大吉所部潰勇現在辦理若何官文等當揜獲首要各犯盡法懲治不得含糊粉飾致各營紛紛效尤現在情形若何並著喬松年就近探明具奏

中央民族  
學院圖書  
館藏書

欽定剿平捻匪方略卷二百五十 丙寅年

中央民  
國史館

正月十五日 乙亥 吳昌壽奏言賴牛等逆

馬德昭等屢次進剿徑奔湖北黃安縣東宋埠

一帶向黃岡之新洲倉埠竄擾黃陂孝感等處

馬德昭等現已越境追剿至張總愚股匪於上

年十二月竄入湖北襄陽牛首鋪半扎店呂堰

驛一帶總兵宋慶追至襄陽之老范岡龍集進

南地方襲破賊壘十餘座擒斬甚夥二十日宋慶會同楚軍提督姜玉順等同時進攻賊黨傾巢而出我軍奮勇向前將竹篠鋪太平店牛首鋪朱家坡王正橋等處賊巢焚燬該匪奪路狂奔我軍跟追十餘里斃賊數百名生擒賊目吳尹潰等多名二十二日賊由楊家橋竄入棗陽之騎馬岡等處姜玉順等恐其東竄與賴牛等

逆合股遂派馬隊由雙溝東北繞出賊前截剿  
該匪被扼折回北趨分竄唐縣新野一帶邊馬  
擾及南陽之瓦店二十五日圍攻新野所屬之  
河堰寨宋慶派遊擊屈聖祥由間道先入該寨  
幫同守禦自帶親兵前往救援副將蔣東才等  
亦由南北兩面前進三面夾擊鏖戰兩時賊始  
敗潰我軍跟追十餘里斃賊一百餘名生擒長

髮兇悍老賊二十餘名河堰寨圍立解該匪尙  
盤踞新野縣屬之呂營等處並於栗河鋪一帶  
多設賊卡二十八日姜玉順宋慶等帶兵繞出  
賊前分途進剿該匪馬步出拒我軍併力衝擊  
陣斬先鋒老賊二百餘名當將栗河鋪化陂莊  
江家莊各處賊卡一律踏破生擒賊目駱絹狼  
周浚付等二十餘名二十九日宋慶列陣於吳



堂陳營之前以防援賊姜玉順直攻呂營賊巢  
該匪突出馬步數千我軍槍礮環施賊勢披靡  
回寨固守各寨之賊分道來援復經官軍殺退  
副將姜河清躍身登陴立刃數賊各營弁勇繼  
進遂將呂營寨克復斬擒無算餘賊向東北狂  
奔陳營柴堂之賊傾股出巢又被我軍擊退計  
共斃賊數百名生擒賊目吳小黑等多名是夕

楊北集吳堂之賊棄寨歸併陳營等處賊巢正  
月初一日姜玉順宋慶等率領馬步踏平附近  
賊壘十餘座進逼陳營初二日各寨之賊蠡擁  
而來宋慶等令馬隊由龔家營繞出賊後派兵  
在陳營西北猛攻該匪盡驅悍黨抵禦姜玉順  
等另派三營由寨之東面緣牆而上奮勇大呼  
各軍響應寨賊驚惶無措相率狂奔經馬隊縱

橫截擊殲甚多各寨踞匪聞風逃遁當將陳  
營楊營岡埠柴堂等寨同時收復敗賊悉向新  
野屬之白秋田九店一帶竄逸現在劉銘傳已  
抵正陽卽赴黃州進勦賴牛等逆張總愚股匪  
正在豫南滋擾臣飛咨馬德昭督同蔣希夷各  
營迅卽折回由光羅正息確山遂平徑赴舞陽  
葉縣一帶迎頭攔勦與宋慶等軍前後夾攻以

收聚殲之效一面嚴飭宋慶等趕緊前進會殄  
逆氛奏入

上命軍機大臣傳諭官文曾國藩吳昌壽鄭敦謹曰  
張總愚股匪竄入襄陽棗陽屬境經姜玉順宋慶  
等軍兜剿折向北趨分竄唐縣新野一帶復經官  
軍追擊攻拔呂營陳營等寨該逆悉向新野之白  
秋田九店一帶竄逸馬德昭一軍前因賴牛等逆

竄入黃孝等處經吳昌壽派令越境追剿現因張  
逆回竄豫軍不敷調派復調該軍折赴舞陽葉縣  
一帶迎頭攔截著飭馬德昭與宋慶等軍前後夾  
攻毋任狂竄成大吉所部潰散之後是否尙能成  
軍黃孝一帶賊氛甚熾官文鄭敦謹務當遵照疊  
次諭旨添派得力之兵認真堵剿毋令賊蹤深入  
劉銘傳一軍現已行抵正陽距黃州不遠著曾國

藩卽飭該提督統率全軍入楚會勦務當窮賊所向痛加勦洗迅殄逆氛李昭慶所練馬隊刻下計可部署成行並著曾國藩酌度情形何路緊要卽令由何路進勦

同日吏部奏旨遵議河南巡撫吳昌壽保劾失實一案請照不應重杖八十私罪降三級調用例議以降三級調用係私罪毋庸查級紀議抵

奏八

上諭內閣曰吳昌壽著加恩改爲降一級調用不准  
抵銷

吏部又奏言遵議山東巡撫閻敬銘處分應照  
濫舉匪人降二級調用私罪例議以降二級調  
用毋庸查級紀議抵再查該撫前因髮捻竄擾  
所轄境內未能加意協助以致督師重臣力竭

捐舉經 臣部議以降三級調用毋庸查級紀議  
抵奏奉

諭旨著加恩改爲革職留任今議降二級調用毋庸  
查級抵銷應請

旨將該撫照例革任奏入

上諭內閣曰閻敬銘著加恩降爲三品頂戴仍留山  
東巡撫之任



二十一日辛巳官文鄭敦謹奏言張總愚股匪連

日攻撲樊城均被我軍痛剿十二月初十日攻  
竹篠鋪甚急經提督江長貴派兵嚴禦是日總  
兵劉維楨由唐縣折回樊城姜玉順譚仁芳等  
亦由新野回援擊賊於樊家集十一日官兵敗  
賊於竹篠鋪東姜玉順等滾營進偏行至熊家  
集李家營遇賊大破兇鋒十二至十九等日經

江長貴會合援軍四路兜剿獲勝斃賊甚夥該  
逆復於太平店仙人渡廟灘竹篠鋪沿河一帶  
屢次偷渡均被水師擊退二十日經楚豫援軍  
會剿將竹篠鋪牛首鋪太平店朱家坡一帶賊  
巢一律踏毀斃賊千餘名生擒賊目吳尹潰等  
五名敗逆勢窮竄偏樊城騎賊數千由西北蠡  
擁而來復有大股直趨東北官兵槍礮環擊仍

不少卻江長貴親督勁旅躍馬直前各營兵勇  
暨附近團練合力並進斬擒無算逆勢不支悉  
向東北敗走竄至呂堰雙廟一帶又被鄉團要  
擊斃賊甚多我兵跟蹤追襲江長貴一面知照  
劉維楨力遏棗陽約姜玉順譚仁芳等分路窮  
追以免與東路之賊互相勾結劉維楨於回防  
棗陽之後探知捻逆大股渡過雙溝東岸距棗

陽僅三十餘里二十一日該總兵帶兵迎勦敗賊於七坊岡斬獲不少生擒擒首李城年張大義等二名餘黨悉向西北竄去東路賴牛等逆闖入楚境蔓延於麻羅黃孝等處時欲搶渡過河幸水師隨時轟退惟值成營潰敗心志不齊東路萬分空虛臣等就現有兵力布置武漢防務一面飛調藍斯明梁洪勝歐陽曇等軍星夜

來省該逆屢犯孝感意在竄擾德安當被藍斯  
明隨時擊退其分股竄擾五通口澗口等處亦  
經總兵梁洪勝陣斬多名內有紅袍黃褂賊目  
一名詢係任柱胞姪刻下賊勢趨重於楚儻東  
西兩路勾結爲患勦辦更形棘手查成大吉一  
軍自潰敗後一蹶不振若不及早裁撤深恐貽  
誤事機當委梁洪勝等會同成大吉辦理遣撤

至成大吉帶勇勦賊轉戰楚皖將及十年平日  
紀律尙嚴打仗出力此次各營鬧餉未能先事  
豫防實屬咎無可辭應請

旨暫行革職以示薄懲營官曾昭仕於勇丁滋鬧並  
不設法彈壓致啟釁端實屬玩忽應請

旨革職永不敘用發往軍臺效力贖罪其首先滋事  
之勇已經正法十餘名其餘脅從均多脫逃臣

等仍嚴飭成大吉速拏懲辦現在潰勇旣散當  
飭藍斯明等由孝感取道楊店進攻黃陂一帶  
之賊兼遏逆蹤上竄德安之路梁洪勝由潯口  
一路進剿兼顧漢鎮要隘道員唐協和暫紮潯  
口爲諸軍後路聲援並備各路游擊策應之用  
復檄署藩司唐際盛馳赴東路督率諸軍專辦  
賴牛股匪臣官文卽日出省駐紮漢口居中調

度奏八

上命軍機大臣傳諭官文曾國藩吳昌壽鄭敦謹曰  
張總愚股匪攻撲樊城等處經江長貴等屢擊大  
勝賴牛等逆蔓延麻羅黃孝諸境官文等調藍斯  
明等進擊亦有斬擒此股賊匪尙盤踞黃陂一帶  
官文現今各軍分路進剿並卽日出省駐紮漢口  
調度所籌均尙妥協著卽督飭諸軍認真剿洗務



須杜賊上竄官文出省以後省防事宜著鄭敦謹  
悉心經理勿稍玩忽成大吉所部潰勇已經分別  
懲辦現在各營招勇不得以潰散勇丁復行應募  
以肅戎行張逆竄向新野一帶屢諭吳昌壽督飭  
馬德昭與宋慶等軍前後夾攻著卽督飭該總兵  
等實力攻勦勿再任其狂竄劉銘傳一軍曾國藩  
令其赴黃州協勦李昭慶馬隊應卽飭赴河南助

剿

上諭內閣曰成大吉一軍駐紮麻黃等處該營勇弁  
因索餉譁退致賊匪乘虛而入該提督等未能設  
法彈壓實屬咎無可辭記名提督成大吉著暫行  
革職營官記名總兵曾昭仕著革職永不敘用並  
發往軍臺效力贖罪首先滋事之勇業經正法其  
協同滋鬧聞擊逃逸各勇仍著官文等嚴飭成大

吉迅速查拏歸案懲辦

二十三日癸未劉蓉奏言東路捻匪於上年冬閒

竄擾河南浙川廳之構林關李官橋等處經臣

檄飭提督劉厚基馳赴商州之武關分路扼守

並飭道員黃鼎紮於山陽鎮安交界之竹林關

又飭駐防漫川關之同知黃加焜添募一營與

各軍聯爲犄角因思陝東隘口繁多防不勝防

惟越境雕勦正可迎頭截擊與楚豫官軍前後  
夾攻因飭黃鼎由青山進趨荆子關劉厚基由  
商南西坪趨內鄉黃加焜由鄖西趨江口上游  
扼丹水而軍並令約會楚豫將領剋期會勦旋  
據潼商道探報前竄構林關等處逆匪現已由  
襄樊東趨棗隨光固賊蹤亦已南竄黃陂一帶  
距陝境均已稍遠臣維逆蹤飄忽無定各軍出

境遠擊糧餉艱難且聞西路回氛日圖竄犯陝  
境亦未便遠道長征現擬檄令回駐原防查看  
東西兩處何路緊急卽往何路策應以期有備  
無患

同日江西巡撫劉坤一奏言頃據廣饒九南道  
俊達等稟報河南捻匪因湖北防師課餉之變  
乘閒竄入黃州府屬肆行焚掠蔓延甚寬臣以

湖北黃州與江西九江毗連不可不嚴爲之備  
當經咨商彭玉麟迅撥外江礮船前赴九江上  
下游分途扼截並商請提督孫昌國先撥內河  
礮船出江梭織游巡並令該管文武督同兵練  
稽察津渡謹守城垣現聞湖北防師已經安輯  
捻匪有回竄河南之信如果逆氛已遠或彭玉  
麟礮船抵潯臣仍令孫昌國礮船撤回本防處

所均奏入報

聞

同日

上命軍機大臣傳諭曾國藩左宗棠劉坤一曰捻匪竄擾北路楚豫等省到處戒嚴防剿正當喫緊此時粵賊業已肅清鮑超一軍卽著左宗棠飭令統帶所部迅赴楚豫之交聽候曾國藩調遣其江閩

各路得力將弁兵勇有可調赴楚豫江皖助勦者  
並著曾國藩迅速函商左宗棠等酌量調往以期  
厚集兵力早殄逆氛左宗棠等仍當聽候曾國藩  
函商調派分別遣留不得先將得力諸軍概行遣  
撤

二十五日酉乙 喬松年奏言 臣欽奉

諭旨垂詢楚北情形查羣逆萃聚鄂疆楚勇譁潰本



屬事機之變賴有水師扼駐澠口賊未得渡仍  
分股四竄據報張總愚竄擾襄陽之光化均州  
一帶賴汝洸竄擾德安之隨州一帶任牛兩逆  
竄擾黃州漢陽一帶縣互數百里現在鄂省已  
派出新勝等營駐紮黃岡縣屬之團風鎮成大  
吉潰勇聞已收集七營漸就範圍劉銘傳之隊  
亦經曾國藩飭催由麻城進豫省馬德昭全軍

亦拔隊赴楚益以臣所派王才秀一軍併力堵  
剿自可力挫兇鋒曾國藩於辦理湖團事畢卽  
將移營周口惟黃屬之新洲地方踞賊甚多若  
東趨入皖則英霍一帶尤當加意防範臣又飭  
調總兵張得勝赴皖楚交界之松子關與王才  
秀一軍合力堵剿奏入

上命軍機大臣傳諭曾國藩劉長佑李鶴年李瀚章

曰本日已將李鶴年調補河南巡撫曾國荃調補  
湖北巡撫李鶴年著俟劉長佑回省後卽起程來  
京陛見再行赴任曾國荃假期將滿刻下捻匪竄  
擾湖北邊境防勦喫緊曾國荃素嫻軍旅朝廷爲  
地擇人正資倚任且由湘赴鄂相去甚近著曾國  
藩李瀚章卽行知照該撫迅速馳赴新任不得稍  
涉推諉曾國荃舊部中有得力將弁兵勇並著酌

量帶往湖北以資差遣

二十七日丁亥官文鄭敦謹奏言張總愚股匪自

棗陽七坊岡敗退後總兵劉維楨豫料該逆必  
圖回竄當卽會督營團四面埋伏上年十二月  
二十二日該逆大股圍撲棗城城上槍礮環施  
我軍伏兵齊出分路包抄斃賊甚多逆衆紛紛  
敗竄官軍乘勝追殺共計斃賊千餘名生擒三

百餘名敗賊悉竄草店太平鎮一帶分股圍攻  
民寨劉維楨分兵追勦該處兵練乘勢夾擊賊  
始披靡俱由唐縣屬之郭灘上下屯逃逸棗陽  
境地已無賊蹤提督姜玉順聞賊竄郭灘卽率  
隊追勦沿途斬馘不少嗣知賊踞豫境之呂營  
等寨該提督親率各營逐日進攻屢有斬擒二  
十八日至正月初二等日會合總兵宋慶之軍

先後將呂營陽營楊營岡埠柴堂高底潭等處  
賊巢一律攻破共斃賊二三千名生擒二百餘  
名敗賊俱向白秋田九店竄去其東路賴牛等  
逆竄踞黃陂縣城並擾及麻羅黃孝等屬正月  
初四日總兵梁洪勝探知該逆在黃岡縣之街  
埠等處打館帶隊直抵賊巢焚燬賊館十餘處  
斬擒頗多詎該逆馬賊數千蠶擁而至四路包

圍鏖戰兩時該總兵身受重傷力竭捐軀所有  
梁洪勝原帶各營現委參將劉盛國暫行統帶  
伏查此次逆匪闖入楚疆西自襄棗東至黃麻  
上下千數百里同時告警雖襄樊之賊屢經衆  
軍擊退然豫楚毗連頭頭是道該逆旣不能逞  
志於上游難保不悉數下趨與下游之賊合夥  
亟應厚集兵力分路兜剿仍令姜玉順譚仁芳

追勦西路敗逆兼顧襄棗並咨曾國藩派劉銘  
傳率所部由羅山取道來鄂吳昌壽派副將蔣  
希夷之軍由光固進喬松年亦派援兵由宿松  
一路進現在均未入境業已分路迎提一面檄  
調總兵劉維楨率所部七營由隨棗東下會合  
現駐孝感之提督藍斯明四營卽由孝感一路  
滾營進紮九子墩副將歐陽曇參將劉盛國各



營由澚口進退雙廟副將章志俊駐紮團風並  
顧黃郡道員唐協和駐紮澚口以爲諸軍聲援  
騎左騎右兩營馬隊駐紮游湖接應澚口之兵  
昨准彭玉麟派總兵喻俊明等所部礮船六十  
餘隻先後到鄂已飭與湖北水師分布大江南  
北兩岸節節分巡以防偷渡至漢口係著名巨  
鎮久爲該逆垂涎臣官文於十一日移紮漢鎮

察看情形妥爲布置一俟各路援兵到齊臣當督率諸軍約期大舉以期聚殲此次陣亡之提督銜總兵梁洪勝合無仰懇

天恩飭部照提督陣亡例從優議卹

同日前河南巡撫吳昌壽奏言張總愚股匪遁往白秋田九店一帶經總兵宋慶督兵追剿該匪奔竄南陽東南鄉及唐縣之東井樓桐柏之

平鎮復擾及泌陽西南盤古山二郎廟屬聚泌  
陽城關經兵練擊退由馬谷折回桐柏黃岡固  
縣鎮等處又竄至信陽左家湖平昌關邢家集  
復折向北趨擾及信陽交界之明港驛宋慶現  
由唐桐一帶跟蹤追剿臣查張總愚股匪意圖  
南竄黃孝與賴牛等逆合股適劉銘傳一軍由  
豫赴楚而宋慶等跟追甚疾該匪深恐前後受

敵是以折竄明港驛其勢將由確遂西鄆乘閒  
北來此時馬德昭等已至麻城臣咨令折回計  
其回豫之路卽可堵賊入楚宋慶一軍仍在唐  
泌之交扼賊回竄皖境惟遂平西平等處空虛  
必得有兵屯紮方可退守進戰臣卽親督副都  
統安住馬隊一千名總兵徐英步隊二千名於  
正月十八日由許州拔營取道臨潁鄆城於二

十日進抵西平一面咨催馬德昭統帶所部並  
蔣希夷一軍倍道兼行徑至遂平繞山賊前與  
安住等軍會合又檄宋慶由唐桐速向東趨並  
知會姜玉順楚師與豫軍聯絡以勦爲防如果  
明港之賊不動諸軍卽由確山進勦或向他處  
竄駛再行相機辦理臣俟各隊稍集卽由西遂  
前進親自督勦均奏入

上命軍機大臣傳諭官文曾國藩喬松年鄭敦謹吳  
昌壽曰張總愚股匪由襄陽紛竄唐縣屬之郭灘  
一帶經姜玉順等緊躡追勦連破賊巢俱向白秋  
田九店竄去賴牛等逆擾及麻羅黃孝等屬境內  
梁洪勝敗賊於黃岡縣屬之街埠等處卒因賊衆  
兵單力竭陣亡實堪憫惻總兵梁洪勝著照提督  
陣亡例從優議卹其所帶各營卽著官文委劉盛

國暫行統帶以專責成此次賊竄襄棗雖經擊退  
難保不悉數下趨亟應厚集兵力分扼堯勦劉銘  
傳一軍前據曾國藩奏已於上年十二月間拔營  
赴鄂著該大臣催該提督率所部十八營由羅山  
取道前進遇賊卽擊喬松年所派之王才秀四營  
是否已抵羅麻一帶著該撫迅催前進以厚兵力  
漢口係著名巨鎮官文旣經移紮該處卽著將防

守事宜妥籌布置俟各路援兵到齊卽當合力大  
舉以收聚殲之效張總愚現由桐泌折竄明港驛  
吳昌壽已督帶安住保英馬步各隊進抵西平催  
馬德昭蔣希夷等徑至遂平繞出賊前與姜玉順  
等軍互相聯絡以勦爲防卽著督飭各將士會合  
楚師縱橫夾擊迅殄賊氛

二十九日己丑喬松年奏言鄂中潰勇之變經官



欽定剿平捻匪方略卷二百五十一

丙寅年

中央民族  
學院圖書

二月初二日

壬辰

李鴻章奏言捻匪兩路

籌辦

有成大吉潰勇之變蘄黃一帶徧地賊氛安慶

省城防兵極單其西路宿松太湖與黃州各屬

處處毗連數百里內空虛無備誠恐沿江蔓延

關入皖境臣於十二月杪檄調南贛鎮總兵王

永勝統帶所部開字十營淮勇過江徑赴宿松

二郎河要隘妥籌堵剿以固皖西門戶至東壩  
係蘇甯南路關鍵臣已檄令總兵劉士奇七營  
分紮東壩定埠俾資控扼奏入報

聞

同日劉坤一奏言查嘉應收復後髮逆餘黨全  
股撲滅各軍分別遣裁其鮑超一軍前經曾國  
藩官文先後調赴湖北河南專辦捻匪此時捻

逆尙在黃安一帶應否卽令鮑超移得勝之師  
以向鄂豫奏入

上諭曰鮑超一軍已有旨令左宗棠飭令統帶所部  
迅赴楚豫之交聽候曾國藩調遣

十二日 壬寅 官文鄭敦謹奏言豫軍提督馬德昭

已入楚境會合副將韋志俊等軍剿賊於軍步  
山柳林橋等處提督藍斯明總兵劉維楨剿賊

於孝感之三汊埠方家集水師總兵萬化林剿  
賊於馬家河共計先後十餘仗斃賊甚夥該逆  
屢經挫折遂屬聚於黃陂城內及新洲岐亭宋  
埠一帶我軍步步逼近嗣提督劉銘傳督率馬  
隊全軍行抵黃陂縣境剿賊屢勝賊敗入城正  
月二十八日劉銘傳派補用道劉盛藻提督唐  
殿魁等各率所部四路圍攻劉銘傳自率副中

各營督戰該逆分股抗拒我軍亦分投迎勦該  
逆未敢交戰潰退入城其馬賊數千仍在城外  
排列時總兵劉維楨親督隊伍馳抵小西門外  
向前迎擊逆黨紛紛潰退副將王德成率勇由  
北門拔幟先登各員弁兵勇蟻附而上參將劉  
盛國亦率隊由西門進奮力擊殺該逆勢不能  
支悉由東南門奪路而奔其已經奔竄出城者

又被我軍分路追殺數十里而還黃陂縣城當  
卽收復共計各軍斃賊二三千名生擒正法百  
餘名救出難民萬餘人敗逆均向安麻新洲一  
帶大路竄去臣官文現飭豫楚各軍跟蹤追剿  
一面飛飭副將王才秀皖軍卽由麻城一路迎  
剿並咨劉銘傳就近馳赴新洲等處迎頭攔截  
務與追軍前後夾擊以期悉數殲除至西路張

總愚股匪經我軍擊敗出境後復於十四日回  
竄隨州之小林店當經團堡擊退現在該逆由  
信陽竄往確遂一帶已有豫軍追勦飭提督姜  
玉順督率所部移防隨棗一帶相機會勦並咨  
湖北提臣江長貴就近派兵赴棗協防以固邊  
圉所有此次出力諸軍可否擇尤酌保之處出

自

聖主天恩

官文鄭敦謹又奏言再提督馬德昭一軍前經  
臣催提到鄂於本月十五日進紮黃岡縣屬之  
團風地方會勦嗣准河南撫臣吳昌壽咨會調  
令該軍回防舞陽臣以該軍業經深入楚境勦  
辦正資得力未便抽調鬆勁已咨吳昌壽將副  
將蔣希夷一軍調回舞陽一帶扼防仍留馬德



昭在楚會勦以資得力奏入

上命軍機大臣傳諭官文鄭敦謹吳昌壽曰逆匪屬聚黃陂城內及新洲岐亭宋埠一帶經楚省官軍會同劉銘傳等軍合力圍攻殺賊甚多其奔竄出城者又被我軍分路追殺當將黃陂縣城收復在事出力各軍著官文等擇尤酌保毋許冒濫敗逆現向安麻新洲一帶大路竄去亟應乘勝殲滅官

文等已飭豫楚各軍跟蹤追剿並飭王才秀由麻  
城一路前進咨劉銘傳就近馳赴新洲等處迎頭  
攔截與追軍前後夾擊務宜嚴檄各軍奮力兜擊  
迅殄逆氛毋任再行紛竄張總愚股匪現由信陽  
竄往確遂一帶與賴牛等逆相距較遠一時尙難  
勾合著吳昌壽督飭豫省馬步各軍與姜玉順等  
軍互相聯絡奮力夾擊以期隨地翦除馬德昭一

軍入楚後尙能得力自應仍留楚省會剿蔣希夷  
一軍吳昌壽業已調回舞陽一帶豫楚兩省軍務  
均屬喫重馬德昭當視何路喫緊卽由何路進剿  
著官文等與吳昌壽商同辦理不可稍分畛域

十三日癸卯會國藩奏言臣定於二月初九日起

程由兗濟歸陳繞赴周家口就近調度並飭劉  
松山會同張詩日續赴湖北助剿漢黃一帶久

已通飭遵照頃接李昭慶自柘城來稟據稱張  
總愚股匪現在西平遂平一帶意欲竄入山東  
各路生擒賊供皆稱賊圖東竄因改飭劉松山  
等仍駐徐州湖團等處俟東路無警再行西征  
赴鄂奏入報

聞

十七日丁未喬松年奏言臣派軍赴鄂合剿因王

才秀所部四營其力尙單當飭提督張得勝由  
松子關前進併力迎擊該逆於正月二十七日  
糾合大股數萬由新洲徑奔麻城東趨入皖張  
得勝與王才秀趕至麻城併力抵禦未容竄突  
而逆衆麕聚麻境其勢甚熾二月初一日四更  
張得勝等先出精卒數百人繞越賊後夜劫賊  
營我軍由後面斬卡而入逆衆驚亂張得勝等

分左右兩翼縱橫衝擊鏖戰逾時賊勢不支紛  
紛敗竄連破賊卡八十餘處陣斬賊匪二千餘  
人救出難民甚夥追至距城六十里之盤龍集  
地方暫行收隊該逆已向麻城西北竄往豫境  
臣仍令其視賊所竄之處儘力追擊勿使該匪  
再圖東犯其張逆一股現尙游弋於南陽一帶  
據報勢欲東趨臣已飭藩司英翰及程文炳馬

隊準備迎擊視賊勢如何再行馳奏

同日吳昌壽奏言張逆由明港驛一帶竄回正陽適副將蔣希夷由楚調回行至宋店與賊接仗斬馘甚多生擒張總愚之姪張九正法賊奔汝陽之馬鄉閭集楊樓一帶經參將王文行勦擊殺賊無算該匪旋竄上蔡遂平等境正月二十六日臣派副都統安住總兵保英率領馬步

進剿至距西平三十五里之古蔡寨與賊相遇  
追殺多名二十七日賊大股擁至官軍整隊出  
擊保英步隊安住馬隊列陣以待安住槍斃騎  
馬賊目二名官軍併力衝進該匪死拒不退豫  
勝左右兩營開放槍礮馬隊槍箭齊施匪勢稍  
卻忽見賊之馬步自南路繞抄意圖截我後路  
保英揮軍衝擊鏖戰三時之久斃匪甚夥賊始



跟踰而遁我軍追壓十餘里是日蔣希夷已過  
遂平總兵宋慶亦由信確而來皆至古蔡寨地  
方賊分股迎敵蔣希夷一軍在前衝突宋慶潛  
令精壯勇丁埋伏村內誘賊近前槍礮齊發蔣  
希夷督隊力攻賊勢不支向西敗竄追奔十餘  
里該匪竄往舞陽之武功鎮出山店等處二月  
初二日該匪正在該處圖攻堡寨宋慶蔣希夷

等督帶全軍過濠河察看該匪所踞之岡王莊  
劍坡營等處賊壘均極堅固初四日宋慶派李  
寶林等往攻親督大隊接應蔣希夷防截北面  
援賊李寶林甫到濠邊賊之死黨突出劉廷李  
振清等奮勇爭先殺斃悍賊數名姜桂題身受  
矛傷裹創而上越進一濠大隊亦至濠外迫李  
寶林等越過內濠援賊大至蔣希夷奮力截擊

紛紛敗竄濠內之賊越牆而遁賊壘旣破武功  
寨圍立解該匪歸併於出山店左右盤踞初五  
日宋慶蔣希夷帶隊進剿是夜大雨未能進兵  
初六日宋慶先派鄧林楓過澗紮營該匪馬步  
數千衝撲而來宋慶督隊迎敵蔣希夷帶領各  
營兩面夾攻賊始潰散而出山店之圍遂解探  
知賊向東南遂平一路遁去現督官軍繞前截

勦南路探報賴牛等逆已自湖北回竄光州馬  
德昭之軍先爲鄂省咨留扼紮團風正在喫緊  
勢難回調宋慶等祇此兵力深慮顧前失後所  
幸曾國藩派李昭慶一軍已抵周口臣派員約  
會如剋期而至可收夾擊之效至各軍連日進  
勦該將士等不避艱險血戰圖功保全民寨甚  
多所有尤爲出力之河南候補遊擊劉廷等謹

先行開列請獎其打仗陣亡之領催委官石成  
領催委防禦阿克達春委防禦依臣保應請

飭部從優議卹其餘在事出力員弁容臣存記彙保  
均奏入

上命軍機大臣傳諭曾國藩喬松年吳昌壽曰張逆  
一股屢經豫軍擊敗回繞於西平舞遂三縣之間  
亟應乘勢翦滅而賴牛等逆又自湖北回竄光州

豫省祇此兵力勢難兼顧吳昌壽已派員前赴周  
家口約會李昭慶一軍夾擊卽著曾國藩飭李昭  
慶迅速進兵將賴牛等股痛加剿洗其現駐鄂省  
之馬德昭等軍及喬松年派出追賊之張得勝等  
軍應如何合兵會剿之處著曾國藩相機調度至  
張總愚股匪屢經挫衄吳昌壽當飭宋慶等軍乘  
勝進剿就地殄除毋令伺隙東竄得與賴牛等逆

合股復肆蔓延皖境防勦事宜喬松年督飭英翰等先事豫籌毋稍大意

上諭內閣曰捻匪張總愚竄擾正陽上蔡遂平等處經副將蔣希夷等疊次進勦殺賊甚衆該匪竄至舞陽縣境圍攻堡寨總兵宋慶等軍縱擊殺斃悍賊數百名武功寨出山店之圍立解敗匪向東南竄去著吳昌壽督飭各軍乘勝追勦務將張逆一

股悉數殲除毋稍延緩所有出力之遊擊劉廷著  
免補本班以參將仍留河南儘先卽補董建西著  
以參將儘先補用以上二員並均賞加副將銜守  
備胡詩著以都司儘先補用並賞戴花翎李振清  
著賞加都司銜並賞換花翎千總姜桂題著以守  
備儘先補用並賞換花翎外委姜萬隆馬玉崐均  
著以千總儘先拔補並賞戴藍翎其打仗陣亡之



領催委官石成領催委防禦阿克達春委防禦依  
臣保均著交部從優議卹其餘在事出力員弁著  
吳昌壽先行存記彙案請獎

十九日己酉曾國藩奏言劉銘傳一軍上年十二

月自周家口啟行援鄂正月二十四日行抵河  
口聞賊之大股盤踞黃陂縣城內卽由長仙嶺  
進規該縣二十七日行抵距城二十五里之王

家河候補提督唐殿魁率師在下石港紮營城  
內出馬步賊數千直撲該營唐殿魁等率隊分  
投迎擊賊勢不支紛紛奔潰張景春率馬勇追  
至西關外賊館唐殿魁督步隊繼進賊退入城  
二十八日五鼓劉銘傳派劉盛藻等率所部分  
路攻城賊見大兵逼近出馬步萬餘人分路來  
撲劉銘傳亦分投迎勦賊卽敗退入城其馬賊

數千仍在城外東南一帶排列我軍乘勝攻城  
劉銘傳令畢乃爾李錫增由北門開礮王德成  
率勇首先登城頭受刀傷見骨賊猶未退田履  
安等復相繼蟻附而上賊衆盡由東南兩門奔  
出當將黃陂縣城克復劉盛藻等督率各營追  
殺至城東南二十里之茆屋店賊馬數千折回  
抵敵仍經我軍擊敗賊盡向新洲一路狂奔而

去銘軍擬在黃陂暫駐稍息士力卽行拔隊前  
往追勦此次賊犯湖北劉銘傳自請援鄂甫經  
到防立克堅城自應酌加獎勵直隸提督劉銘  
傳應請開復革職留任處分仍交部從優議敘  
其尤爲出力之補用道劉盛藻等應先行開列  
請獎陣亡之守備陳福祿張思聰李先道千總  
錢萬桂四員請交部從優

賜卹其餘在事出力員弁可否容臣併入上年阜陽  
案內請獎出自

鴻慈奏入

上諭內閣曰曾國藩奏官軍援剿湖北克復黃陂縣  
城與官文等前奏大略相同劉銘傳一軍甫經到  
鄂立克堅城實屬著有微勞自應量加獎勵直隸  
提督劉銘傳著開復革職留任處分仍交部從優

議敘補用道劉盛藻著賞加布政使銜記名提督  
唐殿魁著遇有提督缺出儘先簡放總兵張景春  
著賞加提督銜並賞給幹勇巴圖魯名號黃桂蘭  
畢乃爾均著交軍機處記名遇有總兵缺出提奏  
補用並賞加提督銜副將馮如霖田履安劉盛休  
周志本章和禮劉朝幹均著以總兵記名簡放馮  
如霖並賞給達勇巴圖魯名號田履安並賞給果

勇巴圖魯名號劉盛休並賞給健勇巴圖魯名號  
周志本並賞給強勇巴圖魯名號遊擊龔元友王  
德成均著免補參將以副將儘先補用王德成並  
賞給勤勇巴圖魯名號副將李錫增著賞給克勇  
巴圖魯名號遊擊滕學義朱起昌均著以參將留  
於兩江儘先補用都司丁汝昌著以遊擊儘先補  
用並賞加副將銜吳維章著以遊擊儘先補用並

賞加參將銜已革副都統銜參領烏爾圖訥遜著  
開復原官其餘在事出力員弁仍著曾國藩彙案  
保奏陣亡之守備陳福祿張思聰李先道千總錢  
萬桂均著交部從優議卹

二十四日甲寅官文鄭敦謹奏言我軍自克復黃


陂後聲威益壯偵知敗黨竄併新洲一帶卽飭  
署布政使唐際盛馳往前敵會督各軍分途追



文分別遣留頃聞梁洪勝勦賊陣亡雖於武漢  
大局不致有礙恐進勦又形棘手臣已飛檄王  
才秀等認真防勦以助鄂軍聲威任逆等踞擾  
黃州已久恐其沿江窺宿松太湖一帶茲經李  
鴻章派出總兵王永勝率開字十營前來潛山  
太湖交界之二郎可駐紮曾國藩本擬卽赴周  
口現在張總愚逆股回竄南陽並有北竄山東

之意是曾國藩又未便遽行移動如張逆果欲  
東趨則皖境西北之防又形喫緊臣已飭藩司  
英翰將隊伍整齊聽候續調總期視賊所向無  
分畛域力遏狂氛奏入報

聞



勦正月二十九日提督藍斯明等敗賊於靠山  
鋪劉家大灣等處斬擒甚衆提督馬德昭復擊  
賊於淋沙河卽與韋志俊會兵追至新洲該逆  
回戈抗拒適新洲踞逆亦蠶擁來援韋志俊迎  
擊其前馬德昭抄擊其後總兵李濟清率水師  
接應鏖戰多時大破之賊退回巢馬德昭韋志  
俊隨於是夜各率所部密約李濟清舟師夾擊

逆衆棄巢亂竄自相踐踏死者無數我軍追殺  
十餘里天雨未得窮追該逆遂連夜奔至麻城  
屬之陡陂山一帶時皖軍張得勝王才秀等率  
所部已至麻城二月初一日會合該邑防軍於  
是夜四更襲入賊營逆黨內亂張得勝左右掩  
殺連毀賊營數十座該逆紛紛潰竄我軍追殺  
六十餘里斃賊千餘名生擒三百餘名救出難

民萬餘人餘逆由中館驛料棚一路竄向光山  
一帶而去楚境已無賊蹤自應乘此聲威趕緊  
追剿不令死灰復燃臣現催提督劉銘傳率軍  
迅由武勝關入豫繞出賊前迎頭攔擊並派楚  
軍總兵梁美材等隨同提督馬德昭赴豫跟蹤  
追剿惟豫楚接壤處處可通飛飭留防各軍分  
紮楚邊要隘以遏其回竄之路一俟賊蹤趨向

三十一  
六

稍定再行抽撥繼進越境會勦並令皖師張得勝王才秀等軍回紮商城以固皖省門戶臣查閩廣等省軍事已竣鮑超一軍似可抽調赴豫會勦臣前已函商曾國藩一俟覆信到日卽行詳細奏

聞督臣曾國藩已定期自徐州起程進紮周家口並飭皖南鎮總兵劉松山率老湘十一營宣化鎮

總兵張詩日率吉中八營至固始一帶覘賊所向與劉銘傳之軍相爲犄角扼賊於田多山雜之處較易得手此次暨襄棗勦賊出力人員可否仰懇

天恩准予擇尤彙獎以示鼓勵之處出自

鴻慈奏入

上命軍機大臣傳諭官文曾國藩鄭敦謹吳昌壽曰

此股捻匪經鄂皖江豫各軍會剿屢次獲勝足見各省合力會剿之效惜乎畛域之見猶未盡除僅擊賊出境不能就地殄除現在該逆殘敗之餘勢甚窮蹙著官文嚴飭將士乘此聲威速將此股殄盡以期移師西進再將張總愚股匪合力掃除並著曾國藩卽飭劉銘傳迅率馬步全軍由武勝關入豫繞出賊前迎頭攔截其梁美材等馬步各營



已隨馬德昭赴豫著官文鄭敦謹吳昌壽嚴檄該  
提督等視賊所向盡力窮追張得勝等軍現已回  
紮商城卽著曾國藩檄令該軍嚴密扼守以固皖  
省門戶總期數省實力會剿不得有名無實官文  
所請此次暨襄棗剿賊出力各員保獎之處著准  
其擇尤覈實酌保數員毋許冒濫鮑超一軍如已  
抵鄂卽著曾國藩飭令馳赴豫省助剿由曾國藩

調遣曾國藩此時計可行抵周家口所派劉松山  
張詩日等軍進至固始與商城相距甚近兵力已  
厚卽著飭該提督等與劉銘傳等軍分路進剿以  
冀迅殄賊氛毋稍延緩

二十七日丁巳喬松年奏言任牛等逆因被剿窮

竄遂入豫疆欲與張逆合股深恐該逆復折而  
入皖當卽飛飭張得勝與王才秀兩軍分道繞

前攔擊賊果由光州擾及固始縣境之迎河集  
一帶臣先派總兵黃秉忠駐紮固始該總兵聞  
警卽帶隊赴陽關鋪地方巡哨適遇賊衆窺伺  
渡河遂隔河擊之復挑選精騎梟渡河西猛擊  
賊乃稍卻適張得勝之隊已由商城繞出賊前  
軍聲益壯該逆遂於二月十一日仍由光州向  
確山羅山一路西竄臣觀目前賊勢已形窮蹙

俟曾國藩移軍周家口後曾國荃鮑超各率勁  
旅會勦大舉合圍蕩平有日臣現飭張得勝一  
軍暫駐豫省息縣之烏龍集可以兼顧豫皖兩  
省並嚴飭各軍仍嚴行防堵奏入

上諭曰仍著嚴飭張得勝等軍探明賊蹤會合豫軍  
迎頭勦擊毋得株守本境

同日護理山東巡撫布政使丁寶楨奏言據探

逆捻張總愚由襄城西竄新鄭一帶十七日賊  
騎突至汴省西北各鄉勢將窺伺東省臣飭總  
兵楊飛熊入營仍駐蒞澤之金隄集防其由考  
入蒞一路副將王心安入營仍駐曹縣之魏家  
灣防其由考入曹一路復飭知府王成謙統帶  
常武十營馳赴開河袁口一帶嚴防運河北路  
以顧腹地其金嘉濟甯一路已經會國藩派臬

司潘鼎新一軍馳紮嘉祥以顧南防現據續探  
該逆馬隊竟向東境奔竄二月二十一日已至  
曹考交界之許河寨長樂寨一帶又據定陶縣  
稟報二十三日逆騎竄至該縣境林窪喬樓一  
帶大股賊捻均在後未動各等情查賊騎已入  
東境其後股必將屬至曹郡地處瘠苦無從得  
食勢必蓄銳東趨圖擾腹地臣得信後卽飭魏

家灣金隄集兩路防軍無論賊從何途竄入均  
卽勒軍迎擊截勦務遏其鋒如賊已繞從我軍  
之後卽兼程繞截趕出賊前遏其由鄆鉅渡運  
之路一面飛飭駐紮開河各營嚴密防守臬司  
潘鼎新一軍亦卽進紮嘉祥金鄉鉅野兩路均  
可迎勦至濟甯地方已有曾國藩駐紮調度臣  
卽移紮東平督飭開河十營布置運岸兼顧省

南及河北防務以期周密奏入。

上命軍機大臣傳諭會國藩劉長佑閻敬銘吳昌壽  
丁寶楨曰捻匪張總愚由豫境東竄已至曹考交  
界勢必銳意東趨會國藩現在濟甯著卽督飭潘  
鼎新等軍迎頭截擊力遏賊蹤並著閻敬銘丁寶  
楨嚴飭開河十營布置運岸毋令該匪乘隙偷渡  
賊捻大股在後未動吳昌壽務當不分畛域派兵



追躡期與東省各軍會合夾擊以收聚殲之效直隸與東境毗連州縣延袤數百里亦應嚴密設防卽著劉長佑督飭水師礮船認真防範並飛檄陸路將弁一體相機截剿毋得稍有疏虞

二十八日戊午浙江提督鮑超奏言髮逆肅清臣

率全軍拔駐豐城稍爲休息適奉

諭旨移勦捻匪查豫省地勢平曠捻逆利在騎戰來

去靡常非多設馬隊不足以禦其奔衝躡其蹤  
跡現擬採買馬匹並委員赴粵購辦洋槍等件  
俟馬匹到齊編立十五營揀派得力鎮將分帶  
操練精熟靜候會國藩隨時調遣奏入

上命軍機大臣傳諭鮑超曰捻匪張總愚現由豫境  
率黨東竄已至曹考界內而賴牛等逆尙蔓延光  
州等處亟應分兵勦辦著鮑超迅率所部剋日起

程由鄂赴豫探明賊蹤認真勦辦

二十九日己未閻敬銘奏言賴牛等匪由息縣新

蔡竄向東北丁寶楨以曾國藩現在濟甯曹濟  
各軍均可調度惟汶上之開河袁口等處爲該  
匪渡運熟路擬日內親赴東平嚴扼運河查該  
逆注意東境本非一日現已偏近邊防堵勦極  
關緊要丁寶楨兼護撫篆自應力籌防務刻當

上忙催徵之際藩司政務殷繁恐難兼顧 臣謹  
卽勉強力疾銷假定於本月二十七日出省馳  
赴東平汶上一帶行營接印督率各營相機防  
剿一切會商會國藩辦理俾丁寶楨早日旋省  
料理本任藩司公事至省城應辦防堵事宜督  
飭司道從容布置以爲備豫之計奏入

上諭曰卽著懷遵前旨嚴密防剿用副委任

中央民族  
學院圖書  
館藏

欽定勦平捻匪方略卷二百五十二 丙寅年

三月初三日 壬戌 吳昌壽奏言二月初七日張逆

駛至遂平之紅山寨迤南盤踞初九日總兵宋慶副將蔣希夷等率軍進勦鏖戰兩時殲斃悍賊無數賊猶死鬪營官郭春報等大呼陷陣決盪無前賊勢潰敗追奔十餘里斃賊二三百名該匪乘霧東遁旋折而北由舞陽鄆城竄往禹

州新鄭等處十五日突至鄭州城南十六日賊馬直撲大隄意在搶船北渡駐防副將崔廷桂等登岸勦堵槍礮齊施殲斃馬賊數十名其直撲河口之賊復經各船開放大礮轟斃十餘名該匪折回隄南退紮十餘里十八日宋慶等軍馳至鄭州之郭店地方十九日賊向東奔竄宋慶等追至中牟途次殺斃悍賊多名是夜派隊

往襲賊營轟毀賊壘十餘處賊大潰追殺悍黨  
數百名生擒二十餘名二十日該匪竄至祥符  
之朱仙鎮地方偵知有備東竄陳留現據探報  
該匪於二十二日擾及蘭儀竄向山東曹州一  
帶宋慶等業已追至考城與臣派赴東路之安  
任保英等馬步官兵會合前進又聞賴牛各逆  
由楚省折回業至皖省阜陽縣境提督劉銘傳

一軍緊躡其後不致與張逆勾合臣於二十八日馳抵尉氏一而確探匪蹤擬卽旋省布置扼要嚴防絕其歸竄並兼顧北面河防冀臻周妥奏入

上命軍機大臣傳諭曾國藩劉長佑喬松年閻敬銘吳昌壽丁寶楨曰張總愚股匪剽疾異常非東豫兩省合力夾剿不能杜其奔突曾國藩現駐濟甯



自應速調各路將士四面布置兜擊圍剿毋任他  
竄闖敬銘已赴東平著卽督飭王心安潘鼎新等  
軍嚴扼運河防其東渡並與曾國藩妥商籌辦分  
路兜剿迅殄狂氛丁寶楨交卸撫篆後卽著馳回  
省城嚴密防守勿稍疏懈吳昌壽已回汴省並派  
兵追赴考城著卽嚴檄宋慶安任保英等會合東  
省兵勇實力勦洗總以聯絡聲勢殄除股匪爲要

務不得存此疆彼界之見徒以驅賊出境爲了事  
汴省布置及防河事宜吳昌壽當加意防維不可  
稍有疏忽致誤戎機陳留尉氏等處偏近大名地  
界並著吳昌壽隨時知照直隸防河文武互相聯  
絡嚴密堵剿前諭劉長佑布置河防著卽嚴督地  
方文武偵探防剿毋稍大意賴牛等逆現竄阜陽  
喬松年當飭張得勝等軍奮勇迎剿潁郡團練素

稱得力並著激勵紳團到處堵截以助官軍聲勢  
劉銘傳已率所部跟蹤追擊著曾國藩檄飭該提  
督與張得勝等軍前擊後追就地殲除不可縱令  
北竄致與張總愚股匪合併又成滋蔓難圖之勢  
東省境內黃河防守事宜閻敬銘亦當整飭籌備  
以免臨時竭蹶

初四日  
癸亥 劉長佑奏言據探汴省賊蹤蔓延意

圖東竄東明長垣邊界亦見賊騎臣已飛飭南路各隊穩紮東明相機防剿如賊勢尙重再由西岸增調精銳以資前敵並飛飭總兵姜國伸等督同東西兩路水陸兵勇嚴防確探如有賊蹤竄徧河干卽迎頭截剿與豫東官軍互爲策應以收夾擊之功仍由臣飛咨河南山東撫臣迅飭交界各屬兵團協力助剿以遏北竄頃據

管帶水師守備袁多如馳稟二月二十四日賊竄竹林口等處是夜馬賊數百名直撲沙垵堆河口意欲搶渡北竄該守備卽移船東岸連放大礮賊始退去臣現飛札陸路各軍臣緊兜剿並飭上下游水師實力扼防奏入

上諭曰著懍遵昨日寄諭嚴飭水陸防軍認真偵探堵剿與豫東官軍互爲策應以收夾擊之功毋稍

疏懈

同日閻敬銘奏言臣於二月二十九日馳抵東  
平行營會晤署撫臣丁寶楨備知布置運防一  
切俱有規模賊勢仍盤踞鄆鉅交界處所已經  
丁寶楨將詳細情形奏報臣議定仍駐東平督  
軍扼防令丁寶楨卽回省垣料理藩司本任事  
宜以期各專責成伏查賊蹤剽疾必遏其奔突

之勢乃可爲勦辦之法現曾國藩在濟甯臣在東平南北督軍以期處處周密奏入

上諭曰該撫已抵東平居中調度著慎遵昨日寄諭督飭王心安潘鼎新及河防各營嚴密扼勦仍隨時與曾國藩妥籌調派勿稍疏虞

閻敬銘又奏言接據各營報稱逆衆仍在鄆鉅一帶盤旋副將王心安先派遊擊王正起分帶

四營馳赴鉅野攔頭截扼王心安亦於二十八日帶領四營由定陶衝入賊中勦擊被賊匪大股四面包圍王心安帶兵衝突互有殺傷適王正起由鉅野帶隊追勦合力將賊壓退現該軍均在鉅野扼賊之前臬司潘鼎新帶領八營駐紮嘉祥聞信卽日進駐鉅野併力堵禦楊飛熊一軍亦在後跟躡是以賊勢未敢東趨臣飭各



軍悉力堵扼並責令兼顧運防以期周密如曾國藩派出各隊馳到當可合力痛剿以收夾擊之功至防河事務仍令衛榮光督率各營及地方州縣與總兵趙三元水師嚴密籌辦不得稍有疏忽奏入

上諭曰著卽嚴飭各軍悉力堵剿仍隨時會商曾國藩催李昭慶追剿之師剋期來東合力夾擊以期

聚而殲旃

同日丁寶楨奏言查開河以南有蜀山馬踏南  
旺各湖逆蹤稍難竄突至長溝一帶有潘鼎新  
駐濟之軍兼顧河防或可無慮惟自開河以北  
至靳口三十里內河身極窄水勢尤淺處處可  
虞上年逆匪兩次竄運皆取道於此自應嚴密  
設防臣飭知府王成謙督率各營密布該處分

段扼紮其自靳口至安山因兵勇不敷分布又  
令東平州挑募團勇五百名協同分駐其沈家  
口地方向爲黃水穿運之處近因淤墊水淺已  
派副將閻鳳山一營駐紮並令總兵趙三元添  
雇礮划二十隻分泊沈家口上下與閻鳳山之  
營相爲援應稍助聲威其黃河北岸防務亦飭  
沿河州縣督團駐守並調參將韋應麒守備姚

鴻烈等各帶勇丁分布要隘又飭都司楊長林  
水師會同直隸礮船於壽陽范濮一路嚴密梭  
巡以重河防據探賊股由考城闌入東境二月  
十三日王心安出隊扼擊行至曹縣之呂寨地  
方遇賊接仗小有斬擒賊勢潰散該副將等督  
飭各軍乘勝追逐直至考城之王莊一帶始行  
收隊該逆遂折從東明菏澤交界竄入定陶鉅

野境內楊飛熊聞信出隊賊匪狂竄望北而逃  
多放邊馬四出奔突其大股晝伏夜行情狀詭  
秘現聞麴集於蒗澤之半截隄鉅野之太平寨  
一帶王心安會同楊飛熊兩軍扼之於南王心  
安復分軍飭遊擊王正起帶馬步五營赴鉅野  
一帶繞扼東趨各等情查該逆盤旋鄆鉅之交  
業將旬日彼處無從擄掠勢必東趨開河袁口

沈口之防最爲喫重現今河岸防軍嚴密防備  
期與西路之軍前後夾擊惟東省兵力僅足支  
持勦洗逆氛必賴大枝勁旅現經曾國藩催調  
李昭慶一軍剋期來東當可收聚殲之效撫臣  
閻敬銘於二月二十九日由省到東平軍營臣  
於交卸後卽兼程回省以便布置省防奏入

上諭曰所陳布置各情已諭閻敬銘接辦矣該藩司

回省後著兼顧省防勿稍疏忽

初九日

戊辰

會國藩奏言據各路稟報張總愚大

股由蒗澤定陶擾及鉅野鄆城攻破鉅屬之太

平寨圩盤踞該寨勢將渡運

臣

飭潘鼎新酌留

四營防守濟甯卽帶八營馳赴嘉祥鉅野相機

勦辦另調湘軍三營自徐州來濟換防騰出潘

鼎新之軍馳赴前敵其自濟甯以上之開河袁

口一帶水勢極淺爲該逆渡運熟徑下寶楨以  
五千人分扼其間而親駐袁口督飭防範東省  
防邊之兵一爲曹縣金隄集楊飛熊之師一爲  
曹縣魏家灣王心安之師楊飛熊一軍在曹州  
之安興寨接仗先勝後挫王心安一軍在鉅野  
之龍堦集接仗挫損尤甚該兩將勇於赴敵身  
受多傷臣咨商撫臣將兩軍調赴運河以東憑



河堵禦藉固北路之防該逆在太平寨盤踞四  
日潘鼎新出隊搗賊該逆一見旌旗卽行退避  
三月初二日潘鼎新進攻太平寨該逆已全數  
北竄梁山有渡運之意運河汎地太長防兵太  
薄不知能否堵扼至李昭慶一軍由豫追賊入  
東已於初二日紮鉅野之章縫集少事休息卽  
會合潘鼎新之軍分道進剿或可以收夾擊之

效任賴等逆一股由光息正陽一帶竄至項城  
沈邱二月十八日逼近槐店張樹珊冒雨出隊  
該逆折而南趨一日夜竄至江口集距槐店二  
百餘里劉銘傳緊躡賊後二十四日可抵太和  
周盛波聞該逆有回踞蒙亳老巢之信亦於二  
十五日由歸德馳赴亳州會合銘軍專辦此股  
臣上年屢陳四鎮之外另籌數枝游擊之師經

營半歲甫成劉銘傳李昭慶兩枝今捻逆西偏  
楚疆東趨海岱相去三千里馬步以數萬計官  
兵步多騎少每每失之遲鈍必須鮑超劉秉璋  
劉松山等多成數枝游兵庶足以布遠勢而圖  
全功臣現駐濟甯應卽在此就近調度俟東事  
大定再行赴豫

同日喬松年奏言任柱等逆西趨羅山確山改

由西平新蔡一帶折向東趨意在直窺潁郡行  
甚剽疾已至阜陽境內總兵程文炳以馬隊扼  
賊於沈邱集英翰所派史念祖等軍復擊賊於  
大橋集兩路均有斬擒賊未得逞遂向潁州西  
南一帶竄踞欲圖搶渡淮河滋擾其時張得勝  
黃秉忠王才秀等軍皆從豫境陸續趕回臣以  
該逆鋌險趨皖志在併力一逞勢極剽悍必須

謀定後戰大舉合攻方可挫其兇燄當飭張得  
勝一軍由中心岡進王才秀一軍由南召集進  
英翰督率黃秉忠史念祖程文炳各軍仍由大  
橋集進三路合剿又飭遊擊朱淮俊一軍扼防  
江口集總兵蔣得遇等營及防淮水師嚴守三  
河尖一帶以固腹地賊蹤飄忽靡定皖營僅此  
兵力已儘赴前敵誠恐一經擊敗又肆奔竄必

須大兵合剿方可聚殲劉銘傳一軍現已抵潁  
臣當函商該提督與英翰會合進剿

同日閩敬銘奏言逆股竄入鄆鉅境內楊飛熊  
於二月二十五日督隊馳抵鉅境之安興寨突  
遇賊馬數千分路來撲我軍衝入賊陣斃賊二  
三百名並陣斬賊目二名二十六日楊飛熊率  
軍衝壓賊壘大股賊匪四面包抄一擁而上我

軍往來衝突殺傷相當有一賊會突入陣中楊  
飛熊策馬迎敵被賊矛傷額角楊飛熊用洋槍  
立將該會轟斃馬下逆勢稍阻參將劉興旺亦  
身受多傷均各裹創血戰斃賊數百名始將賊  
衆壓退官軍衝過賊前直抵鄆城一路王心安  
聞逆股竄鉅卽派遊擊王正起分帶四營馳赴  
鉅野出賊之前王心安自率四營躡賊之後二

十七日王心安帶隊馳抵蒔澤之沙土集適賊衆圍攻民寨一見我軍遂撤圍來撲王心安率隊迎勦該逆調集大股層層包裹我軍且戰且進斃賊甚多從未至西廛戰半日直至觀音寨地方與賊列壘相持二十八日王心安恃勇銳進復率隊伍衝偪賊壘賊馬分起包抄王心安將四營勇隊分爲兩方陣迎擊轉戰至龍垵集



賊匪愈積愈多王心安首先衝敵各軍奮力衝  
殺轉戰六十里直至姚店地方適遊擊王正起  
四營趕到因將賊衆壓敗共計殺賊四五百名  
我軍傷亡勇丁三四百名天色已晚遂卽收隊  
駐紮鉅野臬司潘鼎新是日亦率隊趕到扼賊  
東面一路臣以運防緊要飛調各軍先扼運河  
北路現據稟報三月初一初三等日王心安楊

飛熊兩軍均已陸續調至運岸連營布置李昭慶一軍已抵鉅野縣境該逆聞大軍俱集遂竄出太平寨向北竄擾仍在鄆范之交柳條圈蕭河亭一帶盤旋潘鼎新一軍由鄆城卽日進兵等情臣現飭沿運防軍晝夜隄防一面飛飭黃河北面嚴密扼防並令濟東道衛榮光督率兵團分布北岸總兵趙三元礮船水師梭巡南岸

務期完密庶東有運河之防北有黃河之阻南  
有潘鼎新李昭慶追擊之軍西有豫省防剿之  
軍或可遏賊奔突

同日王榕吉奏言據探捻逆張總愚各股北竄  
擾及開封府屬之滎陽汜水中牟鄭州等處大  
有西竄之勢臣查晉省南面東西千有餘里悉  
與豫省接壤現在賊勢飄忽靡常若因楚豫均

有重兵乘虛西犯則河洛告警晉省垣曲縣之  
封門口東灘渡平陸縣之茅津渡等處均僅隔  
一河在在堪虞儻竟窺伺河北則彰衛懷同時  
喫重晉省潞澤邊境各要隘亦宜加倍嚴防臬  
司陳湜所募練勇業經招募成軍於二月二十  
五日由運城前赴茅津渡駐紮會同副將和昌  
將在防官兵就近調度臣復咨太原鎮總兵蔣

臨照速赴垣曲一帶商同布置暨駐防澤州之  
候補道鄧裕生副將崇安均令督率沿邊兵勇  
認真防範並將沿河船隻一律提歸北岸以防  
搶渡儻軍情再緊臣卽出省親赴南路相機策  
應均奏入

上命軍機大臣傳諭曾國藩劉長佑喬松年閻敬銘  
王榕吉曰張總愚股匪由豫入東竄蒞定鉅鄆等

處攻破寨圩楊飛熊一軍先勝後挫王心安一軍  
挫損尤甚該逆日思渡運會國藩現將該兩軍調  
赴運河以東憑河堵禦以固北路之防惟運河汎  
地太長仍著添調兵勇招集民團合力堵剿勿任  
偷渡李昭慶一軍已抵鉅野卽令會合潘鼎新之  
軍分道進剿用收夾擊之效閩敬銘摺內所稱飭  
濟東道衛榮光督率兵團分布北岸總兵趙三元

礮船水師梭巡南岸均須實力辦理未可有名無  
實任賴等逆竄至江口集有回踞蒙亳老巢之信  
周盛波已由歸德馳赴亳州會合劉銘傳一軍力  
辦此股曾國藩喬松年卽飭該提督等與英翰等  
軍扼擊於淮潁之交嚴防竄回老巢以固腹地鮑  
超現抵豐城著曾國藩速行催調並令劉秉璋劉  
松山等各率所部前來用作游擊之師以期四面

兇勦聚而殲旃該大臣卽暫駐濟甯調度俟張總  
愚一股殄除再行赴豫督勦捻已東趨去晉日遠  
惟逆蹤飄忽河防不可不慎王榕吉惟當與陳湜  
等悉心妥籌勿稍疏忽賊匪全數北竄奔突靡常  
直隸防務緊要著劉長佑嚴飭各路防兵認真戒  
備不得稍涉大意

十三日 壬申 劉長佑奏言據探逆捻入東境後在



鉅野鄆城等處圍攻民圩逆騎四出距壽張河  
岸三四十里距張秋沈家口河岸亦祇四十里  
查該逆此次悉銳東趨勢甚兇悍現在曾國藩  
駐紮濟甯州東省水陸各軍嚴扼運河一帶曹  
境屢被竄擾野無可掠勢難久踞必致窺伺黃  
運兩河不思東竄卽圖北犯臣已飭陳濟清等  
認真堵扼調集各團環守河干並將上下河口

民船一律提歸北岸嚴加戒備仍飭選派勁旅  
巡游南岸遇有賊騎猝至奮力追殺以杜窺探  
儻大股掩至卽督各軍憑險截擊水陸交攻並  
飛札防堵濮范之總兵余承恩等嚴行扼守務  
令首尾相應合力堵截以固河防如續有警報  
臣當督帶馬步各隊出省擇要駐紮督飭各軍  
相機堵剿

同日喬松年奏言張得勝一軍由中心岡進逼賊壘立營該逆屢肆攻撲均經我軍擊退斃賊多名二月二十八日該提督密選精銳設伏誘敵賊衆果以大股來撲伏兵四面擊之賊陣大亂該逆遂棄壘狂奔立將中心岡一帶賊營平毀追殺三十餘里直至薛店其時英翰等所部各軍已由大橋集進兵正值牛逆圍攻民圩英

翰督軍直前攔擊史念祖方長華鼓勇先進我  
軍分路包抄攻圩之賊悉潰牛逆復率大隊悍  
賊蔽野而至程文炳以單騎衝入手刃執旗悍  
賊一名賊衆遂卻我軍乘勢追壓黃秉忠一軍  
復自後抄襲賊匪腹背受敵棄巢奔竄殺斃不  
計其數踏平賊館百餘沿路追殺至薛店一帶  
適與張得勝之軍相會劉銘傳一軍擊敗賴逆

亦由田市集一路剿殺而來斃賊甚多三路合  
兵一齊掩殺復陣斬悍賊二千餘名救出難民  
萬餘統領水師總兵黃鳴鐸復連日督帶副將  
李振荃等將窺伺渡河之賊悉行殲斃該逆向  
豫省之新蔡光州一帶奔竄臣仍飭張得勝程  
文炳等軍會合劉銘傳出境追擊惟賊情詭詐  
倏東倏西蒙毫一隅仍須嚴爲之備臣已飭英

翰帶領所部在太和縣之穗子鋪扼紮備勦回  
竄之賊並飭羅宏元一軍回駐三河尖其三河  
尖原駐三營調回雉河駐紮以期周密均奏入

上命軍機大臣傳諭曾國藩劉長佑閻敬銘喬松年  
李鶴年吳昌壽曰捻逆悉銳東趨勢將窺伺黃運  
兩河不思東竄卽圖北犯亟應嚴密堵禦著劉長  
佑嚴檄官軍扼要駐守節節設防遇賊卽擊以遏

逆氛毋令乘閒偷渡會國藩閩敬銘務當督飭各軍分路進攻將東省之匪就地殄除以免該逆北犯擾及畿疆直省南路如再有警報卽著劉長佑督率馬步各隊星速出省擇要駐紮相機布置賴牛等逆經皖軍擊退後向豫省之新蔡光州一帶奔竄喬松年現飭張得勝等軍出境追擊卽著催該員等會合劉銘傳所部協同勦洗兩面夾攻以

集之卷之三十三  
三十一

收聚殲之效李鶴年前已陞辭著卽趨程前進迅  
赴新任李鶴年未到任以前仍著吳昌壽督飭豫  
省防軍迎頭攔截杜賊紛竄爲次第廓清之計曾  
國藩節制各省責無旁貸所有皖豫軍情該大臣  
當全局統籌妥爲調遣以副委任

十五日甲戌吳棠奏言據探張總愚股匪竄至曹

縣旋竄定陶及鄆城鉅野交界地方該逆因賴



牛等股由臺北竄欲俟勾合由曲阜泰安折竄  
清江徐州又探賊至嘉祥金鄉逼近江境等情  
臣已飭總兵姚廣武督率所部並水師礮船六  
十號駐紮審灣以防北岸而以遊擊王得勝馬  
步四百名紮舊邳州爲之犄角並照會淮揚鎮  
總兵歐陽利見督率所部礮船爲後路策應其  
南面之成子河則派總兵張從龍率勇二千名

分段駐守現值洪湖水漲已至八尺有餘業經添撥礮船協同守禦至徐郡一帶據張樹聲稟報各處圩寨加修完整現有馬步兵勇足敷防守曾國藩李鴻章來咨又調學士劉秉璋督勇六營由蘇移紮宿遷已於三月初二日起程當該逆垂涎東竄之時亟須保護裏下河完善之地臣先就現有兵力督飭在防文武實力嚴防

俟劉秉璋到後再與熟商防勦奏入

上命軍機大臣傳諭吳棠曰捻逆行蹤飄忽難保不乘虛東犯清江及邳宿運河南北兩岸在在尋

該漕督已飭姚廣武等各率所部分布清江及邳宿等處布置尙屬周密卽著吳棠嚴飭在防員弁兵勇實力籌防毋稍疏懈至裏下河完善之區尤關緊要該漕督已就現有兵力嚴密防範並著俟

劉秉璋督勇移紮宿遷後與之熟商妥辦以固疆

圍

石印

欽定剿平捻匪方略卷二百五十三 丙寅年

三月十六日乙亥吳昌壽奏言賴牛各逆自皖境

阜陽全數折回於三月初一二等日紛竄沈邱

項城鹿邑淮甯太康等屬初四日直撲扶溝縣

城知縣鄒金生督勇開礮轟斃馬步賊匪數十

名該逆竄向西華通許陳留尉氏一帶攻撲城

關經各該地方官隨時開礮擊退殲斃逆黨多

名該逆勢趨省城 臣督同司道官調齊兵練嚴  
密設防一面飭善慶率領馬隊馬德昭率領步  
隊紮營省城大隄以外仍多張旗幟以爲疑兵  
初六日賊竄祥符朱仙鎮馬德昭善慶等派隊  
迎勦擊斃馬賊數十名餘黨折向南遁復由南  
而西直撲中牟縣城經馬德昭善慶所派各軍  
趕到會合進勦賊不能支登時潰散向中牟西

北逸去現踞鄭州白沙一帶查逆衆不下數萬人現既擾及中牟鄭州黃河工次及鞏洛情形同時喫緊臣先期檄令副將崔廷桂分撥兵勇扼防虎牢關杜其西竄飭將所帶礮船在河流上下梭巡又檄李世玉等四營步隊馳紮楊橋專防渡口仍將河內船隻一律提歸北岸惟逆勢狃猖省城現存隊伍不敷勦辦臣已飛調宋

慶蔣希夷等率領所部與安任保英各軍迅由東路折回以便認真勦擊殄此兇鋒

吳昌壽又奏冒又據探報賊股已自中牟一帶回駛馬賊繞至省城以南當經派隊截擊略有斬擒賊之大股向朱仙鎮一帶竄駛一面派隊緊追並確探賊蹤竄踞何方再令東路調回各隊繞前迎勦奏入



上命軍機大臣傳諭曾國藩閻敬銘李鶴年吳昌壽  
王榕吉曰賴牛股匪行蹤飄忽勢甚狡猾汴省現  
存隊伍不敷分勦甚屬可虞著吳昌壽將城守事  
宜嚴密布置飭馬德昭等軍相機追擊一面迅催  
宋慶蔣希夷安任保英等軍趕緊由東路折回探  
明賊蹤繞前迎勦賊竄朱仙鎮難保不東趨曹濟  
與張總愚合股曾國藩務當分撥各軍與豫軍截

擊勿令得遂其合併之計致成燎原直隸大名邊境與開封接壤尤須防其窺伺黃河希圖北渡著劉長佑添派兵勇與在防將士實力堵遏勿少疏懈閩敬銘會商曾國藩將黃運兩河要隘力籌防守毋得稍有疏虞山西澤潞等處本有防兵王榕吉仍當先事圖維豫爲戒備不得以賊蹤尙遠稍涉疏虞前據喬松年奏賊匪回竄豫境已飭張得

勝程文炳等軍會合劉銘傳追擊卽著曾國藩檄  
令劉銘傳等確探賊蹤迅速追剿盡殄賊氛李鴻  
年如已到豫卽著懷遵前旨妥籌防剿

十七日丙子劉長佑奏言據總兵陳濟清等稟報

張逆被剿由鄆城竄踞梁山營三月初八初九  
等日分股擾及宋家樓沈家口等處意在橫船  
搶渡屢經該總兵等督飭師船開砲擊退又據

臬司陳鳴志稟稱張逆疊被南路官兵兜剿悉  
竄范縣壽張一帶勢猶猖獗總兵余承恩咨請  
添隊協防陳鳴志現由開州帶隊馳赴東階會  
督堵剿旋據探報賴逆一股由皖省回竄河南  
已近汴省並據獲賊供稱該逆亦思竄往山東  
等語賴張二逆勢將合股直隸河路縣長東西  
兼顧防務尤爲喫重 臣現擬於十九日先將調

回省標馬步官兵酌撥數百名隨帶出省仍赴  
大名就近調度督率水陸各營嚴加堵扼相機  
截剿奏入

上諭曰著卽懷遵屢次諭旨督率在防文武員弁嚴  
加堵禦相機截剿毋稍疏懈

同日賈鐸奏言賴張兩逆往來奔突流毒無窮  
現雖大兵雲集而此勦彼竄幾無了期臣謹擬

四策爲我

皇上敬陳之一嚴守汴省東西要路以防北犯也查  
捻匪欲渡黃河竄擾彰衛懷三府必走鄭州滎  
澤一路欲竄山東曹濟必走蘭儀考城暨永城  
夏邑兩路刻下張逆大股雖到山東迨官兵調  
齊必又回竄河南請

旨飭下曾國藩俟該匪竄回豫省後卽督帶重兵移

紮汴省西南鄭州許州等處以便調度其汴省  
東北一面請

飭山東巡撫閻敬銘臬司潘鼎新帶兵分駐曹考等  
處認真防守儻恐兵力單薄不敷堵剿再

飭下河道總督張之萬直隸總督劉長佑各撥兵將  
分駐要隘以爲援應斯賊匪不能北犯而直東  
兩省均獲平安矣一扼守淮河以杜南竄也查

淮爲四瀆之一由南陽桐柏發源經汝光新息  
及安徽阜陽霍邱等處東西綿延數百里水勢  
浩大非船不能偷渡請

旨飭下李鶴年喬松年分駐淮河南岸親督馬德昭  
蔣希夷張得勝等各統大兵會同沿淮之道府  
州縣各帶團勇嚴密布置所有各處渡口斟酌  
歸併一聞警信卽將渡船調回南岸毋令賊匪



搶渡儻防淮兵力不足再請

飭令湖北巡撫遣將撥兵分紮南汝光一帶以爲後  
路聲援斯賊匪不能南竄而淮南各府以及楚  
皖邊境均保無虞矣一東西兩路夾擊以遏其  
鋒也南北兩面堵截旣嚴賊情狡譎必爲東西  
分竄之計須兩路夾擊方可盡殄醜類請

旨飭曾國藩督調劉銘傳周盛波李昭慶等各帶所

部由歸陳一路向西進剿並飛催鮑超速帶大  
兵從荆襄北上會合豫將宋慶一軍由南陽汝  
州一路向東進剿斯賊匪無路可逃不難一鼓  
蕩平矣一多張告示以散其黨也查賴逆張逆  
死黨均不過數千人其餘裹脅之徒多出於萬  
不得已並非甘心從賊若當被剿窮蹙之時多  
張告示詳爲開導令其自拔來歸概從寬免擒

渠獻功立予重賞如此勦撫兼施斯賊中黨與  
可散其餘爲數無多自不難悉數殲除矣可否  
密諭曾國藩斟酌商辦奏入

上命軍機六臣傳諭曾國藩曰據御史賈鐸奏稱嚴  
守汴省東西要路以防北犯扼守淮河以杜南竄  
東西兩路夾擊以遏其鋒多張告示以散其黨於  
現在辦理情形大致尙不相左揔蹤飄忽此勦彼

竄亦爲勢所必然會國藩現駐濟甯杜賊北趨淮  
軍緊躡其後賊勢紛擾豫境該大臣將來應否移  
紮鄭許之處著斟酌妥籌毋致顧此失彼其請令  
閻敬銘等分駐曹考等處李鶴年喬松年分駐淮  
河南岸劉銘傳等軍由歸陳向西進剿鮑超會軍  
由南汝向東進剿雖不爲無見惟軍情旦夕變遷  
逆蹤靡定著該大臣通盤籌畫如尙可行卽分咨

直東皖豫湖北各督撫妥籌辦理至解散脅從一節本屬行軍要著惟在該大臣督飭將弁於賊中自拔來歸者予以矜全毋妄殺戮以釋其疑畏自可迅圖戡事

二十日己卯劉長佑奏言據陳濟清等稟報張逆

一股屢次撲犯河干白壽張縣南岸下接沈家口占踞村團多處陳濟清督兵攻復二村三月

初十日復督礮船攻克艾家峒堆逆衆驚潰兵  
勇登岸追殺多名該逆始向西南逃竄又據余  
承恩等稟報賊騎屢在河沿窺探均經開礮擊  
退三月十一日夜間該逆乘雨竄撲河岸亦經  
該總兵等督率礮船連環轟擊賊不敢近仍退  
踞壽張之劉家隄等處十二日該總兵督隊進  
攻礮斃匪黨多名生擒十餘名賊始南遁現在

鄆城壽張等處已無賊蹤等情臣查張逆竄入東境後屢受懲創兼之南駐重兵東阻運河北有黃河之險西有追擊之師如僅盤踞於蒗定鉅鄆之處尙易制其竄突所慮賴牛等逆均欲東趨勢將滋蔓直隸河防自張秋至開長縣互六七百里處處喫重必須加意嚴防臣酌帶兵弁於十九日出省馳赴大名周歷詳查何路應

增兵勇何處應添礮船妥籌布置並飭帶兵各員聯絡應援不准稍形疏懈奏入

上命軍機大臣傳諭曾國藩劉長佑閻敬銘李鶴年吳昌壽曰張逆一股自入東境屢思竄渡黃河現經直隸防軍擊退鄆城壽張已無賊蹤該逆現在竄向何處曾國藩閻敬銘務當督飭各軍探賊所向實力迎剿總以繞出賊前偪令南趨俾李昭慶



等軍得以兩面兜剿庶不至著著落後任賊擾及  
完善劉長佑現已前赴大名卽著詳察各路情形  
何處應增礮船何處應添兵勇妥籌布置務臻周  
密其賴牛等逆旣欲東趨勢將滋蔓劉長佑仍當  
懷遵前旨督率在防將士嚴密籌防遇賊卽擊毋  
得稍涉疏懈擒匪竄朱仙鎮後現在情形若何並  
著吳昌壽隨時馳奏仍將防剿事宜及調兵回援

各節妥速籌辦毋失事機李鶴年已否抵任著恪  
遵屢次諭旨妥籌防勦以副委任

二十一日庚辰閻敬銘奏言張總愚股匪於三月

初二日奔竄鄆城一帶襲踞潘溪渡民圩初三  
日臬司潘鼎新追至鄆城力解城圍初四日攻  
破潘家渡賊巢該逆敗竄梁山一帶初五初六  
兩日李昭慶趕到會合潘鼎新出隊勦擊屢有

斬擒初七日該逆竄近河套擾及于家口溫家口地方距運河沈家口一帶二十餘里急圖竄運因沿河徧立營壘該逆不敢東趨初八日竄入沙河水套時以馬賊窺撲運河以步賊徧擾黃岸並欲紮筏偷渡衛榮光督飭兵團嚴防黃河北岸其運河東岸王心安等各營亦嚴密布守臣又飭調道員文彬親赴運岸往來督查總

兵趙三元將礮船礮划分布黃運兩河往來巡擊並令夜閒出隊登岸劫其寨壘其時潘鼎新李昭慶兩軍進至館里集扼其南面該逆竄至壽張黃河南岸宣家橋艾家堦堆殷家圩白家嶺等處肆擾經衛榮光等督團截剿與直隸防軍均各派隊過河疊有斬獲初十日總兵趙三元帶礮船礮划由運入黃在壽張南岸黨家莊

地方轟退聚匪挽船直入小河口逆衆屯聚殷  
家圩趙三元親帶小隊登圩施放火箭噴筒將  
賊中糧薪燒燬該逆悉遁出圩外又經水師兵  
勇追殺沿黃匪衆遂不敢近岸窺渡是日潘鼎  
新李昭慶兩軍均向黑虎廟進隊勢將布圍十  
一日該逆悉數潛逃均向西南狂奔十二日已  
至濮州之紅川口地方潘鼎新拔隊追躡乃張

逆股匪於十三日已至蒞澤之小留集復折回  
東竄經潘鼎新追軍敗之於紅川口該逆遂繞  
我軍之北狂奔東路十五日馬賊直撲沈口戴  
廟各運岸經東省防軍擊退賊遂竄踞壽張范  
縣河岸各處連日賊馬千百成羣晝夜圖竄黃  
運兩岸俱經各防營會合礮船槍礮轟擊與之  
相持又據探報賴牛股匪從蒞澤交界竄入東

境頃已竄至鄆城之北與張總愚合股各情臣  
查張逆股匪屢經各軍勦擊無所逞志乃僞退  
以弛我軍冀圖回竄撲渡復糾合賴牛大股併  
力突竄謀狡力悍非會合太軍難期勦洗且運  
河一帶水勢甚淺黃岸兵亦單薄在在可慮現  
經會國藩函商東省各軍仍併力扼守運岸潘  
鼎新一軍調令緊紮運岸之西與東省各軍聯

三十三  
一四  
絡李昭慶一軍合紮長溝及濟甯迤南一路運  
河防其從南路東竄並飛催劉銘傳周盛波各  
軍剋日來東各軍到齊四面會剿奏入

上諭曰張逆仍踞壽張范縣河岸而賴牛等股復竄  
至鄆城與該逆合股黃運兩河之防尤爲喫重該  
撫務當慎遵昨日諭旨嚴飭各軍併力扼守與會  
國藩妥籌會擊毋得藉口兵單稍涉疏虞致干咎



戾

二十五日甲申曾國藩奏言任賴等逆自湖北回

皖竄至江口集後二月二十六七八等日劉銘

傳英翰各軍分路進擊屢獲勝仗該逆盡棄輜

重竄過谷河狂奔而去我軍生擒百餘人中有

賊目金添祿馬汰山二名官軍卽駐楊家圩左

右劉銘傳以重兵在東料賊必由西竄二十九

日率軍前追行抵白菓園令各營停駐派幫帶  
官胡鳳喈率馬勇百名前探甫行二里許猝遇  
賊馬千餘來迎胡鳳喈且戰且退張景春率全  
部迎擊賊勢稍卻胡鳳喈勒馬回剿崔萬榮劉  
盛瑞亦從兩旁包擊賊卽回奔忽東忽西兩面  
出賊馬步二萬餘人分路來撲劉銘傳令黃桂  
蘭張士元兩營前往接應賊見步兵甚少拌死

圍撲而以另股直撲親兵洋礮等營劉銘傳令  
畢乃爾等連開炸礮張勝琦等衝入賊中生擒  
數人賊氣始沮是時劉盛藻率所部由西抄擊  
該逆乃棄黃桂蘭之寨并殺迎之唐殿魁率所  
部並保成等馬隊亦由東繞擊而出各軍奮力  
齊進賊乃大挫奪路狂奔皖軍張得勝程文炳  
適從南路追來兩面夾擊共追殺二十餘里途

中賊屍狼藉當查參將胡鳳喈於被圍時中槍  
殞命弁勇亦傷亡數十人該逆擊敗後一日夜  
疾馳至槐店張樹珊聞大股北趨之信三月初  
三日由周家口馳抵苑寨見賊馬渡過沙河遂  
令各營乘其不備一擁而進將賊隊截爲兩段  
其大股層疊踵至先以馬賊前來衝突我軍嚴  
陣以待用槍擊退隨派三營攻其左三營攻其

右張樹珊親率正副兩營擣其中堅令馬隊直前衝陣該逆步隊萬餘人分股抗拒馬賊數千左右包抄我軍槍礮齊施殺賊甚衆左路之賊於槍子如雨中冒煙死鬪總兵王得勝直前殪一賊會總兵董大義領隊衝鋒賊卻而復進者數次連用炸礮轟擊人馬紛紛倒斃賊衆散亂總兵宋立新馳入盪決各軍乘勢縱擊賊勢不

夏自辰至未殺傷千餘人該逆四散奔潰馬隊  
乘勢追逐維時賊之前股向周家口奔竄意欲  
攻撲老營守營副將張樹屏出隊迎擊張樹珊  
率師回顧首尾夾擊賊遂於周家口下流冒死  
擠渡窮力奔竄我軍追至日落始行收隊生擒  
僞天將徐滄先一名僞福裕等賊目五十七名  
餘賊百餘名我軍亦微有傷亡是夕張樹珊挑

選小隊至大朱樓地方乘夜襲擊該逆驚逃頗  
有俘斬初四日大隊繼出追至淮甯北鄉不及  
而還臣查任賴等逆兇悍異常一月之間馳突  
三省經該兩軍節次邀擊足以稍折兇鋒張樹  
珊一軍臣仍檄飭駐紮周家口以顧四鎮根本  
之地劉銘傳一軍則令尾追緊躡迅赴山東據  
報該軍已於十二日起行十八日可抵定陶矣

陣亡之副將銜儘先參將胡鳳喈千總劉得發  
均堪憫惜相應請

旨飭部從優議卹以慰忠魂

曾國藩又奏言三月初三日臬司潘鼎新率師  
至鄆城聞捻逆在潘溪渡屯踞該處跨河南北  
兩寨被賊攻破其附近之孟家莊樊家樓等處  
一片逆氛初四日潘鼎新督軍分路進攻該逆



分股來犯官軍槍礮齊施賊勢稍卻孟家莊等處援賊突至我軍三路奮進礮無虛發該逆紛紛敗潰官軍奮勇追殺將潘溪渡南北兩寨立時攻克附近各莊之賊同時竄逸是日共計斃賊千餘名生擒二百餘人奪獲牲口數百救出難民三千餘人是夜該逆復陷踞蕭廳寨初六日潘鼎新率隊往攻至離寨八里之柳條圈賊

以馬賊徑前衝突我軍列陣以待槍礮連發馬賊敗竄步賊因之而靡萬國順等馬隊三營分路猛追賊馬忽從樹林後回撲如潮而來該三營猝然被挫直退至步隊紮處始行收隊李昭慶一軍自河南追賊而來行逾千里三月初五日馳抵嘉祥接潘鼎新函牘知大股逆匪去梁山不遠有急欲渡運之勢李昭慶酌留數營扼

紮長溝而自帶八成隊進剿初七日未至蕭廳  
寨三里許賊卽出隊來迎李昭慶令隊伍分爲  
兩路排進相持兩時之久賊勢不支我軍乘勝  
擁入寨中之賊奪門而走立將蕭廳寨奪回李  
昭慶令各隊排列寨前不許入寨移時賊果整  
隊回撲我軍向前迎敵賊勢佯敗我軍馬隊進  
逼過猛陷入賊中營官陳玉章中槍落馬親兵

中營隨後接應被賊圍裏哨官裴兆宏吳坤田  
登時陣亡營勇傷亡過半李昭慶加派各營救  
應又派溫德勒克西等馬隊遊擊包抄步賊漸  
退馬隊槍斃紅衣賊目一名營官王芝生砍斃  
黃衣賊目一名該逆始全行敗走遂解重圍我  
軍追至趙王河而返自是之後賊踞黑虎廟相  
持數日十二三日該逆逐漸西走已去百餘里

銘傳一軍由湖北躡追任賴等逆二千餘里十八日可抵定陶周盛波一軍由歸德帶隊追賊十七日已至曹縣劉松山一軍臣飭先其所急十八日由湖團起行不日可來濟甯應俟各軍先後調齊再行會商進擊楊鼎勳一軍行抵鄒縣臣以曲阜無警與閻敬銘往復函商檄令改赴韓莊八牖一帶以防運河下游所有陣亡之

皇朝通志卷之三十三  
三十三  
花翎遊擊劉洪盛等謹開列清單請

旨飭部查明各該員所保原銜從優議卹奏入

上命軍機大臣傳諭官文曾國藩曾國荃喬松年閻  
敬銘李鶴年吳昌壽曰劉銘傳一軍躡賊於淮潁  
之間連獲勝仗該逆一日夜疾馳至槐店張樹珊  
在周家口迎勦獲勝復於大朱樓地方乘夜截擊  
頗有俘斬陣亡之副將銜儘先參將胡鳳喈千總

似有回豫之勢臣以沿河水套一帶地勢沮洳  
囑各軍穩慎前進潘鼎新率隊跟追十四日行  
至鄆濮交界之紅川口適遇大股折回北竄潘  
鼎新率五成隊伍爲方陣以禦之該逆以馬隊  
三起猛撲步隊繼進我軍奮勇偪壓截其尾隊  
擒斬三十餘人十五日張逆回至黑虎廟一帶  
邊馬及於運河西岸擾犯沈家口安山等處亟

圖搶渡閻敬銘督率東軍認真堵禦其任賴等  
逆亦卽於十五日竄入曹州圖與張逆合併數  
日以來張逆萃於濮范境內任賴萃於鄆鉅境  
內臣慮潘鼎新孤軍深入前後受敵已將該軍  
調回靳口兼顧運河北路令李昭慶各營分屯  
長溝趙村兼顧運河南路目下但爲堅守之局  
與該逆力爭運河使不得東以待援軍之至劉



劉得發均著交部從優議卹潘鼎新一軍於初四日攻克潘溪渡南北寨大獲全勝初六日馬隊小挫步隊小勝十四日又獲勝仗李昭慶一軍由河南追賊行抵東境初七日攻奪蕭廳寨與賊力戰互有損傷現在張逆萃於濮范境內任賴等逆萃於鄆鉅境內該大臣現將潘鼎新軍調回靳口兼顧運河北路令李昭慶各營分屯長溝趙村兼顧

運河南路堅守運河使該逆不得東渡以待援軍  
之至劉銘傳等軍業已陸續到東著俟各軍到齊  
四面分布務須謀定後動計出萬全方爲至善陣  
亡之花翎遊擊劉洪盛藍翎千總俞大錫李德明  
張希堯儘先千總劉成浩儘先把總擬保藍翎千  
總金起元藍翎把總王國賓楊連富把總吳正陞  
李福林外委孫幹清陳榮華都司裴兆宏都司銜

守備段道益千總吳坤田蕭永祥朱占鼈把總史  
兆龍江宏發方恆發汪保朝丁雙隆楊志淮于得  
寬余德春李長勝外委張懷信奮勇捐軀均堪憫  
惻著交部查照各該員所保原銜從優議卹以慰  
忠魂此股逆衆合併一處兇狡異常曾國藩闔敬  
銘務當嚴飭各軍固守運河勿任一賊偷渡各軍  
到齊自可一戰而勝惟賊數尙多必圖分竄皖豫

各境著喬松年李鶴年吳昌壽各飭防軍認真截擊節節殲除勿稍疏懈近來各省積習近賊地方不爲備禦賊至則張皇請救及援軍獲勝或反據爲已功賊退出境旋報肅清累疏請保冒濫實多如湖北河南今春屢報勝仗風聞實無戰事黃陂之役非劉銘傳速到何能攻拔城池而官文等奏報鋪敘本省戰功殊多失實前據官文等奏請擇

尤保獎已降旨允准著暫行存記俟此股賊衆剿除淨盡再將防軍酌保仍不准稍涉冒濫嗣後各該省督撫務當據實奏報不准有一字欺飾於地方軍務隨時覈實信賞必罰庶足以挽積習而勵戎行鮑超一軍已抵何處著官文曾國藩檄催前進

同日王榕吉奏言據探陳大濤股匪復由新鄭

鄭州竄至鞏汜及偃師一帶距洛陽僅七十里  
河陝並無重兵迎頭截擊難保不直撲潼關或  
圖犯晉境查晉豫連界之區東而澤潞各郡西  
而封門口東灘渡又西而平陸芮城所屬之三  
門茅津等處大小渡口均關緊要連接臬司陳  
湜來函業經統帶勇隊由運城移紮河干相機  
調度兼有河東道楊寶臣與副將和昌蒲州府

知府李慶勅分任其事足資防守太原鎮總兵  
蔣臨照自不必再赴茅津臣已飛咨該鎮馳赴  
垣曲籌防東灘渡封門口各要隘免至顧此失  
彼惟澤潞兩府邊境地據太行要口林立候補  
道鄧裕生一人恐有兼顧難周之處署藩司鍾  
秀因東南情形較熟呼應尙靈屢言情願親赴  
潞澤身任其役第司庫正費籌畫所關甚鉅難

以邊令出省查冀甯道鈴祥曾任潞安多年地  
理熟悉擬令該道前往潞安與鄧裕生分任防  
守一駐澤州一駐潞安庶臻周密現又將省城  
精兵練勇挑選七百名聽候調遣視何路緊急  
卽向何路策應臣惟有與臬司陳湜察看賊情  
隨時妥商辦理斷不敢稍有張皇亦不敢稍涉  
大意



王榕吉又奏言甘肅花馬池曾調山西官兵一千名在彼駐防其糧餉軍火按月由晉省轉運供給嗣因日久疲乏遣回二百名尙留八百名三年冬閒都興阿又調晉省防河楚勇一千名赴甘助剿原議楚勇一到卽將晉兵換回乃迄今年餘此起官兵仍留花馬池楚勇仍無遣回信息今甯夏業經收復軍務已鬆而晉省邊防

正在喫緊前項楚勇業已飭赴前敵勢難遽撤  
自應先將原調晉兵八百名迅遣回晉以備籌  
防而符原議仰懇

天恩飭下穆圖善顧念大局查照飭撥奏入

上命軍機大臣傳諭穆圖善王榕吉曰據王榕吉奏  
陳大禧股匪由新鄭鄭州竄至鞏汜及偃師之間  
距洛陽僅七十里河陝一帶並無重兵陳湜現帶

勇隊由運城移紮河干蔣臨照馳防東灘渡封門  
口各要隘冀甯道鈴祥與鄧裕生分防潞澤一帶  
布置尙屬周密此股賊匪屢據曾國藩閩敬銘先  
後奏到已竄至鄆城以北與張總愚合股賊蹤麕  
集東境惟逆氛飄忽靡常晉防不可稍懈著王榕  
吉豫飭在防各軍多設偵探嚴密布置務臻穩固  
毋少疏虞又據王榕吉奏稱晉防喫緊前調赴甘

之楚勇如已飭赴前敵卽將原調晉兵遣回著穆  
圖善酌量情形如兵力已敷卽將此項晉兵八百  
名遣回本省以資防勦

二十六日乙酉劉長佑奏言三月十五十六等日

張逆分股竄擾開州壽張河岸意圖搶渡經在  
防水陸各軍奮力擊卻賊向沈家口以西遁去  
十七十八十九等日賊分數千人在范縣東岸

之孫家窪徐家范家各渡口肆行焚掠放筏中溜志在北渡余承恩等各率所部迎頭堵截水陸槍礮齊發先後擊賊數十名其駕筏中溜之賊紛紛梟水上岸又經礮勇繞出截擊生擒長髮賊數名落河死者數十名並探悉賴汶洸牛洛紅各逆竄入鄆境與張逆勾合由濮州一帶竄踞范縣舊城董家樓等處共圖搶渡等情臣

卽飭該員等無分晝夜水陸嚴防見有南岸賊蹤務當協力堵擊一面添調大名正定兩鎮練兵一千名馳赴濮范河口協同守禦臣趨程前進二十五日可抵大名擬卽親歷稽查就近調度現在東南兩面兵力厚集可制衝突惟該匪進無所逞退無所歸逼近河干日久必思詭脫况又勾結賴牛各逆難保無併力搶渡之舉臣

擬將直字中軍兩營練勇調撤南來以資防剿  
奏入

上命軍機大臣傳諭劉長佑曰賴汶洸牛洛紅各逆  
竄入鄆境與張逆勾合難保不逞其狡謀爲併力  
渡河之舉劉長佑現赴大名著卽嚴飭在防將士  
勤加偵探晝夜梭巡遇賊卽擊以固河防其南岸  
船隻盡行提歸北岸毋令該逆乘機搶船以遂其

北渡詭計沿河防兵單薄應如何添調勁旅相機  
布置之處著酌度情形妥爲辦理

二十七日 丙戌 湖廣道監察御史朱學篤奏言逆

捻此次竄擾山東曹郡各屬蹂躪幾徧潘鼎新  
各軍節次獲勝而賊仍狡獪現在曾國藩統師  
濟甯總持全局閻敬銘劉長佑分駐東平大名  
籌辦防剿布置自己周妥惟聞賊蹤屢聚張秋



鎮一帶窺伺黃運兩河時思偷渡東昌冠莘等  
縣時有土匪蠢動並聞有假冒官勇詐稱自山  
西來爲援應情事設相勾結蔓延北路又無防  
兵極爲可慮亟宜迅籌防禦以免疏虞相應請  
旨飭下崇厚統帶馬步勁旅進駐景州旣可爲劉長  
佑應援並可顧東省後路畿輔屏藩益昭鞏固  
矣奏入

上命軍機大臣傳諭劉長佑崇厚曰御史朱學篤奏  
捻逆竄擾山東麇聚張秋鎮一帶窺伺黃運兩河  
時思偷渡東昌冠莘等縣時有土匪蠢動並聞有  
假冒官勇詐稱自山西來爲援應情事設相勾結  
蔓延極爲可慮請飭崇厚統帶勁旅進駐景州以  
固北路藩籬等語所奏不爲無見惟天津洋槍隊  
半已調往奉天防剿存兵已屬無多崇厚如須移

銘傳一軍由湖北躡追任賴等逆二千餘里十八日可抵定陶周盛波一軍由歸德帶隊追賊十七日已至曹縣劉松山一軍臣飭先其所急十八日由湖團起行不日可來濟甯應俟各軍先後調齊再行會商進擊楊鼎勳一軍行抵鄒縣臣以曲阜無警與閻敬銘往復函商檄令改赴韓莊八牖一帶以防運河下游所有陣亡之

於是不敢西向仍由朱仙鎮通許一帶折轉東趨被駐省官兵出隊雕勦殺傷甚多晝夜狂奔三月十二日擾及陳留之韓岡附近村莊皆爲賊踞是日副將蔣希夷率領所部行至陳留親督全隊進勦逼近賊巢十三日蔣希夷派營官胡詩等分路進攻韓大武等伏於東南以備截擊蔣希夷自率親軍勇隊從中接應鏖戰兩時

之久賊向東南敗退適韓大武等從旁抄出蔣  
希夷督兵合力兜擊殺斃悍賊多名賊乃大潰  
追奔十餘里賊屍枕藉十四日賊之後股復到  
馬步彘擁勢極狃猖蔣希夷指揮隊伍開放槍  
礮自卯至巳士卒奮勇無不以一當十把總蔣  
芳周等首先衝入賊陣登時陣亡官軍愈憤接  
戰愈厲賊不能支紛紛潰逃窮追二十餘里殺

斃悍黨無數生擒長髮老賊四十名該匪遂由  
杞縣睢州蘭儀考城一帶竄入山東曹境臣查  
賴牛各逆本圖竄往西北旋因守禦嚴密折回  
東南又經韓岡一戰傷亡甚衆餘黨遁入東境  
現在提督劉銘傳等諸軍均在曹鄆一帶追剿  
該逆被創後恐又西來亟宜扼要嚴防杜其回  
竄使賊進退失據易於聚殲臣已飛檄總兵宋

慶保英兩軍暫紮考城副都統安任副將蔣希  
夷兩軍暫紮蘭儀聯絡成營嚴絕窺伺儻賊由  
東省竄擾豐沛則宋慶等軍卽令移紮商虞其  
黃河上下游防務仍責成崔廷桂水師礮船及  
河北鎮道督飭地方文武聯絡民團扼守要隘  
臣仍認真督飭斷不敢以交卸在邇稍形鬆懈  
陣亡把總蔣芳周藍翎外委李慶劉長春應請

集賢堂 卷之三十三  
三十一  
旨飭部從優議卹奏入

上諭曰仍著督飭在事文武嚴密防剿毋稍鬆懈陣  
亡把總蔣芳周外委李慶劉長春均著交部從優

議卹



欽定勦平捻匪方略卷二百五十四 丙寅年

四月初二日

庚寅

劉長佑奏言 臣於三月二十五

日馳抵大名府城接據總兵陳濟清等稟稱二十日逆衆數千人併力來撲計思搶渡該鎮督副將劉祺等帶領舟師分布河西至劉隄一帶開礮環擊匪衆散匿村圍負固不出我軍靠近南岸下碇向各村圍盡力攻打自辰至酉轟破

多處匪衆乘夜向西南竄去又據總兵余承恩稟稱二十日見有馬步賊衆在河東村寨踞擾該鎮密派勇隊暗伏一面渡河奮擊殺賊多名該逆向東北狂竄又據開州南樂各屬稟稱賴牛兩逆現已分股一竄東南一竄東北張賴各逆於二十一二等日先後竄往鄆城曹縣一帶濮范壽張境內已無賊蹤各等情臣查該逆等

突往突來行尤剽疾惟有嚴飭水陸各軍協力  
同心仍前防守臣日內卽赴開濮等處親歷河  
防並將續調兵勇酌度分布至調防將吏兵勇  
暨各屬紳團在事年餘均能奮勉未便沒其微  
勞可否仰懇

天恩准臣會同李鶴年擇其尤爲出力者先行保奏  
以昭激勸奏入

上命軍機大臣傳諭劉長佑曰搶渡各匪屢經官軍  
擊敗濮范壽張已無匪蹤堵禦尙屬認真卽著劉  
長佑督飭水陸各軍實力嚴防不得以賊氛稍遠  
致形疏懈該督已抵大名卽親赴開濮等處將河  
防各軍分別布置務臻周密在防員弁兵勇紳團  
在事年餘均能奮力堵賊著劉長佑會同李鶴年  
擇尤保奏毋許冒濫

同日闔敬銘奏言張總愚股匪勾合賴牛各逆  
入境復踞水套三月十六日擾運黃各岸窺渡  
經防黃各軍轟擊直隸防軍亦過河力勦該逆  
知艱於渡黃遂專撲運河十八至二十等日該  
逆在沈口戴廟二十餘里濱河猛撲我軍極力  
堵擊未容一賊近岸二十一日潘鼎新一軍從  
開河直達斬口之北劉銘傳周盛波兩軍亦先

後均抵鉅野賊因屢阻運防又慮大軍畢合遂  
漸向南奔據探任柱一股先竄城武單縣一帶  
張牛合股於二十一日亦由梁山黑虎廟南竄  
鉅野適劉銘傳軍於鉅西周盛波軍於鉅北該  
逆復稍北竄我軍追勦又折而南二十三日劉  
銘傳追及於鉅野之龍堦集大破賊衆二十四  
五等日該逆馬步大股均向單縣東南西南一

帶奔竄臣查該逆合股入東撲黃撲運時分時  
合狡譎異常經防軍守扼於前援軍剿擊於後  
遂復分股南竄聚散奔突莫知定向亦不能指  
實逆會孰爲分合現計運南一帶曾國藩派李  
昭慶楊鼎勳各軍扼守運北之防自沈口以至  
開河東軍駐守各地仍宜暫紮以防其後臣擬  
日內卽赴濟甯與曾國藩面商防剿

同日河南巡撫李鶴年奏言 臣於三月二十五日馳抵河南省城查豫省捻逆先後被擊全竄山東曹境後現張總愚一股在范鄆交界羅家樓水套盤踞經潘鼎新李昭慶等合兵兜圍張逆遂向梁山一帶遁去其賴牛股匪於三月十八九等日分爲兩股一由定陶鉅野一由菏澤沿河均向東北竄逸因運河防範嚴密又有回



竄安徽之謠該逆本無定蹤如其窮蹙南奔則  
豫省歸虞闌入可虞臣已飛札宋慶安住馬步  
各軍視賊所向相機防勦務與劉銘傳李昭慶  
諸軍前後夾擊以期肅清疆圉上慰

宸廑均奏入

上命軍機大臣傳諭曾國藩吳棠喬松年閻敬銘李  
鶴年曰張賴各逆經官軍痛擊悉向南趨運防自

已稍鬆然賊騎飄忽難保不復思回竄所有運南  
運北一帶防軍仍著會國藩閻敬銘飭令認真防  
守勿稍疏懈劉銘傳一軍現已向南跟剿賊匪迫  
於追師勢必分股狂奔單縣東南一帶可達豐沛  
西南一帶卽係豫境均須有攔頭截擊之師方可  
合力兜剿會國藩吳棠務當督飭徐州等處防軍  
遇有賊蹤奮力堵剿李鶴年現已抵任著卽嚴飭

蔣希夷馬德昭等軍確探賊由何路回竄迎頭截  
勦毋令闖入腹地復致蔓延該逆趨向未定宿亳  
一帶亦應先籌布置著喬松年派撥勁軍嚴密防  
勦李鶴年奏賴牛等匪有回竄安徽之謠等語自  
尙未知該逆已於二十四五等日向單縣南竄賊  
蹤奔突靡常豫省歸虞一帶闖入堪虞著李鶴年  
卽飭宋慶安住馬步各軍視賊所向相機防勦不

得株守一隅致誤事機

初三日辛卯湖北巡撫曾國荃奏言臣前在長沙

揀派總兵熊登武等往湘寶一帶募勇六千人

四月悉可抵鄂臣先行赴任三月十七日接印

督臣官文與臣會商謂宜以鄂省之兵力餉源

通盤計畫乃可贍給新軍次日督臣卽飭司道

等籌定裁撤零雜之勇十餘營騰出餉源支放

新添之營以期得力臣查湖北近年軍事各將  
領有守禦之名無整軍之實安靜之日多費餉  
需寇至之時每難抵禦以故兗兵日增而月餉  
日繼懸欠益鉅而捻防未息湖北與豫皖毗連  
豫東之捻匪一日不平鄂北之防範一日難弛  
大凡得力之軍其要在擇良將彼此均經戰陣  
曾共腹心有不待大帥之符檄卽能自固營壘

且可分兵遠爲鄰軍救援刻下督臣部署鄂軍  
正在講求斯義臣舊部得力之將有候補布政  
使劉連捷前福建汀漳龍道彭毓橘補用提督  
朱南桂皆係撤勇回籍養病之員將次就痊又  
福建提督郭松林撤勇之後乞假回籍養病亦  
尙在湘該四員者屢立戰功聲威素著昔年同  
在臣軍曾共苦戰謀勇兼長性情相洽合無仰

懇

天恩飭下湖南撫臣李瀚章檄飭劉連捷彭毓橘朱  
南桂郭松林四員卽日赴鄂聽候督臣與臣調  
遣整飭鄂省營務不特可以保固鄂圍卽或豫  
捻未滅俟鄂餉稍充尙可率軍出境歸兩江督  
臣曾國藩調遣勦辦豫省捻匪以期漸有成效

奏八

上命軍機大臣傳諭官文曾國荃李瀚章曰鄂省與  
豫皖毗連捻匪一日不平鄂防一日難弛自應裁  
兵併餉選擇良將分營統領以期壁壘一新同心  
禦侮曾國荃請調之劉連捷彭毓橘朱南桂郭松  
林現在湖南原籍著李瀚章飭該四員卽日前赴  
湖北聽候官文曾國荃調遣鄂省節餉練兵各事  
不外嚴覈勇數申明紀律官文曾國荃務當振刷



精神認真經理新裁十三營尤當善爲遣散勿令  
藉端滋事

初四日壬辰喬松年奏言任牛等逆經各軍擊敗

後竄至豫境扶溝一帶經張樹珊一軍奮擊獲  
勝該逆先向汴省西北奔竄旋復折而東趨已  
至東省曹縣境內張總愚一股竄鉅野一路與  
曹縣相距甚近勢將合股查該逆旣屬聚東境

曾國藩調派各軍合剿該逆一經敗衄必將先  
犯徐州後窺蒙亳臣前次派令入豫之張得勝  
程文炳兩軍本因賊匪西趨故令赴豫追剿此  
時賊旣全往山東應卽回顧皖防臣已飭程文  
炳一軍移紮亳州張得勝一軍扼駐太和又飭  
水師礮船嚴防沙河渦河各要口並飭英翰各  
軍力扼北路要隘期與各軍前後夾擊以固邊

防奏八

上諭曰該逆現已竄擾單縣地方勢漸南趨皖防不可稍鬆喬松年當嚴飭各軍奮力迎剿毋令闖入皖境

初八日 丙申 吳棠奏言張逆一股疊被官軍擊敗

尙踞曹鉅地方而賴汝洸任柱牛洛紅等逆由豫竄東復與張逆合併駸駸東犯並准曾國藩

來函深以臺莊八牖等處爲慮查現在運河一帶東境臺莊以上有楊鼎勳等軍江境黃林莊以下有姚廣武等軍聲勢尙屬聯絡劉秉璋一軍已於三月下旬馳抵宿遷駐紮一切堵守事宜臣當隨時就近函商連日接據徐州鎮道馳稟東省各逆併力南竄豐蕭碭山三縣均有賊蹤碭山並已被困賊氛充斥游騎至郝家集距

郡城止五十里等語並探悉張逆等渡河未遂  
亟謀竄皖有取道豐縣窺伺蒙亳之說伏思逆  
情詭譎動輒避兵而行旣經內犯不獨徐州各  
屬竄擾可虞卽清淮邳宿水路各防亦屬同時  
喫重仍飭徐海道李鴻裔等會督兵民妥籌守  
禦一俟湘淮各軍合力跟追相機夾擊一面飛  
飭姚廣武等多設偵探晝夜戒嚴以防逆氛偷

越

吳棠又奏言正繕摺間諜報逆首任柱分股於  
三月二十七八等日由蕭縣碭山一帶南竄其  
行甚速四月初一日逆騎已至舊邳州黃河底  
離圩止十餘里其後股均在邳睢所轄之姚家  
集大王集等處查該逆繞越徐郡以趨東南似  
有竄赴蒙亳之勢近忽闌入邳睢境內則清淮

桃宿處處可通慮其聲東擊西垂涎完善當於  
無可抽調中派遊擊滕國棟管帶鎮標兵四百  
名馳赴桃源成子河交張從龍調遣並調漕標  
兵八百名防守清江一面飛飭歐陽利見姚廣  
武等嚴扼運河上下無使一騎偷渡仍咨劉秉  
璋察看賊蹤所向就近派隊援剿奏入

上命軍機大臣傳諭曾國藩吳棠喬松年曰張賴等

逆南趨豐蕭碭山任柱復分股竄至舊邳州黃河  
底其後隊均在邳睢等處清淮邳宿各防俱形緊  
急著吳棠嚴飭駐紮成子河等處官軍聯絡聲勢  
認真防勦力固清江門戶並飭姚廣武等嚴扼運  
河上下毋令一騎偷渡仍隨時咨商劉秉璋將宿  
遷一帶妥籌兼顧碭山現已被困賊氛充斥張逆  
等並有取道豐縣窺伺蒙亳之說喬松年務須添



撥勁旅迎頭截擊勿稍疏虞並著曾國藩督飭劉  
銘傳周盛波等跟蹤追剿會合江北防軍兩路夾  
擊先將任逆一股殄除保全完善然後視賊所向  
相機調遣以期次第廓清

初九日 丁酉 官文奏言張總愚股匪已由豫竄入

山東之定陶鉅野等處欲渡運河經曾國藩調  
臬司潘鼎新等軍分投堵剿其賴牛等逆由光

息正陽竄往沈邱太康一帶偪近山東提督劉  
銘傳等軍追勦亦頗得手現在逆氛遠颺齊皖  
等省皆有重兵堵禦匪蹤飄忽難保不回竄楚  
疆撫臣曾國荃前在金陵遣撤舊部其中不少  
可用之材已由湖南招集六千人不日可以抵  
鄂臣與曾國荃籌商擬將總兵楊朝林所部之  
軍裁撤五營總兵梁美材所部之安民八營暨

副將韋志俊所部之義勝五營概行遣撤騰出  
餉源卽由撫臣遴選舊日得力之將另行如數  
招募認真訓練奏入

上命軍機大臣傳諭官文曾國荃曰張賴等逆現竄  
曹單豐沛一帶距鄂境雖遠而賊蹤剽疾總須先  
事籌畫以備不虞官文曾國荃現擬整頓各營將  
楊朝林等軍分別遣留騰出餉源由該撫另選良

將添募精壯俾成勁旅所籌尙是著該督撫和衷  
商辦將新募各營認真訓練務使戰守有資毋得  
空言了事鮑超一軍急盼北來何以尙在江西著  
該督撫趕緊咨催赴豫不准任意逗留並將該軍  
餉需妥爲解濟以利軍行

十一日己亥曾國藩奏言臬司潘鼎新由梁山拔

赴靳口駐紮三月二十日行抵安山見賊騎充

斥該軍整隊而進北至戴廟賊於二十一日向西南回竄屯聚鄆鉅之交劉銘傳周盛波兩軍已於二十一日同抵鉅野二十二日劉銘傳由鉅城西北出隊行十餘里遇牛洛紅前股經黑龍江馬隊猛進擊之生擒三十餘人賊遂奔潰周盛波由鉅之正北出隊亦行十餘里與逆黨相遇斬獲數十人該逆不敢戀戰遽向西南狂

卷之三十四 三十四  
三十四  
奔二十三日劉銘傳率衆跟追行過韓氏橋十  
餘里該逆將步賊藏於村樹林中以馬賊徑撲  
張景春之師尙未交鋒遽行返奔劉銘傳知其  
詐敗不令追逐該逆仍結隊南行劉銘傳亦率  
衆南趨與賊並驅行抵烏官屯張總愚自率悍  
黨排紮不行見黑龍江馬隊卽蠶擁來抄保成  
等施放洋槍斃賊數名賊勢稍卻畢乃爾連開

炸礮轟擊黃桂蘭劉明幹率隊殺入張春景吉  
爾洪額六十七等乘勢抄追擒斬悍賊十餘名  
馬賊大潰步賊亦退退四五里仍抱隊南行其  
時銘軍已行五十餘里各營兵將仍願奮力一  
戰不肯休息遂率黃桂蘭畢乃爾等分三路抄  
襲張逆亦分股迎撲左右兩軍牛逆迎撲中軍  
進抵龍垵集西畢乃爾李錫增各放炸礮牛逆

不敢前進張逆馬賊先與我交鋒未分勝負步  
賊從後擁進丁汝昌滕學義等各放排槍斃賊  
滿地賊猶持矛猛進唐殿魁督軍一呼如牆而  
進殺賊五六百人餘皆奔逃馬賊見步賊潰敗  
齊來救應復經劉盛藻等擊敗劉銘傳見張逆  
馬步俱敗令黃桂蘭等率勇衝擊殲殺百餘人  
餘賊向西潰去我軍追奔十餘里天晚收隊當



查營官馮汝霖頭受矛傷弁勇傷亡數十名周  
盛波一軍自鉅野接仗後訊據生擒賊供張牛  
等逆欲由歸德回竄蒙亳該軍老營留於歸德  
僅帶八成行隊來東正在趕回防所二十五日  
探知逆股竄向城武拔隊疾馳至城西二三里  
許該逆大股蠡擁而至我軍屹立不動槍礮環  
擊鏖戰逾時馬隊衝截而出營官周行發手刃

逆首張大發一名賊衆立潰提督周盛傳各營亦至從後掩殺共斃賊匪二百餘名我軍亦微有傷亡二十六日周盛傳至蒞澤之侯家集該逆正在分攻各寨其新破之游莊毫無準備周盛傳揮兵直進一擁而入殺賊百餘名就地紮營該逆糾黨回撲力戰卻之周盛波於二十七日黎明趕到會合一處該逆見我軍分布營壘

乃捕賊前後大莊三處摔死來戰我軍施放洋  
槍炸礮一面趕築營牆頃刻而就該逆分股來  
撲騎賊前後包衝我軍往返回合鏖戰極苦經  
周盛傳指揮連斃賊目十餘名賊隊始亂各營  
乘勢掩殺賊乃奔潰追逐五六里是役我軍僅  
二千餘人賊過十倍自辰至酉終能冒險制勝  
營官多受矛傷弁勇傷亡百餘人是夜二更後

周盛波派隊於方埠賊巢外偪紮兩營二十八日大隊繼進張逆正出賊抗拒我軍用炸礮轟塌土牆攻克該圩捻衆向東南逃竄圩內搜殺又數百名劉銘傳一軍於二十七日向晚至曹縣探知近城有賊不辨何股卽選小隊於三更後潛至賊館分路掩襲殲殺數十名臣查此次捻黨全數東竄銳意搶渡運河經潘鼎新首挫

兇鋒使不得壹意東渡該軍於上年六月由蘇州進衛畿輔盛暑航海物故者多自駐防濟甯壘以力戰保全東境應懇

天恩准 臣將潘鼎新一軍開單保獎以示鼓勵山東諸軍扼守運河屢次撲犯均經擊退併懇

天恩准闔敬銘擇尤保獎 臣調齊各軍進逼本可合圍痛勦乃該逆遽折而南趨未加懲創正深焦

灼幸劉銘傳龍壩集之捷殺賊精銳頗多周盛  
波游莊寨之捷以少勝衆冒險立功所有銘軍  
出力之營總恩騎尉保成應請以防禦儘先補  
用並

賞換花翎佐領吉爾洪額六十七均請以參領補用  
吉爾洪額並請

賞換花翎其餘出力員弁仍歸黃陂案內彙獎涼州

鎮總兵周盛波兄弟竭力苦戰膽智俱優應如  
何獎勵之處出自

鴻施其所部盛軍出力員弁暫行存記俟續有戰功  
再爲請獎

曾國藩又奏言接據各路稟報知捻股自三月  
二十三日與銘軍接仗後卽分股南趨張牛等  
逆被周盛波二十七日擊敗連日竄往歸德虞

城旋又由豐縣折回單縣徘徊不去似有回竄  
曹濮之意劉銘傳一軍四月初三日由虞城馳  
抵單縣之黃岡集緊躡其後臣飭李昭慶一軍  
由金鄉馳抵單縣與銘軍會同勦辦而仍以潘  
鼎新之軍留防濟甯長溝一帶備賊回竄劉松  
山一軍前已調至濟甯因賊衆回竄又令趕回  
湖團周盛波一軍於上月二十九日趕回歸德



因賊分竄雒河又於初四日拔赴亳州至任柱  
等一股先由永城礪蕭竄至睢甯境內之雙溝  
初二日馬賊已撲近阜河洋河等處距宿遷不  
遠該縣現有劉秉璋一軍駐防與上游窩灣等  
處吳棠派出之軍韓莊八廂楊鼎勳之軍聲勢  
尙爲聯絡該學士將來卽移所部駐紮徐州居  
四鎮適中之地仍作一路遊擊之師臣本早擬

查看黃運兩河因賊蹤去而復返盤旋不定遲  
遲未行臣以東北則畿輔爲天下之根本東南  
則江蘇爲臣軍之根本屢經奏明注重東路旣  
以東路爲重不得不藉運河衣帶之水阻截流  
寇惟河淺且窄汎長千有餘里防不勝防臣擬  
會同閩敬銘等大加修浚增隄置珊能否確有  
把握俟查勘後續行具奏奏入

上命軍機大臣傳諭曾國藩闔敬銘曰據曾國藩奏稱張牛等逆由豐縣折回單縣並聞有分竄雒河之說任柱一股由永城碭蕭竄至睢甯距宿遷不遠與吳棠前奏情形大略相同該大臣務當督飭劉秉璋所部與吳棠派出各軍聯絡聲勢杜賊東竄力保完善一面知會喬松年督兵堵截與回防歸德之周盛波一軍互相援應以杜紛竄賊既有

回竄曹濮之意運河防軍尤當嚴加整飭著曾國藩閻敬銘妥籌布置不可稍形鬆懈東路之防旣以運河阻截捻蹤修浚之工不宜稍緩著曾國藩會同閻敬銘等趕將河身淺窄處所大加挑濬務令一律寬深足以限制賊騎並於河岸增隄置柵俾資扼守

上諭內閣曰捻匪自山東回竄各軍追勦疊獲勝仗

勦辦尙屬得手此次劉銘傳所部尤爲出力之恩  
騎尉保成著以防禦儘先補用並賞換花翎佐領  
吉爾洪額六十七均著以參領補用吉爾洪額並  
賞換花翎其餘出力員弁仍歸收復黃陂案內彙  
保請獎涼州鎮總兵周盛波提督周盛傳竭力苦  
戰奮勇可嘉著發去白玉翎管各一枝白玉搬指  
各一箇火鏟各一把大荷包各一對小荷包各二

賞給周盛波周盛傳祇領以示優異其所部出力員弁著暫行存記俟續有戰功再行請獎至潘鼎新一軍駐防濟甯屢次力戰保全東境著曾國藩查明出力各員奏請獎敘山東諸軍扼守運河屢次擊退賊匪亦屬著有微勞並准由閣敬銘擇尤保獎

十二日  
庚子李鶴年奏言刻下捻蹤闖入永夏境

內聞有竄回亭宿老巢之信商虞一帶邊防在  
在均關緊要臣已飭宋慶等扼要堵禦認真截  
剿毋令匪蹤竄突滋擾惟查吉林副都統安住  
所帶之馬隊遇賊接仗不能奮勇現已嚴加訓  
飭以觀後效其馬德昭一軍因舊部不甚得力  
已令汰弱留強並添募精壯勤加訓練聽候調  
撥臣俟布置粗定卽赴歸陳一帶駐紮居中調

度相機策應奏入

上諭曰捻逆現由東省南竄並著確探賊情嚴飭各軍實力截剿毋令闖入豫境

李鶴年又奏言總兵用前直隸候補道余承恩帶兵有年驍勇善戰在直防河甚稱得力惟令隔河設防不如渡河剿賊臣昨經直隸省城與督臣劉長佑而商彼此意見相合若蒙



恩准暫行調豫交臣差遣責令勦賊將豫省逆氛迅  
就撲滅則直省愈臻安堵可否之處伏候

聖裁奏入

上諭內閣曰總兵余承恩在直隸帶兵有年頗稱得  
力現在豫省勦賊需員著劉長佑飭該員迅赴河  
南軍營暫交李鶴年差遣

卷之三

三

欽定剿平捻匪方略卷二百五十五 丙寅年

四月十九日 丁未 吳棠奏言任柱股匪由東省關

入徐郡四月初一日後分屯邳州宿遷睢甯境

內游騎直抵桃源洋河集兇燄大張當飭姚廣

武歐陽利見嚴扼河防並咨劉秉璋量撥水師

分堵宿遷阜河車路口一帶飭調提督魯邦達

管帶礮船回防成子河惟陸路要隘林立防不

勝防而桃源所轄之成子河長圩屏蔽清淮尤  
爲江北關鍵該處僅有總兵張從龍所帶二千  
餘人兵力較單雖經咨准李鴻章檄調總兵劉  
士奇由東壩拔隊前來誠恐緩不濟急因添募  
兵勇選派得力將弁往成子河及舊邳州洋河  
集等處察看賊蹤相機堵擊初八日姚廣武挑  
撥勁旅馳赴舊邳州值悍賊千餘撲圩甚急我

兵爭先奮擊斬馘十餘名餘皆奔潰初九日諜  
報全股逆匪由泗州一帶竄去卽經飛飭張從  
龍等督率兵練加意堵扼適提督黃翼升道出  
清江商請調撥所部礮艇來浦協防以固門戶  
至徐州西北賊勢據道員李鴻裔等稟報張總  
愚賴汶洸各股由單縣南竄四月初二等日麇  
集豐縣碭山境內賊勢甚衆初五日竄近沛縣

張家寨攻撲湖團經總兵劉松山擊退現仍屯  
踞豐碭之交查此次捻股後先壓境盡銳東趨  
非圖搶運河卽垂涎腹地清淮兵單力薄惟有  
勉竭心力督飭在事將領嚴扼河防力遏內竄  
一面咨請曾國藩飭催劉銘傳等軍迅速東來  
以冀掃蕩羣兇保全完善奏入

上命軍機大臣傳諭曾國藩李鴻章吳棠李鶴年喬

松年曰任柱股匪由東省闖入徐郡分屯邳州宿  
遷睢甯境內游騎直抵桃源經吳棠調撥兵勇分  
防並飭姚廣武督軍馳赴舊邳州將撲圩悍賊擊  
退該逆由泗州竄去其張總愚賴汝洸各股現仍  
屯踞豐碭之交捻股先後悉銳東趨意在搶渡運  
河蔓延清淮腹地雖經吳棠添募兵勇分撥扼紮  
惟賊勢太衆深恐兵單地廣防不勝防該漕督務

宜督飭將士力扼河防以固清淮門戶並著會國藩趕緊催劉銘傳等軍星夜前進跟蹤緊躡會同吳棠派出防軍奮力夾擊毋令該匪擾及完善地方總兵劉士奇所部七營現在東壩等處分紮卽著李鴻章速飭拔營渡江馳赴清淮聽候吳棠調遣此外如有可調之兵並著李鴻章趕緊調援江北以厚兵力任逆一股已擾泗州皖境盱眙靈宿



一帶均須戒嚴喬松年當撥兵嚴扼東北選派得力將士越境迎剿不可稍分畛域歸德一帶與徐境毗連更虞滋蔓著李鶴年派撥重兵相機堵剿毋任賊蹤西竄致豫省腹地又被蹂躪現在捻匪均聚江皖之交曾國藩務當統籌全局調撥各路兵將四面兜圍使該逆不出吾網羅之外剿辦當易於措手也

二十二日庚戌劉長佑奏言臣於四月初三日由

大名起程馳赴開州復至長垣縣之盧岡寨乘舟東下查閱沿河兵勇均瀕大溜駐紮備禦尙屬嚴密初八日抵張秋之八里廟隨將各礮船調集該處逐加校閱分合往還施放大礮均極靈便水勇亦屬精壯是日兩江督臣曾國藩山東撫臣閻敬銘由濟偕來查看沿河形勢已至

沈家口地方去張秋不遠臣卽至彼與曾國藩  
閻敬銘晤商防務並於次日同坐師船至劉家  
隄一帶察看曾國藩以水師足恃囑再添設船  
礮藉省兵力惟近接探報張逆又有回竄曹單  
之信臣惟有督飭將士勤探嚴防並飭各師船  
晝夜梭巡遇賊卽擊勿稍疏懈奏入

上諭曰張逆既有回竄之信河防不可稍鬆該督現

已馳回大名著卽督飭師船晝夜梭巡認真截剿  
毋稍疏懈

二十三日 辛亥 李鴻章奏言自張總愚捻衆流竄

東境任柱牛洛紅賴汶洸各股在鄂省敗遁後  
由皖而豫而東與張逆併股悉聚鄆城鉅野境  
內旋因直隸提督劉銘傳等軍分投堵剿該捻  
不得逞志於黃運兩河乃回竄蘇之豐碭將窺

皖之蒙亳臣接准曾國藩咨報卽檄調南贛鎮  
總兵王永勝統開字十營由宿松馳紮臨淮適  
周盛波周盛傳等亦率隊由歸德疾趨亳州賊  
遂折回宿州分股由徐境東竄延擾銅山邳州  
宿遷睢甯界上勢將偪伺清江查清淮腹地屏  
蔽裏下河各州縣該處二麥正當成熟尤爲羣  
捻所覬覦雖有學士劉秉璋駐軍宿遷總兵楊

鼎勳駐軍台莊韓莊會同總兵歐陽利見鄧長里等淮揚水師力扼運河以固兗沂淮海之防而清江兵單究爲可慮臣商令提督黃翼升輕舟駛往布置水路又飛調總兵劉士奇統奇字七營由東壩拔營北渡計旬日內可抵清江現據劉銘傳馳報由曹縣追賊而南途次屢獲小勝四月初五日率隊進解豐縣城圍復躡賊而

東周盛波等亦於三月二十六七等日在蒗澤  
縣境與張總愚捻股惡戰數次臣批飭劉銘傳  
等由西北進追並令劉秉璋等相機從東南兜  
勦以收夾擊之效惟賊騎飄忽善於避兵旁竄  
臣軍槍隊笨重四路遠隔往往追遏不及當隨  
時與曾國藩吳棠妥籌調度力維全局奏入

上命軍機大臣傳諭李鴻章曰清淮爲裏下河各州

縣屏蔽劉秉璋等軍現分紮宿遷等處會同歐陽  
利見等水師力扼運河而清江防兵尙嫌單薄李  
鴻章現已調派劉士奇所部七營由東壩北渡卽  
飭迅赴清江聽候吳棠調遣此外如有可調之兵  
著仍遵前旨迅籌調赴淮徐以厚兵力劉銘傳由  
曹縣進解豐縣城圍現已進紮虞城李鴻章當飭  
劉秉璋等軍由東南進勦與劉銘傳等會合夾擊



以收聚殲之效並隨時與曾國藩吳棠妥籌調度  
相機布置

同日李鶴年奏言據報賊於三月二十三、四等  
日紛竄河南商邱虞城夏邑等境經各該地方  
官督飭紳團嚴密堵禦是時總兵宋慶保英副  
都統安任副將蔣希夷等馬步各隊尙在蘭考  
一帶經臣檄令迅赴歸德堦擊提督劉銘傳一

軍亦由曹縣進紮虞城該逆知大兵雲集不敢  
停頓向江南碭山一路而去劉銘傳追賊獲勝  
賊又偵知徐州有備復由碭山折回四月十一  
二三等日紛竄虞城及商邱北面之劉家口甯  
陵考城一帶均有賊蹤十四日宋慶保英兩軍  
追至睢州壩地方遇賊馬數百匹經馬步各隊  
將賊壓退追殺二十餘里擒獲賊首張全城及

兇悍老賊十餘名宋慶等督軍直進該逆大股  
正圍攻王家橋寨我軍趕到賊始解圍我軍卽  
於王家橋紮營是晚派參將李寶林等連夜往  
襲賊營疾馳二十餘里徑抵該逆巢穴張總愚  
糾黨出拒兵刃相接往復十餘次逆勢不支潰  
敗狂奔我軍奪賊踞莊五處斃賊三百餘名生  
擒擒首劉勤學郭汝仲張得及悍賊五十餘名

臣查張總愚及賴牛各匪出沒無常奔馳剽疾  
茲復竄至唯考一帶省防河防均屬喫重臣已  
飛檄宋慶保英乘勝進剿並飭安在蔣希夷等  
拔營繼進其提督馬德昭副都統善慶等馬步  
兵勇亦令馳赴蘭儀相機前進又札飭副將崔  
廷桂統帶礮船沿河上下並責成河北鎮道督  
飭所屬調齊兵練扼要設防臣於本月十八日

出省取道陳留杞縣親赴前敵督勦奏入

上命軍機大臣傳諭李鶴年曰捻股忽分忽合剽疾異常而張總愚尤爲狡悍必應就地勦洗俾免蔓延李鶴年現已出省取道陳留杞縣親赴前敵督勦卽著激勵將士乘勝進兵會合劉銘傳等軍前截後追務將積年逋寇迅速殲除以副委任

二十四日壬子曾國荃奏言臣在湘所募新軍九

營均於四月初十日以前到鄂趕緊訓練卽擬  
進紮應山縣之廣水驛扼守險隘其續招步隊  
十一營馬隊一千六百名應俟前調之劉連捷  
彭毓橘朱南桂郭松林等員在湖南召募統帶  
前來計五月內可以到鄂當令分駐麻城之岐  
亭隨州之唐縣鎮防禦要衝藉成三路犄角之  
形以杜羣捻窺伺所撤各營業已妥爲遣散不

至滋生事端奏入報

間

二十六日甲寅吳棠奏言據徐海道李鴻裔等稟

稱張總愚一股闖入豐沛境內劉銘傳跟蹤追

勦連獲大勝李昭慶一軍亦由金鄉東下賊勢

不支向東奔竄官軍分投躡勦江境已無逆蹤

又據泗洲文武稟報任賴各逆麇集該境後旋

卽西遁向宿州靈璧一帶竄去各等語此次張  
逆等接踵東犯蔓延徐屬直徧清淮雖經水陸  
各營節節守禦然逆蹤飄忽運道延長一面偶  
疏全局皆震爲今之計惟有就運河北岸接築  
長圩以資堵禦除桃源成子河原有長圩仍飭  
總兵張從龍等照常扼守外查運河守禦事宜  
東境台莊以上業准曾國藩咨分段築圩黃樹



莊以下沿河隄岸均歸江境 臣已稟定章程分  
投飭辦邳州沿運一帶總兵姚廣武等督理宿  
遷沿運一帶總兵歐陽利見等督理桃源沿運  
一帶參將朱光廷等督理均令會同州縣督勸  
鄉民分段興工務使上下三四百里內有壁皆  
堅冀壯聲威而制衝突至於徐屬西南各圩寨  
已飭該管道府就近督率整頓其東路邳睢宿

南岸各圩並派參將吳鳳柱等周歷各鄉飭令一律加高臣卽於四月二十一日由清江沂流西上察看沿河形勢指授機宜奏入

上諭曰賊蹤現雖較遠仍當檄飭防軍嚴密備禦毋稍大意所有河岸圩工卽著督飭各員趕緊興築務臻穩固

二十八日丙辰曾國藩奏言張總愚牛洛紅一股

經劉銘傳周盛波擊敗後盤旋於虞碭豐單四縣之間劉銘傳一軍由虞城馳抵單縣之黃岡集緊躡其後屢有斬擒賊向東南奔竄四月初七日撲近湖團劉松山出隊迎勦旋又折回單縣十一日竄至城武十二日圍攻曹縣十三日竄至冉堦集十五日復圍曹城適李昭慶劉松山由豐縣同時趕至會擊立解城圍十六日李

昭慶等督軍前進離營數里賊卽分路來撲李  
昭慶飭令各營屹立不動洋槍礮連環轟擊賊  
隊已亂我軍馬隊始從樹林內突出橫衝右路  
之賊全行敗走其撲犯左路之賊劉松山派總  
兵李榮貴等各營分三路進擊自率親兵督戰  
槍礮齊發賊馬傷斃頗多該逆復從兩旁包抄  
而以步隊大股合力猛撲各營穩持如故奮勇

鏖戰槍矛並施賊勢不支紛紛敗潰另股之繞  
過南路者亦經我軍擊退計槍斃殺斃者幾及  
千名幸獲大勝張牛等逆遂由曹南奔潰是日  
劉銘傳一軍適由礪山而來復遇於王閭集我  
軍馬隊先與馬賊交鋒生擒十餘名步賊旋蠶  
擁而至各軍槍礮齊發賊猶冒煙猛進經周志  
本張士元等持矛惡鬪將接仗悍賊數百名殲

斃殆盡賊勢大奔銘營乘勝追殺陣斬者約四百餘名槍礮擊斃者尤多該逆悉數向曹縣東南竄走十八日各軍拔隊跟追二十日賊已竄至豐縣旋竄銅沛擾及曹徐之交至竄近宿遷清江一股是爲賴汝洸任柱李允等會該逆於四月初七八等日攻撲運河不得逞志遂折竄泗州靈璧臣檄飭王永勝一軍剋日渡淮就剿

靈泗一帶又調劉士奇七營渡江移紮宿遷騰  
出劉秉璋與楊鼎勳兩軍除酌留數營扼防韓  
莊八牖外其餘概作游擊之師專辦靈泗睢宿  
及蘇皖交界各州縣三軍尙未拔營頃聞泗州  
之賊業已南竄周盛波移營亳州後重修濠牆  
聞該逆盤踞泗靈十八日率隊由宿州進剿其  
臨淮一鎮有編修張錫嶸陸營會同水師防守

臣查此次捻黨由山東回竄分爲南北兩大股  
久踞曹徐淮泗徘徊不去一則各屬二麥旣熟  
乘勢搶割以圖一飽一則牽掣我軍糞乘不備  
襲渡運河竄入江蘇完善之區計臣軍之勦辦  
北路者則有劉銘傳李昭慶劉松山等三支勦  
辦南路者則有周盛波一支而劉秉璋王永勝  
亦已改爲游兵惟劉銘傳一軍自去年臘月以



來援鄂援皖援豫援齊將士疲勞已極頃據該  
提督呈請休息一二月借資整頓臣已批准飭  
令該軍移赴濟甯駐紮騰出潘鼎新一軍代爲  
游擊之師庶軍士不致過勞亦可保其常新之  
氣於勦辦似有裨益

曾國藩又奏言臣於四月初七日會同撫臣關  
敬銘由濟甯啟行沿河查閱自微山湖以北至

長溝有潘鼎新一軍駐守長溝以北至開河一段向恃有南旺湖水故未設防茲查湖水全涸已由閩敬銘添撥防兵開河以北至斬口一帶水勢稍淺牆壘較低自斬口至安山木廟水勢甚深差爲可恃自木廟至沈家口十八里夏秋黃河灌運水極深廣冬春沙淤河乾殊難守禦現經閩敬銘籌議條款剋期興工無論河深河

淺均增高牆深濠以輔之其沙地及民圩不能  
掘濠者酌立木柵以輔之運河閱畢之後初十  
十一等日與直隸督臣劉長佑會晤三人同閱  
黃河十三日還至安山由陸路至東平泰安查  
看形勢十九日仍回濟甯防所濟甯以下微山  
湖長一百八十里無須設防自湖以南運河深  
淺不等議定八插暨宿遷等處由學士劉秉璋

派兵防守審灣暨成子河等處漕臣吳棠派兵  
防守總期力扼此河不使該逆流竄

同日丁浩奏言河南山東團寨林立或數里一  
寨或十數里一寨捻匪將至鄉民相率避入寨  
中偷安旦夕然祇知爲自守之計與地方官未  
能聯絡一氣捻匪知民間財物聚於寨內遂乘  
隙攻寨其大寨戶口衆多守具整齊尙可勉強

支持其小寨丁壯有限並無守具一聞賊至驚  
惶失措往往爲賊所破老弱皆被殺戮少壯胥  
爲裹脅統兵大臣派兵往剿不免有需時日捻  
匪早已遠竄官兵追剿恆不能及或有勇於追  
賊兼程前進而各寨恐兵勇騷擾閉門拒絕不  
使兵勇進寨致兵勇饑困捻匪出官兵不意突  
然回鬪此官兵所以不免有失利之時而捻匪

之所以得逞也夫以擒匪之兇悍而欲使各團  
寨禦之力誠不逮然臣竊謂各處團寨分守則  
勢孤合謀則氣壯使團寨堵禦擒匪則不足使  
團寨協助官兵則有餘擬請

旨飭下河南山東撫臣選派明幹有爲之員爲民素  
所推服者派往各府縣會同地方官糾合各處  
團寨賊未至則指授方略爲堅壁清野之計賊

既至則聯絡聲勢爲出奇制勝之謀並勸諭各寨與官兵會合使餽運糧草以資接濟官兵可藉團寨以爲援團寨可恃官兵以爲衛其有奮勇效力殺賊立功及接濟官兵糧餉者從優保獎庶互相策應擒匪不難殄滅矣均奏入

上命軍機大臣傳諭曾國藩閻敬銘李鶴年曰張牛等逆由單縣竄撲曹城經李昭慶等擊敗遂由曹

南奔潰劉銘傳等跟蹤追擊該逆旋竄銅沛擾及曹徐之交賴汶洸等逆連日攻撲運河未得逞志遂竄泗州靈璧一帶盤踞曾國藩現以劉銘傳等軍勦辦北路而以周盛波爲南路之師劉秉璋等軍作爲游兵布置周妥當可收夾擊之效劉銘傳之軍久役於外將士疲勞該大臣現飭該軍移赴濟甯駐紮藉資休息騰出潘鼎新一軍作更番遞



戰之法卽著該大臣飭令潘鼎新視賊所向帶隊  
追擊毋稍鬆勁運河偏近賊氛時思偷渡該大臣  
現已查閱形勢分段設防量加修浚實爲目前要  
務著隨時咨商劉長佑吳棠認真辦理闔敬銘尤  
當督飭防兵加意扼守不得以賊蹤漸遠稍涉疏  
懈御史丁浩奏捻匪竄擾靡定河南山東團寨林  
立惟與地方官未能聯絡一氣賊至驚惶失措往

往爲賊所破團寨堵禦擒匪則不足協助官兵則有餘請飭分派幹員糾合團寨以助兵力等語團練原以輔兵力之不足各該地方官果能認真督辦與官兵互相援救俾該匪不能任意奔竄自不難次第殲除著曾國藩閻敬銘李鶴年將該御史所奏各節酌度機宜遴選明幹有爲之員派往各府縣會同各該地方官糾合各處團寨與官兵聯

絡聲勢協力兜勦以期早殄逆氛

二十九日丁巳鮑超奏言欽奉

諭旨飭臣由鄂赴豫探明賊蹤勦辦臣前由會昌赴

江省與撫臣劉坤一面商餉糴大隊循陸繼進

三月二十六日抵豐城接准兩江督臣曾國藩

咨行欲臣酌留一萬二千人編爲步隊二十營

招募三千二百人編爲馬隊十營其餘概行裁

撤等因查臣舊部馬隊前因馬匹倒斃已改爲洋礮八營甚稱得力茲復挑選精銳添設四營足成十二營馬匹未到之先仍暫充洋礮隊俟馬匹到齊卽編入馬隊以資攻剿除酌留步隊二十營外餘皆裁撤部署甫定卽於四月初八日由江起程臣先赴鄂省與督臣官文撫臣曾國荃商酌一切大隊仍由陸路行走抵鄂後臣

卽督率前進竊計西北地勢平曠騎賊飄忽靡  
常追蹤築壘必思一便捷之法方足制其驍悍  
擬製備獨輪手車每營各若干輛藉載鍋帳行  
糧上安擋牌開列礮眼臨敵時使人推行於前  
以禦騎賊奔衝內伏槍礮由牌眼轟擊馬步各  
隊分中左右三陣隨之由兩翼抄出或腰截或  
圍剿或出其不意而猝然掩襲或乘其旣北而

連日窮追均可相輔以行天晚收隊倉卒不及  
紮營或遇沙土鬆散不堪築壘則以車排列周  
圍暫當營壘儻垣高坎深之處難肆衝突卽以  
載運行糧軍械是否可用仍當與督臣官文撫  
臣曾國荃商酌如果可行卽就近趕緊製造一  
面派員赴粵採辦輕便之礮以備車上之用儻  
能稍假時日俾器具羸備庶遇賊時可期進剿

便捷奏八

上諭曰現在捻匪分竄皖豫一帶飄忽靡定該提督務當督率各軍星速前進確探賊蹤迎頭截擊毋得因製車買馬等事任意遷延致負委任





欽定剿平捻匪方略卷二百五十六 丙寅年

五月初一日己未李鶴年奏言據探張牛各匪在

睢州壩爲豫軍所襲漸向東南撤退其分擾考  
城之賊亦卽奔逸大股均竄曹境豫省甯陵商  
邱俱有賊馬往來總兵宋慶等率隊追躡適提  
督劉銘傳員外郎李昭慶兩軍已至曹縣東北  
進軍協剿疊獲勝仗該匪遂由劉家口一帶竄

入單境遊騎擾及虞城十九日賊由虞單東竄  
碭山以北又由碭山竄入豐縣等情臣現在擇  
要布置保英一軍暫紮劉家口以防回竄之路  
其餘均集虞城分途前進蔣希夷一軍進紮東  
豫交界之黃岡地方宋慶一軍進紮李樓安住  
一軍亦自虞城拔營繼進以成犄角之勢且皆  
與劉銘傳李昭慶等軍聲勢聯絡呼吸相通臣

於二十三日馳抵歸德就近督飭各軍探明賊蹤相機會勦奏入

上諭曰張牛股匪現雖竄赴豐碭難保不回竄豫疆著李鶴年督飭各軍認真防勦毋令乘閒紛突

初四日壬戌劉長佑奏言據報張逆股匪回竄曹

縣經李昭慶由濟督軍擊退四月十六日劉銘傳督軍自考城折回會擊斃匪尤多該逆於十

七八等日敗竄東南聞已入江南徐郡地面有  
與賴逆等合股之勢劉銘傳等軍仍跟蹤緊躡  
等情現在東境已無賊蹤臣定於月之二十八  
日暫行回省仍飭沿河水陸防軍加意備禦一  
面籌添船礮增設水師以資得力奏入報

聞

初五日癸亥喬松年奏言任賴等逆初意將由泗

州東竄清淮經張得勝趕至五河截勦出其不  
意直前進擊追至薛家莊一帶擒斬悍賊百餘  
名該逆未敢喘息奔回靈璧圍攻固鎮民圩意  
圖渡河回竄蒙城其時總兵黃鳴鐸帶領戰船  
分駛五河滄河沿河堵擊程文炳一軍正督馬  
隊前進直趨固鎮賊又驚遁折向任橋半店一  
路竄踞程文炳乘夜襲擊該逆猝不及防自相

踐踏我軍四面截殺搃斬極多復經英翰等軍  
節節進攻賊營全行攻破該逆向宿州奔竄適  
曾國藩所派周盛波一軍亦由亳州趕到迎頭  
截剿斃賊無算該逆仍向宿州西北狂奔已抵  
徐州境內伏查該逆此次犯皖初欲東擾清淮  
繼欲西竄蒙城幸各援軍聯絡扼擊挫其狡謀  
截剿尙爲嚴密至徐州與歸德接壤賊旣由徐

北竄而張逆一股尙在歸德賊不得逞志於東  
必將合股南趨由歸德復窺潁亳臣現派張得  
勝等軍儘力跟追並飭英翰等軍於北路要隘  
妥爲布置以備夾擊至連日各軍追賊打仗陣  
亡之參將盧智庸千總丁學詩都司李繼勛應  
請

天恩飭部從優議卹奏入

上諭曰仍著嚴飭張得勝等軍跟蹤追剿盡殄逆氛  
陣亡之參將盧智庸等均著交部從優議卹

初六日甲子李鶴年奏言任賴股匪由江皖回竄

周盛波程文炳等軍追至永城賊見大兵雲集  
於四月二十五日奔竄夏邑東南胡家橋等處  
臣飛調總兵宋慶等由虞城移赴夏邑一面派  
提督馬德昭副都統善慶拔營前往會剿二十



六日宋慶一軍先抵夏邑該逆已改道紛竄西  
南適馬德昭等馳到率軍回截頗有斬擒宋慶  
卽在夏邑迤西之茅家營朱家寨紮營距賊十  
餘里派參將李寶林等乘夜往襲馬德昭等亦  
派隊應援是夜李寶林等首先衝入賊卡連奪  
賊踞村莊三處生擒兇悍老賊劉方城孫卿等  
十餘名殲斃匪黨二百餘名該匪敗潰往西北

奔竄二十七日邊馬突至歸德城外二十八日  
賊復折回東竄官軍追至大周集該逆馬步彘  
擁而來馬德昭等分路兜擊賊勢不支踉蹌潰  
走計斃悍賊三百餘名生擒老賊九十餘名內  
有擒匪頭目張料兒訊係張總愚之姪又僞官  
張義生均各訊明正法餘賊南趨亳州一帶宋  
慶等仍跟蹤追擊此次宋慶等親率各營合力

痛擊連日斬擒逆黨不下一千餘名洵屬異常  
出力所有勦賊尤爲奮勇之參將蔣東才等相  
應開列懇

恩鼓勵其餘出力員弁兵勇可否容臣查明併案請  
獎出自

鴻慈奏入

上命軍機大臣傳諭曾國藩喬松年李鶴年曰任賴

等逆回竄夏邑胡家橋等處經馬德昭等軍追躡  
將賊擊敗由歸德一帶奔竄官軍追殺賊黨千餘  
名餘賊南趨亳州李鶴年現飭宋慶等軍跟蹤追  
擊著卽飭宋慶等視賊所向越境攻勦毋得稍分  
畛域賊蹤偏近亳境防勦不可稍鬆著喬松年嚴  
檄程文炳認真堵勦毋令該匪乘閒奔突張得勝  
太和之軍及沙渦兩河礮船並著該撫相機調遣

就近援勦曾國藩卽飭周盛波南路之師探蹤前  
進並飭劉秉璋等軍往來遊擊迅赴戎機以收聚  
殲之效豫軍此次追賊雖有斬獲究未能大挫兇  
鋒姑念其忍饑力戰已明降諭旨將出力之參將  
蔣東才等照給獎敘嗣後遇有小勝李鶴年當將  
出力人員存記彙保毋許隨摺保列多人以示限

制

上諭內閣曰任賴等股竄至河南夏邑胡家橋等處  
提督馬德昭等前往會剿斬獲甚多勦辦尙屬得  
手所有出力之參將蔣東才李寶林均著免補參  
將以副將儘先補用蔣東才並賞加總兵銜劉廷  
著賞換花翎副將王國良著以總兵補用總管薩  
尼布著以副都統補用驍騎校悅松額著免補驍  
騎校以防禦儘先補用佐領雙玉著免補佐領以

協領儘先補用遊擊蔣廣濟著免補遊擊以參將  
儘先補用都司胡詩著免補都司以遊擊儘先補  
用千總李家安著免補千總以守備儘先補用勇  
目馬融和著賞給守備銜並賞戴藍翎其餘出力  
員弁兵勇准由李鶴年查明併案請獎毋許冒濫

初八日

丙寅

吳棠奏言

臣

起程北上察勘運河情

形桃源南岸五隄頭成子河一帶圩牆堅固尙

堪扼守桃宿迤北隄岸舊圩遺址半多塌卸並  
無重兵設戍該處關繫清淮全局當飭該縣文  
武趕緊修築限日竣工其邳宿交界之窩灣河  
而爲總兵歐陽利見所轄該處頭二三灣河窄  
水淺尤爲可慮業經該總兵分別布置築營接  
圩悉臻穩固自此以上直抵黃林莊河而約一  
百餘里總兵姚廣武等督飭兵練聯築堅圩足



敷守禦四月二十三日臣舟次宿遷之阜河接  
據各路探報張賴各匪回竄徐境遊掠豐沛各  
屬及宿州之夾溝桃山等處二十五日舟次甯  
灣諜知該逆大股蔓延邳睢有直撲清淮之勢  
立卽折回繞出賊前二十七日駐泊桃源之衆  
興集水次查驗該處圩工甫畢而賊已併竄宿  
遷之洋河集距桃源止五十餘里當卽飛飭姚

廣武等各守汎地阻賊上竄之路一面調派官軍相機堵擊部署羸定該逆馬步屬集約三四萬衆東徧五隄頭成子河長圩北徧仰化崔鎮等處節節猛撲曉夜不休自二十八至五月初一等日賊騎充斥蔓延數十里幸水陸各營無懈可擊其東撲成子河之賊張從龍等敗之北犯運河之賊王正枝等卻之臬司劉秉璋復於

洋河一帶痛剿數次先後斃賊數百名拔出難  
民近萬羣逆屢進屢卻計無復逞初二日陸續  
退竄西南仍向泗州一帶遁去臣查張賴各酋  
接踵東犯因東皖豫各省官軍林立淮河扼其  
南運河扼其北窮極思逞不得不爲困獸之鬪  
而清淮一面實當要衝仰賴

聖主天威將士用命又幸署督臣李鴻章先期調派

集賢堂 卷之三十二  
一  
得力將弁協同守禦始能化險爲平 臣仍嚴飭  
各鎮將竭力扼防俟劉銘傳等追勦東來相機  
夾擊以收犄角之效其在防水陸員弁暨各屬  
練董或力保全局或趕築圩寨未便沒其微勞  
可否由 臣擇尤存記彙案請獎之處出自

恩慈再據徐海道李鴻裔總兵董鳳高等會稟四月  
二十三日張牛各逆分股由湖團竄至拾家屯

該鎮道等商帶徐營馬步各隊會同吉中等營  
出城迎勦斃賊甚多生擒七名逆始敗竄等語  
合併陳明奏入

上命軍機大臣傳諭吳棠曰張賴各逆意圖竄擾清  
淮經吳棠督飭各軍一敗於成子河再敗於運河  
劉秉璋等復於洋河一帶痛勦數次賊向泗州一  
帶遁去勦辦尙屬出力在事水陸員弁暨各屬練

董准由吳棠擇尤存記彙案保獎毋許冒濫惟此  
股賊匪奔突靡常難保不思回竄清淮兵力無多  
雖未能越境追剿而防範不可稍鬆仍著吳棠嚴  
督在防將士及紳董人等力掘水陸要隘堅守圩  
寨以遏賊衝其徐州等處防務仍飭李鴻裔董鳳  
高等嚴密防剿毋稍疏虞

十三日

辛未

劉長佑奏言總兵余承恩原派統帶

兵勇防堵濮范一帶屢挫賊鋒茲欽奉

諭旨飭余承恩赴豫協勦遵飭迅速啟程並令余承  
恩於所部內酌帶二三營隨赴河南該營原領  
礮械軍裝均準備帶前往以資利用至濮范防  
務已另派一軍移往接辦奏入報

聞

十六日甲戌李鶴年奏言賴逆自竄入亳境向東

南奔逸刻下豫疆附近已無賊蹤臣因逆氛較遠暫撤宋慶等軍仍駐永城夏邑一帶以備征勦連日悉心訪察統帶馬隊之安住善慶二員皆係久於行陣熟習戎機而善慶在豫有年地利情形較熟臣擬將安住所帶之馬隊併歸善慶統帶其原帶之駐防三鎮等馬隊仍令隨同教練再查提督馬德昭紀律嚴明聲威素著總



兵宋慶果敢任事賊所畏憚該二員可當一面  
之寄臣現令保英所帶之四營歸馬德昭統帶  
副將蔣希夷所帶之四營歸宋慶統帶如此整  
飭歸併各專責成於防勦較爲有益奏入

上諭曰各軍歸併統帶足專責成著該撫嚴飭善慶  
等各將馬步兵勇嚴汰疲弱認真訓練俾成勁旅  
李鶴年又奏言副都統安任久歷戎行人甚樸

實白上年帶兵到豫以來於一切防勦事宜均  
無貽誤現臣合兵整隊以所帶馬隊歸併善慶  
統帶安住在豫別無經手事件合無仰懇

天恩准令吉林副都統安住卽回本任以重職守奏  
入

上諭曰安住著來京聽候諭旨

十八日丙子閻敬銘奏言臣前至濟甯與曾國藩

面商軍事議以運防爲重因分布防軍俱到沈  
日黃運交匯處所適直隸督臣劉長佑亦抵張  
秋鎮卽會同巡閱張秋鎮及黃河劉隄口一帶  
情形臣卽於四月十三日回到東平防所旋據  
探稱張逆在單境經劉銘傳一軍追逐遂竄城  
武又折竄曹縣時李昭慶一軍自濟甯馳赴城  
武劉松山一軍由豐縣馳抵曹縣乘勝追殺該

逆復奔向豐沛銅山擾及滕嶧邳河南岸及邳  
州洋河等處其任逆一股據曹單等縣稟報四  
月十三日自泗境折回旋由蕭楊永夏竄至歸  
德賊馬擾及虞城經豫軍合擊復又南竄有向  
蒙亳之勢各等語臣查東省邳河自嶧邳交界  
起直達黃河綿亙五百餘里東省軍力實難徧  
布現經會國藩酌定自韓莊以南責之楊樹勛

一軍自長溝以南責之潘鼎新一軍自長溝以  
北直至沈口全歸東省防軍布置約計此段河  
路將及二百里 臣現就東省各軍節節密布飭  
令各營將運河東岸一律修築隄牆並於牆外  
加挑重濠一二道或加添木柵均於四月二十  
五日到防興工又查前設長龍三板礮船專爲  
黃河防守之用運河水淺岸窄各船運掉不靈

應添設四板礮船以期得用 臣現飭總兵趙三元購製四板礮船五十隻期於沿岸防營聯絡以輔陸隊之不及仍須添設游兵以爲協助並派員赴上海購買洋火藥洋槍等項飭令勤加操演以成勁旅至黃河之防更宜先事籌維以免疏失昨在張秋途次與曾國藩劉長佑會商擬分段設防各專責成應俟曾國藩酌定地段

具奏後再行定期換防至東省原設防營現計  
濟東道衛榮光所帶營兵近二千名臣又添派  
同知劉時霖帶勇五百名協防河北惟念兵力  
尙單仍須另籌抽撥臣前奏派雲南提督傅振  
邦帶兵千名駐紮景芝鎮以防東路現運防旣  
經布置東路稍鬆臣因咨令該提督將所部兵  
丁千名移紮張秋鎮以厚兵力臣仍隨時親赴

河干往來察看不敢稍有疏虞奏入

上諭曰覽奏各情均悉卽著督飭各員弁認真巡防  
無稍疏懈洋槍軍火圖屬利器惟須訓練精熟統  
帶得人方爲有益該撫仍隨時會商曾國藩妥籌  
布置以期周密

十九日丁丑香松年奏言徐逆被勦窮蹙張得勝

程文炳會合周盛波各軍由徐州追至河南永



城縣復獲勝仗賊又竄往歸德距潁亳甚近張  
得勝恐其南竄潁亳遂暫駐亳州以爲堵扼之  
計英翰恐賊直竄雒河亦分派各軍防守蒙城  
一帶詎該逆奸狡異常先向正東竄去任賴等  
逆忽又折向南竄日馳二百里從徐州境內竄  
至懷遠之河溜集四出滋擾現在皖軍半在西  
北賊已繞至東南轉在官軍背後必須調回兵

勇併力合勦庶可杜其滋蔓已飛飭英翰等軍  
星夜從蒙城一路向南壓擊並准李鴻章咨派  
防守臨淮之總兵王永勝暨亳州之周盛波兩  
軍拔隊前來會勦又飭黃鳴鐸策勵水師於黃  
河上下嚴防斷賊搶渡之路惟張逆一股尙在  
睢甯與泗州亦甚切近雖經曾國藩李鴻章各  
派重兵兜勦仍恐其鋌而走險續竄皖境臣惟

有竭力堵剿一遏兇鋒奏入

上諭曰賊蹤竄至懷遠轉在官軍之後著卽督飭英翰等軍認真堵剿並檄催王永勝等軍協同剿洗張逆一股偪近泗州並著力籌堵禦毋令勾結爲患

二十三日辛巳曾國荃奏言浙江提督鮑超於四

月杪到鄂所部霆字營馬步全軍於五月初九

初十等日到武昌縣適兩江督臣曾國藩檄調該軍由麻城商城以達光固督臣官文與臣籌商派撥船隻令該軍過江並飭司道籌備銀四萬兩以資行糧又允按站設局轉運將輜重運赴商城至商城前途則應歸河南撫臣李鶴年派員督率各州縣按站接運呼應較靈查黃州至光固不過六百餘里六月初間當可到豫應

由兩江督臣河南撫臣各派幹員前至商城會同該軍營務處道員康明哲設立霆軍行營糧臺俾各省所解協餉軍裝子藥均有收納之所方可以利遄征此次霆軍自廣東由江西入鄂境沿途秋毫無擾市肆不驚實賴鮑超整頓之力從此統師前進可期所向有功奏入報

聞

二十五日

癸未

曾國藩奏言張總愚牛洛紅一股

在曹縣擊敗後四月二十日竄至豐縣次日竄  
入沛縣二十三日入徐州城西十餘里總兵董  
鳳高李祥和各以兩營分路出隊擒獲數十名  
該逆旋即退去是夜李祥和派兵潛劫賊營薄  
有斬擒二十五六等日該逆竄至銅山之雙溝  
楊家窪一帶二十八日竄至宿遷之埠子鎮洋

河集徑撲運河二十九日偪近桃源三十日江  
蘇臬司劉秉璋督軍馳至洋河集探知賊之大  
股在圩外五六里紮住馬步萬餘人四出焚掠  
劉秉璋派總兵吳占魁吳長慶況文榜等各帶  
五成隊伍乘夜徑擣賊巢搃斬近七十名五月  
初一日黎明收隊隨卽傳令各營整隊出擊該  
逆且戰且走吳長慶況文榜等由舊河隄內外

分路夾擊追至倉家集賊陣大亂斃賊甚多初三日該逆由睢甯之歸仁集回竄適劉松山一軍由徐州追賊而來行抵離城十八里之王冢林卽見賊馬偪近劉松山一面督飭各營趕築營壘一面派隊迎敵部署甫定賊馬千餘向前衝突各營槍礮齊發力戰良久賊始敗去計斃賊近三百名兵勇陣亡者四名受傷者二十餘



名初四五等日該逆晝夜攻撲阜河及利運牐  
馬家渡一帶均經水師鄧長里等擊退由是不  
復圖犯運東乃由利國驛回竄銅山初八日劉  
松山進至銅山之苑山圩據報賊之後隊相距  
僅八九里卽整隊前進行至魏家莊猝與賊遇  
劉松山以四成隊固守輜重以六成隊分三路  
迎擊斃賊數十名該逆不肯戀戰向西南竄走

各營乘勢猛追沿途又斃賊百餘名將賊隊截  
爲兩段一向西北荆山橋李家瓦房而去一向  
西南楊集家而去其賊之前股已於初七日竄  
近徐州賴汶洸等大股自四月十三日窺撲泗  
州城後旋竄宿州二十三日竄至永城縣東胡  
莊寨正在圍攻之際周盛波馬隊一營先到突  
衝賊隊擒斬數十名賊衆潰退該營卽在胡莊

寨駐紮與步軍相離尙十餘里二十四日周盛  
波率軍前進行甫數里該逆分三路來撲以馬  
隊猛撲中路周盛波督令唐邦傑等挑列隊伍  
併力禦之洋槍炸礮迎頭轟擊該逆抵死不退  
當派都司周行發率領馬隊由城西抄入賊後  
賊始驚潰其前路步賊經周壽昌等擊敗後路  
步賊亦經周盛傳等擊敗計斃賊近二百名二

十六日該匪竄往歸德二十八及三十日又折  
回永城夏邑之交五月初八日二鼓周盛傳出  
隊掩殺小有俘獲初三日賊由蕭縣之西竄入  
銅山初八日擾及東賀村將與荆山橋張逆之  
股相合適原駐徐城之張詩日李祥和等營出  
隊至土山寺周盛波追軍復至遂會商進擊又  
擒斬百餘名初八以後張牛一股由豐縣碭山

竄至虞城以西任賴一股由靠山至宿州竄入  
懷遠渡渦河而南盤踞下蔡等處臣查該逆自  
二月北竄以來力圖渡運前在山東鄆城一帶  
搶渡後在江南宿遷一帶搶渡徘徊曹徐淮泗  
者兩月有餘迄不得逞現在張逆入豫任逆入  
皖臣已檄飭潘鼎新會同周盛波爲一路劉松  
山會同張詩日等爲一路專剿張牛一股劉秉

三十三  
三三

璋會同楊鼎勳爲一路專剿任賴一股無論該  
逆竄往何處與之縱橫馳逐未知能否有濟至  
劉銘傳一軍改調徐州駐紮休息騰出劉秉璋  
全部概作游兵李昭慶一軍以八營赴防韓莊  
以十營赴防濟甯駐紮休息騰出楊鼎勳潘鼎  
新兩軍概作游兵潘鼎新已於十五日拔隊起  
程前赴歸德矣

曾國藩又奏言 臣前次察看黃運兩河至張秋  
一帶與直隸督 臣劉長佑山東撫 臣闕敬銘會  
商防務以直東兩省防兵互相攙雜心志不齊  
不如畫分汛地各有專責議定自范縣豆腐店  
以上如東明長垣等處統歸劉長佑派兵設防  
自豆腐店以下如張秋東阿等處統歸闕敬銘  
派兵設防至運河北路隄牆現經闕敬銘督飭

修築甚爲堅實其南路隄牆前因賊擾桃宿尙  
未認真興辦臣擬日內至宿遷桃源等處會同  
吳棠查閱一次飭令各文武加工修築以期保  
全運東完善

同日李鶴年奏言五月十一日張牛股匪由江  
南蕭縣竄入碭山十二日邊馬已至虞碭交界  
十三四等日經宋慶等軍分路迎剿擒斬極多



沿河賊踞村莊全行奪回正在乘勝追逐瞥見  
逆首張總愚糾率馬賊千餘飛馳而來宋慶亟  
與馬德昭分軍夾擊逆衆散而復合傷斃數十  
人逾時始向東南退竄十五日夜閒馬昭德宋  
慶等會商往襲賊營伺至四更探知該逆防守  
漸懈兵勇銜枚渡河分路疾趨將所踞連莊六  
處圍裏兜殺羣匪措手不及殲斃悍賊五六百

人生擒賊目百餘名天明甫行收軍復有馬步  
大股猛撲宋慶營盤馬德昭善慶等軍均馳赴  
會擊三面包抄逆勢不支退奔十餘里又斃悍  
賊二三百人生擒六十餘名賊向西北舊河隄  
一帶奔竄有向曹考之勢臣查該逆等屢被官  
軍懲創無從得食因而避兵潛遁奔向西北業  
經先檄開陳許汝各地方官督飭兵勇紳團嚴

加防範兼令堅壁清野毋齎盜糧又飭副將崔  
廷桂率領礮船在黃河要口上下梭巡以防偷  
渡臣仍檄飭總兵宋慶等軍分途追截務期迅  
殄逆氛再據探報任賴各逆又由宿州回竄擾  
及永城東南邊境業經兩江督臣曾國藩派兵  
追剿臣亦派提督馬德昭等軍前往以期兩面  
夾攻均奏入

上命軍機大臣傳諭曾國藩劉長佑喬松年闔敬銘  
李鶴年曰張牛股匪由蕭碭竄至虞城邊境經宋  
慶等軍疊擊獲勝該逆潛向西北舊河隄一帶奔  
竄有趨曹考之勢意在避兵就食李鶴年現已檄  
開陳許汝各地方官督率兵勇紳團堅壁清野著  
卽飭令實力奉行務使賊蹤所至無糧可擄以期  
日就解散黃河一帶礮船尤須勤加巡防以杜賊

匪偷渡仍飭宋慶等軍跟蹤緊追毋任該逆喘息  
至曹考一帶與直隸山東地界毗連大名及濮范  
張秋等處黃河防務關係緊要劉長佑閻敬銘當  
嚴督在防將士加意堵禦不可稍形鬆懈余承恩  
已帶所部赴豫劉長佑所籌填紮一軍共有若干  
著卽迅飭到防賊蹤飄忽靡常往往此剿彼竄非  
合數省兵力四面兜剿不足制其奔突著曾國藩

劉長佑闔敬銘李鶴年各飭所部將士聯絡聲勢  
前截後追務令賊蹤所向到處有兵堵剿不可稍  
分畛域致誤事機正在寄諭聞據曾國藩馳奏各  
軍追剿情形現在張牛一股竄至虞城以西任賴  
一股由桃宿竄入懷遠南渡渦河盤踞下蔡等處  
曾國藩現飭潘鼎新會同周盛波爲一路劉松山  
會同張詩日等爲一路專剿張牛一股劉秉璋會

同楊應勳爲一路專剿任賴一股著卽分飭各該  
將領視賊所向分路窮追務期殄滅毋違著喬  
松年督率皖軍會合劉秉璋等將任賴股匪就地  
殲除毋任他竄鮑超一軍早到鄂省現在行抵何  
處並著曾國藩酌度情形催令由信陽一帶迅赴  
豫境迎頭截擊以杜紛竄所奏劉銘傳一軍改調  
徐州李昭慶各營分防韓莊濟甯暫資休息並潘

鼎新楊鼎勳兩軍概作游兵等情均著照所籌辦  
理直東兩省防兵互相攙雜心志不齊曾國藩現  
經議定自龍巖豆腐店以上並東明長垣等處統  
歸劉長佑派兵設防自豆腐店以下並張秋東阿  
等處統歸閻敬銘派兵設防著卽迅飭直東防兵  
各歸汛地以專責成曾國藩現擬前赴宿遷等處  
查閱南路隄牆並著會同吳棠督飭地方文武加



工修築以期保全完善

二十八日丙戌吳棠奏言張逆由劉州東境折向

北趨延慶離邑五月初四五等日併向宿遷支

河口阜河一帶猛撲運防經水師補用提督鄧

長里等督飭師船嚴行堵截賊知有備分股旁

掠邳州又經王甫成等迎擊敗之斃賊百餘名

生擒四名餘衆踉蹌奔潰初八日竄至銅山拾

家圩遊騎充斥直逼郡城時任賴一股亦由蕭  
縣回擾桃山等處總兵董鳳高會同劉銘傳所  
部敗賊於荆山橋逆勢不支探聞張逆已由蕭  
縣西趨仍回曹單一帶其任賴諸逆竄入靈璧  
懷遠各界刻下江境暫無賊蹤至各屬圩工邳  
州沿運長圩二萬餘丈早經報竣宿遷長圩計  
二萬七千餘丈桃源一萬二千餘丈均經歷勘

形勢嚴飭各該地方文武督率練董勒限趕築  
業已一律蒞事似此憑河扼險加之兵勇練丁  
嚴密布置或可聯絡聲勢阻遏狡謀奏入報

聞



欽定勦平擒匪方略卷二百五十七 丙寅年

六月初三日

庚寅

閩浙總督左宗棠奏言竊維擒

匪蹂躪江北河北等處萬騎縱橫論者謂欲平  
擒逆須益騎兵固也然騎兵非練習有素則隊  
伍行列難以整齊槍箭刀矛難期精熟以之勦  
賊勝負之數未可豫知因思古人塞上之戰每  
用兵車如衛青以武剛自衛深入絕漠馬隆用

偏箱復通西涼明臣余子俊曾銃郭登周尙文  
楊博輩皆以車戰顯蓋制騎者莫如車爲其行  
則載輜重止則成壁壘足禦衝突而固軍心也  
明中書趙士楨車銃議用車載銃車爲守具銃  
爲攻具亦有所見今勦擒匪旣議減步兵而添  
馬隊宜兼用車輛以遏賊衝如慮製造兵車經  
費維艱則廣雇兩輪車倒縛礮位閒以車輪開

花礮測準施放行則爲陣止則成營似亦制賊之一奇一得之愚未敢自匿是否有當伏候

聖裁奏入

上命軍機大臣傳諭左宗棠曰據奏勦捻利用車戰等語捻蹤剽疾異常日前鮑超曾有擬用獨輪車放礮之奏能否合用制勝尙未據該提督續陳行軍之道全在因地制宜將來仍須諭會國藩斟酌

辦理

初六日癸巳李鴻章奏言東路捻股於五月初八

日在徐州之荆山橋經提督劉銘傳所部擊敗  
後全數竄出徐境維時總兵周盛波等適由蕭  
縣追賊至徐又截之於大壩牛浦地方張總愚  
一股向西北遁往歸德單縣等處任柱牛洛紅  
等股與張逆相失折而南趨遂渡澮渦兩河竄



入懷遠鳳臺境內淮河南北伏莽竊發有勾捨  
過淮之謠淮南腹地空虛撫臣喬松年函稱皖  
軍力薄難支急求援救臣以周盛波等爲張總  
愚另股牽綴恐未能引軍南來因令現駐蕪湖  
之總兵王可陞拔隊北渡移守廬州並檄總兵  
王永勝由臨淮分隊赴懷遠臬司劉秉璋由宿  
州進蒙城與楊鼎勳王永勝等會合相機兜剿

冀可稍遏兇鋒劉銘傳一軍終歲馳驅疲勞已甚前經督臣曾國藩奏明在濟甯休息兩月旋因追勦東下已至徐州卽在徐城暫駐接據該提督函稱以賊勢趨重皖北自順調戍六安保全故土臣已令兼程入皖如能早到廬六一帶當可無虞奏入報

聞

初九日丙申李鶴年奏言張總愚股匪因我軍追

躡甚緊突由西北折向南趨五月十九二十等

日從甯陵睢州等境竄向杞縣總兵宋慶副將

蔣東才等軍偵知賊已南竄改道兼程亟赴睢

杞進剿該逆卽竄往太康蔓延陳州周家口等

處又據探報逆首牛洛紅經官軍擊敗後與張

逆分股逸至皖境又由亳州闖入鹿邑東南兩

鄉提督馬德昭一軍甫往迎剿該匪不敢停留  
疾奔陳州與張逆復合現均由西華竄赴上蔡  
一帶臣查張牛各逆本係失巢窮寇近來疊被  
懲創一聞兵到立即繞道狂奔馬德昭宋慶等  
軍現已會合一處追及賊尾略有斬擒兩江督  
臣曾國藩所派臬司潘鼎新總兵劉松山張詩  
日等軍亦先後馳抵陳州自可乘此聲勢併力

勦辦至 臣營距前敵漸遠調度恐有稽遲且現  
在兵力趨重西南賊蹤飄忽無定其西北河洛  
一路稍形空虛宜豫籌防禦查徐州爲省南中  
路距汝甯南陽等處較近可以相機策應茲擬  
於本月初六日由歸德起程移往駐紮催督各  
軍前進兜勦以期痛挫兇鋒兼顧完善奏入

上命軍機大臣傳諭官文曾國藩曾國荃李鶴年曰

張總愚股匪因被官軍追躡由甯陵等處南竄陳  
州周家口牛洛紅一股亦由亳州竄往與張逆合  
股均向上蔡一帶奔竄賊蹤屬集一隅正可厚集  
兵力一鼓殲除曾國藩所派之潘鼎新劉松山張  
詩日等軍已抵陳州卽著飭該員等併力追剿毋  
令互相觀望致該匪擾及鄂境李鶴年現已移營  
許州著就近督飭馬德昭宋慶等軍跟蹤追躡與

潘鼎新等軍併力兜剿不得以尾斬數賊敷衍塞  
責河洛空虛亟宜豫籌堵截南陽郡縣作何布置  
並著李鶴年相機調派勿稍大意鮑超一軍前據  
曾國荃奏報由麻城取道商城以達光固現在賊  
匪已由上蔡一帶奔竄鮑超由光固進兵正可確  
探賊蹤迎頭截擊著官文曾國荃嚴飭該提督迅  
赴戎機毋得任意遷延前據左宗棠奏剿捻之法

利用車戰等語日前鮑超曾有擬用獨輪車放礮  
之奏與左宗棠所見略同軍事因地制宜左宗棠  
所奏能否合用制勝著曾國藩酌量辦理

初十日 丁酉 喬松年奏言英翰一軍由蒙城追賊

至河溜乘賊不備奮力進攻當將河溜集攻破  
殺賊數百人賊匪悉向西平峨山一帶盤踞並  
分股擾至下蔡附近攻圩擄糧意欲渡河南竄



蹂躪腹地 臣連日調回水師各船已在淮河密  
布所有沿河搶渡之賊均經各水師督率團練  
擊敗遠竄未容搶渡英翰等軍進兵劉家集張  
得勝一軍進兵朱疇橋皆徧賊營而陣屢次進  
戰屢有斬擒賊猶負嶠抗拒其時牛逆一股續  
竄入皖渦陽義門江口集均有防兵 臣方慮兵  
力較單幸周盛波一軍緊躡其後及賊於義門

集奮勇痛勦斃賊數千牛逆僅以身免適李鴻  
章所派王永勝之軍由臨淮至懷遠曾國藩所  
派劉秉璋之軍由徐州至蒙城任逆聞大軍將  
集連夜棄壘西奔英翰等率隊躡追正與周盛  
波相遇於江口集會合夾勦復有斬獲該逆向  
西狂奔已入豫境此次賊股衝竄謀渡淮河勢  
甚狻獬皖軍更番進戰殺賊甚多而弁勇傷亡

亦復不少周盛波力破牛逆其功最爲卓著擬  
俟賊匪廓清後彙請優獎現在豫境陳州一帶  
有周家口張樹珊一軍扼守鮑超一軍亦已從  
楚入豫兩路均可堵扼該逆不能逞志必將繞  
道光固復窺皖境張逆一股尙在歸德附近游  
弋亦恐續竄入皖皆須嚴備臣已飭英翰程文  
炳等軍於潁州一帶擇要以待專備攔擊並飭

史念祖方長華等軍出境跟追以遏回竄之路  
奏八

上諭曰昨據李鶴年奏稱張牛各逆現已合股由西  
華竄赴上蔡一帶逆蹤飄忽或由光固窺伺皖境  
亦未可定喬松年當督飭各軍扼要堵截並嚴飭  
史念祖等出境追剿毋許觀望遲誤

十三日  
庚子李鶴年奏言張牛股匪疾趨上蔡其

邊騎擾及臨潁郟城西平等處均經提督  
馬德昭總兵宋慶等分兵援應該匪不能逞志  
先後竄入上蔡縣境五月二十五日宋慶等軍  
擊之於塔橋又敗之於大吳莊斬擒無數二十  
六日偵知逆首占踞莊南朱戶寨宋慶飭副將  
蔣東才等進攻匪衆出拒我軍直前鏖戰兩時  
將賊壓敗所踞民莊乘勢奪回賊乃奔竄二十

八日宋慶追及於邵鎮迤南地方張總愚大股  
回犯宋慶察看地勢隔一小河亟令都司郭春  
報等列陣於南蔣東才等領隊扼其北參將劉  
鳳清帶領千總馬玉崑等由中路進兵後隊速  
進紮營布置甫定宋慶親率郭春報等馳赴河  
西賊以大股抵禦分股踰河而東潛抄我軍之  
後是時四面皆賊宋慶激勵將士奮勇衝殺賊

衆披靡都司郭春報千總吳會等大呼陷陣手  
刃悍賊多名該匪抵死不退我軍再接再厲兇  
悍賊會猶復糾黨猛撲宋慶揮軍橫擊殲其執  
旗頭目甚多賊屍枕藉羣匪踉蹌潰奔我軍掩  
殺十餘里生擒賊目張西法等五六十名陣斃  
一千餘名解散難民近二千人我軍傷亡約百  
餘名訊據獲賊供稱此次該匪除陣斃外身受

重傷者二千餘人勢甚窮蹙等語又據馬德昭  
報稱該提督由商水進兵勦辦牛洛紅一股五  
月二十六日截賊於永定寨洪橋等處斬獲多  
名二十七日追至上蔡縣東關直衝賊隊環放  
槍礮匪勢不支紛竄東南追殺二十餘里生擒  
賊匪三十餘名斬斃一百餘名餘匪向汝陽一  
帶竄去臣查張牛等逆乘虛滋擾避兵疾馳屢



經各軍追躡冒暑力戰大挫兇鋒洵足寒賊膽  
而快人心 臣仍飭馬德昭宋慶等督隊疾追力  
圖勦洗此次出力員弁容 臣擇尤存記彙案請  
獎奏入

上命軍機大臣傳諭官文曾國藩曾國荃李鶴年曰  
張牛股匪疾趨上蔡邊騎分擾臨郟西遂等處屢  
經官軍擊敗宋慶將張逆追至邵鎮迤南地方檢

新甚多馬德昭追勦牛逆一股亦頗有斬獲餘匪  
向汝陽一帶竄去著李鶴年卽飭馬德昭宋慶等  
乘此聲威力圖勦洗毋任紛竄所有此次出力員  
弁擇尤存記准其彙案請獎賊匪屢次敗挫而勢  
未稍衰必須將著名頭目設法擒斬方可以次殄  
滅現在著名巨憝不過張賴任牛等逆前據喬松  
年奏周盛波一軍大破牛逆於義門集牛洛紅僅

以身免當時若設計兜撿何至死灰復燃周盛波  
等遊擊之軍曾否入豫著曾國藩飛飭該提督等  
會合豫軍乘勝痛剿盡殲醜類鮑超一軍計應由  
楚赴豫官文曾國荃當遵疊次諭旨催該提督確  
探賊蹤迅速迎擊曾國荃派赴應山之軍能否令  
其入豫爲鮑超後路聲援並續募勇丁已否操練  
成軍均著酌度情形妥爲調度

李鶴年又奏言據湖北撫臣曾國荃咨稱霆軍由鄂赴豫並籌轉運事宜臣查浙江提督鮑超統帶霆字營馬步全軍即日來豫所有轉運協餉軍裝子藥等項均關緊要臣已派南汝光道蒯賀蓀馳赴商城辦理霆營轉運事宜以期無誤奏入報

聞

十八日乙巳曾國藩奏言牛洛紅一股被我軍擊

敗後不能與張總愚合併周盛波督軍跟追五  
月十五日至永城之同和集探知牛逆欲竄過  
渦河遂催督各營窮追十七日該逆已竄過渦  
河周盛波趕搭浮橋渡河派周盛傳由西路進  
劉啟福等由東路進周壽昌由中路進而令陳  
明昇等各帶馬隊從旁衝截牛逆勢已窮蹙疾

驅悍賊數千人賊中所謂內五營者蠶擁回拒  
我軍分路猛擊賊衆冒死抵敵周盛傳坐馬被  
賊矛刺倒徒步交戰兵勇皆死鬪賊始大敗正  
追逐閒有步賊一股逃入路旁廢圩周壽昌率  
師入圩搜殺淨盡餘賊向南飛奔我軍追殺二  
十餘里牛逆踉蹌逸去周盛波晝夜追逐十八  
日至亳州十九日至鹿邑西南之馬家寨該逆

已竄入陳州境內我軍馳逐四百餘里人馬俱  
困將士多病卽在馬家寨休息任柱賴汝光一  
股自五月初四日由宿州西竄盤踞鳳臺縣屬  
之平河山一帶與皖軍張得勝等相持日久二  
十三日王永勝一軍趕至懷遠二十五日劉秉  
璋一軍趕至蒙城周盛波亦自馬家寨回援二  
十六日至潁州府東之棗莊集賊聞援師四集

遂自平河山西竄欲由潁郡之留陵江偷渡沙河竄擾光固適遇周盛波軍突至遂折向東北竄逸繞至烏江河上游圖襲我軍後路周盛波揮軍齊進洋槍炸礮連環轟擊逆勢不支向西狂奔解散脅從難民千餘人二十九日賊竄至太和六月初一日竄至港溝劉秉璋與皖軍英翰等次第跟追張總愚一股自五月中旬由虞



城西竄潘鼎新與劉松山張詩日之軍追勦二  
十一日同抵甯陵知該逆已至睢州之河陽集  
次日追至睢州該逆撲陳州城下旋即退去二  
十二日竄近周家口之北寨牛逆亦由苑寨偷  
渡河南與張逆分而復合駐防周家口之總兵  
張樹珊派副將閃鳳來馬隊迎擊殺賊數十名  
是夕復分隊雕勦該逆不敢迎戰連夜由逍遙

集一帶渡過沙河張逆自鄆城西遁牛逆自商水西遁均奔遂平確山一路訊據生擒賊供均稱該逆欲由信陽竄往光固六安等情臣查捻逆各股回竄豫皖兩省中原平曠之地四通八達若不擇地設防此勦彼竄終不能大加懲創上年劉銘傳帶兵入豫察看地勢卽創扼守沙河之議驅賊於沙河以南以蹙其勢臣以彼時

兵力未齊未遽允行今張牛等逆旣渡沙河以南任賴等逆亦將渡沙渡淮并趨南路本年防守運河屢有成效應卽倣照辦理惟自沙河上流直至邳縣汝州地段太長幾無止境臣博詢衆議擬自周家口以下至槐店止扼守沙河自周家口以上至朱仙鎮止扼守賈魯河由臣派兵設防自朱仙鎮以北四十里至汴梁省城又

北三十里至黃河南岸無河可扼空濠守之由  
李鶴年派兵設防自槐店以下至正陽關仍守  
沙河由喬松年派兵設防自正陽關以下卽係  
淮河由臣派水師與皖軍會防各分汛地層層  
布置或者漸偪漸緊逐捻於西南山多田多之  
處官軍較易爲力現已檄劉銘傳自徐州拔赴  
沙河口與潘鼎新張樹珊等熟商防守之策並

咨商安徽河南兩撫 臣調兵分防皆憑人力以  
堅守不以地險爲可恃至羣賊南竄不出南汝  
光固黃州六安等處則鮑超所統之霆軍劉秉  
璋楊鼎勳王永勝所統之淮軍劉松山張詩日  
所統之湘軍分路遊擊亦尙足敷勦辦 臣擬於  
十五日拔營東下 謁看宿遷桃源一帶隄牆卽  
由運入淮沂流而上徑赴周家口沿途察看賊

情地勢續行奏報

曾國藩又奏言 臣於四月初先擬挑濬賈魯河  
置船設防專函商諸東河督 臣張之萬旋准覆  
稱賈魯河沙淤已久萬難興挑詢之河南紳士  
言亦相同沙河上下千餘里地段太長防此兩  
河本係極難之事惟念 臣處馬隊不敵賊騎戰  
事既無把握不能不兼籌防守防河之舉辦成

則有大利不成亦無大害是以仍就前議竭力  
興辦劉銘傳首畫此策卽令其與潘鼎新張樹  
珊會防力任其難扼守朱仙鎮以下四百里其  
自朱仙鎮以上必須專資河南兵力撫臣李鶴  
年現已移紮許州豫兵已赴西路追剿臣趕辦  
河防咨商李鶴年請其暫駐省城調回各軍先  
圖近守不必遠剿查自朱仙鎮以北至河南省

城四十里又自省城以北至黃河南岸三十里  
以豫省各軍全力守此七十里似乎頓兵不進  
難免外閒浮議然此七十里者全係沙地不易  
挖濠深慮旋開旋壅汎地雖少防禦甚難但使  
扼防得力將來可與追勦之兵一同論功請獎  
本年三月山東兩次設防先在曹州均經失利  
後在運河均稱得力河南兵不甚多即可倣照



山東辦理不貪馳勦虛名或收制賊實效臣於  
軍事辦未就緒者向不輕於具奏因臣主聚兵  
防河之說恐使李鶴年蒙頓兵不進之譏不得  
不豫先奏明可否請

旨飭李鶴年暫駐汴梁調齊各兵先辦朱仙鎮以北  
防務設兩河防務不能辦成或有損於大局臣  
願獨當其咎奏入

上命軍機大臣傳諭官文曾國藩曾國荃喬松年李  
鶴年曰周盛波等軍勦賊獲勝屢經喬松年李鶴  
年奏報情形相同任賴等逆由鳳臺竄擾太和等  
處各軍追勦現有渡沙河淮河并趨南路之意曾  
國藩以捻逆回竄若不擇地設防恐此勦彼竄終  
不能大加懲創因採上年劉銘傳扼守沙河之議  
自周家口以下至槐店止扼守沙河自周家口以

上至朱仙鎮止扼守賈魯河由曾國藩派兵設防  
自朱仙鎮以北四十里至汴梁省城又北三十里  
至黃河南岸無河可扼空濠守之由李鶴年派兵  
設防自槐店以下至正陽關仍守沙河由喬松年  
派兵設防自正陽關以下卽係淮河由曾國藩派  
水師與皖軍會防各分汛地層層布置逐捻於西  
南山多田多之處官軍較易爲力所陳不爲無見

會國藩已檄劉銘傳自徐州赴沙河口與潘鼎新等熟商辦法卽著責令該提督等認真防守不得空言塞責並著喬松年李鶴年調派得力之軍各防汛地以專責成李鶴年卽行折回汴梁駐紮調齊各兵先辦朱仙鎮以北防務自此次分段設防以後如捻蹤仍由沙河淮河回竄卽惟該督撫等是問賊騎雖多不得出南汝光固黃州六安等處

有鮑超等數枝遊擊之師足敷雕剿曾國藩現已  
拔營東下閱看桃源宿遷一帶隄牆由運入淮徑  
赴周家口卽著調度各軍一面赴防一面迎剿以  
期迅速奏功鮑超一軍屢諭官文曾國荃催令相  
機進剿現在曾國藩旣建設防限賊之議賊不得  
出此數百里勢必竭力死戰鮑超現在行抵何處  
著官文曾國藩嚴飭該提督奮勉圖功毋得遷延

時日自取咎戾

二十四日 辛亥 李鶴年奏言賴汝洸任柱股匪由

安徽下蔡上犯亳鹿六月初五日已至陳州擾  
及太康扶溝等處 臣因暫駐歸德覘賊所向再  
定進止旋准兩江督 臣曾國藩咨稱張牛各股  
業經竄過沙河以西其勢必再渡淮而南任賴  
等逆旣由下蔡西竄亦必上窺皖鄂我軍自須

扼守沙河遏其回竄應飭潘鼎新一軍在周家  
口以上沙河北岸擇要扼紮不必跟蹤追勦任  
賴等逆果已南渡再檄調銘軍赴沙河北岸會  
同防守並令臣回駐省城豫省各軍概防沙河  
北岸不必縱橫跟追庶豫軍勞苦較少而成功  
反多俟沙河之守已固逐捻於西南山多田多  
之處賊騎不甚得力官軍較有把握等語臣應

卽照咨辦理惟各軍方在前敵與賊相持且南陽汝甯等處別無重兵擬令暫留牽制臣一面定期由歸德回省一面檄飭馬德昭宋慶等軍不必遠勦臣到省後再行酌量撤回現在黃河伏汎盛漲賴任等逆尙盤旋於通許扶溝等處去河未遠防守隄岸甚屬緊要前調總兵余承恩一軍已抵省城卽令督同副將崔廷桂所帶



礮船水陸兼防以期有備無患奏入

上諭曰豫軍旣在前敵與賊相持自應暫留牽制該撫現已回省著將各路防務妥爲布置毋稍疏懈

李鶴年又奏言據提督馬德昭咨報張總愚牛洛紅等逆疊經擊敗悉向上蔡西北奔竄五月二十九日馬德昭派隊進剿至十里鋪適與賊遇參將李承先直前陷陣總兵王國良等分路

接應槍礮齊發轟斃匪黨甚多賊仍盤踞縣境  
之百尺集六月初四日馬德昭進紮單莊距賊  
約七八里初五日總兵宋慶滾營前進近偏賊  
巢該逆糾衆來犯參將莊啟元首先衝擊副將  
蔣東才等各隊繼至合力夾攻陣斃百餘名生  
擒二十餘名踰時該逆又夾撲營我軍出隊正  
相持聞馬德昭一軍繞赴百尺集徑擣賊巢該

逆奔回救援我軍業經深入殲賊二百餘人正在撤隊該逆涉水包抄截我歸路我軍往來衝壓鏖戰良久斃賊甚衆弁勇亦有傷亡王國良及參將王步雲守備謝聯陞各受矛傷猶裹創力戰保英等軍亟赴策應奮勇兜擊賊始敗退各營亦收隊而回奏入報

聞